

ዋዜማ

ሃሌ ሉያ ሃሌ ሉያ ሃሌ ሃሌ ሉያ ሃሌ ሃሌ ሉያ አብሠራ **ገብርኤል ለማርያም** ወይቤላ ትወልዲ ወልደ **ሚካኤል** መልአክ በክነፍ ፆራ መንጦላዕተ ደመና ሠወራ ንጽሕት በድንግልና አልባቲ ሙስና ወልድ ተወልደ እምኔሃ።

ምልጣን፡- **ሚካኤል** መልአክ በክነፍ ፆራ መንጦላዕተ ደመና ሠወራ ንጽሕት በድንግልና አልባቲ ሙስና ወልድ ተወልደ እምኔሃ፤ ወልድ ተወልደ እምኔሃ።

በ፭ ገብርኤል አብሠራ ለማርያም ወይቤላ ትወልዲ ወልደ ገብርኤል አብሠራ ለማርያም።

እግዚ. ነግሠ፤ ገብርኤል አብሠራ ተፈሥሒ ይቤላ ኢሳይያስ ይቤላ ሐዳስዩ ጣዕዋ ሰሎሞን ይቤላ ደብተራ።

ይት. ገብርኤል መልአክ መጽአ ወዜነዋ ለማርያም ጥዩቀ ሠናየ ዜና ከመ ይመጽእ አምላክ ላዕሌሃ።

ሰላም፤ አመ ዐሠሩ ወተሱዑ ለወርኃ ታኅሣሥ አመ ይትጋብኡ መላእክት መልአክ ሰላምሙ ውእቱ ገብርኤል ገብርኤል ይስእል ምሕረተ ለእንስሳ ሣዕረ ለሰብእ ተግባረ (መ) ሚካኤል በየማነ ምሥዋዕ ይቀውም ዐውዶ መልአክ ሰላምሙ ውእቱ ገብርኤል መልአክ ኪዳኖሙ ውእቱ ገብርኤል ስሙ።

ነግሥ

ሚካኤል ሊቀ መላእክት ሰአል በእንቲአነ ወቅዱስ **ገብርኤል** አዕርግ ጸሎተነ ።

አርባዕቱ እንስሳ መንፈሳውያን ሰባሕያን ወመዘምራን ሰአሉ በእንቲአነ ዕሥራ ወአርባዕቱ ካህናት ሰማይኒ አዕርጉ ጸሎተነ ።

ነቢያት ወሐዋርያት ጻድቃን ወሰማዕት ሰአሉ በእንቲአነ ምስሌክሙ ከመ ይክፍለነ መክፈልተ ወርስተ ለኹልነ።

ማኅበረ ቅዱሳን ወሰማዕት ሰአሉ በእንቲአነ መላእክተ ሰማይኒ አዕርጉ ጸሎተነ ።

ማርያም እግዝእትነ ወላዲተ አምላክ ሰአሊ በእንቲአነ እስመ ረከብኪ ሞገሰ በኅበ እግዚአብሔር ።

ረከብኪ ሞገሰ መንፈሰ ቅዱሰ ወኃይለ ሰአሊ አስተምህሪ ለነ **ማርያም** ወልድኪ ሣህሎ ይክፍለነ ።

ኅበ ተርኅወ ገነት ውኅበ ተነጽፈ ዕረፍት ይክፍለነ ነሃሉ ውስተ በአቶሙ ለቅዱሳን ።

ስምዐኒ እግዚአ ጸሎትየ ሃሌ ሉያ ሃሌ ሉያ ወይብጻሕ ቅድሜከ ገዓርየ ሃሌ ሉያ ሃሌ ሉያ ወኢትሚጥ ገጸክ እምኔየ በዕለተ ምንዳቤየ አጽምዕ ዕዝነከ ኅቤየ ሃሌ ሉያ ሃሌ ሉያ አመ ዕለተ እጼውዐከ ፍጡነ ስምዐኒ ሃሌ ሉያ ሃሌ ሉያ ለዓለም ወለዓለም ዓለም ሃሌ ሉያ ዘውእቱ ብሂል ንወድሶ ለዘሀሎ እግዚአብሔር ልዑል ስቡሕ ወውዱስ ዘሣረረ ኹሎ ዓለመ በአሐቲ ቃል ።

ዳዊት ነቢይ በከመ ጸለየ እጼሊ ኅቤከ **እግዚአብሔር** አምላኪየ እንዘ እብል ከመዝ ፀወንየ ወኰኹሕየ ወታድኅነኒ ሊተ እምጸላእትየ ዐቃቤየ ትከውነኒ ወእትዌከል ብከ ምእመንየ ወዘመነ ፍርቃንየ ረዳእየ ወምስካይየ ወሕይወትየ ወታድኅነኒ እምእደ ገፋዕየ ሃሌ ሉያ በስብሐት እጼውዐከ ንጉሥየ

ወደምላኪያ። **ሚካኤል** መልአክ ሰአል ወጸሊ በእንቲአነ ወበእንተ ነፍሰ ኩልነ መልአኪያ ይቤሎ እመላእክት ሠምሮ መልአክ ኪዳኑ **ለክርስቶስ** ።

ሰላም ለክሙ ማኅበረ መላእክት ትጉሃን፤ ሰላም ለክሙ ማኅበረ ነቢያት ቅዱሳን፤ ሰላም ለክሙ ማኅበረ ሐዋርያት ፍንዋን፤ ሰላም ለክሙ ማኅበረ ሰማዕት ወጻድቃን፤ ሰላም ለክሙ ማኅበረ ሥላሴ ጉብኣን፤ ወሰላም ለማርያም ዘእሳት ክዳን።

ማኅበረ መላእክት ወሰብእ ተዐይነ **ክርስቶስ** ወእሙ፤ ሰላም ለክሙ፤ ሰባ እከሥት አፉየ ለውዳሴክሙ፤ ፍሬ ማኅሌት እምልሳንየ ትቅስሙ፤ ምስሌየ ሀልዉ ወምስሌየ ቁሙ ።

ሰላም ለአብ ወለወልድ ቃሉ፤ ወለመንፈስ ቅዱስ ሰላም ዘአካሎሙ አካሉ፤ **ለማርያም** ሰላም እንተ ተሳተፈት ስብሐተ እሉ፤ ሰላም ለመላእክት ወለማኅበረ በኹር ኩሉ፤ ጽሑፋነ መልክእ ወስም በሰማይ ዘላዕሉ።

ሰላም ለአብ ገባሬ ኩሉ ዓለም፤ ለወልድ ሰላም ወለመንፈስ ቅዱስ ሰላም፤ **ለማርያም** ሰላም ወለመላእክት ሰላም፤ ሰላም ለነቢያት ወለሐዋርያት ሰላም፤ ለሰማዕታት ሰላም ወለጻድቃን ሰላም።

ሰላም ለአብ ዘእምቅድመ ዓለም ነጋሢ፤ ለወልድ ሰላም ሥጋ **ማርያም** ለባሲ፤ ለመንፈስ ቅዱስ ሰላም ኃጢአተ ዓለም ደምሳሲ፤ ጎይልየ ሥላሴ ወፀወንየ ሥላሴ፤ በስመ ሥላሴ እቀጠቅጥ ከይሴ።

ሰላም ለጉርዒክሙ ስቴ አንብዐ ሰብእ ዘጎሠሠ፤ ብዑላነ ሞገስ ሥላሴ ኢታንድዩኒ ሞገስ፤እመ ትትኅየዩኒስ ኢትኅድጉኒ ጽኑስ፤

ሚካኤል፡ ለአውጽኦ ሥጋዩ ጌሠ፤ ወእመ አኮ **ገብርኤል** ወሀበኒ ነፍሰ።

ዚቅ፡- አድጎነ እግዚአ አምላክነ ረዳኤ ኩነነ ወኢትግድፈነ ወኢትጎየየነ በዕለተ ምንዳቤነ ርድኣነ በኃይለ መላእክቲክ ከመ ኢንትጎፈር በቅድሜከ።

ሰላም ለከሙ **ሚካኤል ወገብርኤል፤** ሱራፌል ወኪሩቤል ዑራኤል ወሩፋኤል ሱርያል ወፋኑኤል፤ አፍኒን ወራጉኤል ወሳቁኤል፤ ወሰላም ለቅዳሴክሙ፤ ትጉሃነ ሰማይ ዝክሩነ በጸሎትክሙ።

ሰላም ለከሙ **ሚካኤል ወገብርኤል፤** ሱራፌል ወኪሩቤል ዑራኤል ወሩፋኤል ሱርያል ወፋኑኤል፤ አፍኒን ወራጉኤል ወሳቁኤል፤ ሊቃናተ ነድ ዘሰማያዊት ማኅፊድ፤ በእንተ በግዑ ዕቀብዋ ለዛቲ ዐፀድ ።

ሰላም ለከሙ **ሚካኤል ወገብርኤል፤** ሱራፌል ወኪሩቤል ዑራኤል ወሩፋኤል ሱርያል ወፋኑኤል፤ አፍኒን ወራጉኤል ወሳቁኤል፤ ወሰላም ለከናፍሪክሙ፤ ከመ ትዕቀቡነ ተማሕፀነ ለክርስቶስ በደሙ።

ሚካኤል ወገብርኤል ሱራፌል ወኪሩቤል፤ እለ ትሴብሕዎ፤ መላእክተ ሰማይኒ፤ ሰአሉ ለነ አስተምህሩ ለነ፤ ቅድመ መንበሩ ለእግዚእነ።

ሰላም ለከ ሊቀ መላእክት **ሚካኤል፤** ወዲበ ሠናይቲክ ዓዲ ለሰብእ ሣህል፤ አሐዱ እምእለ ይባርክዎ ሊቃል፤ እዙዝ ዲበ ሕዝብ ከመ ትተንብል፤ በእንተ ሥጋሁ ነበልባል ርእሰነ ከልል።

ሰላም ለከ ንስረ እሳት ዘራማ፤ ማኅሌታይ ሚካኤል መዓርዒረ ዜማ ፤ ለረድኤትከ ዲቤነ ሂማ፤ ለማኅበረኒ ከዋላሃ ዕቀብ ወፍጽማ፤ እመራደ ነኪር አጽንዕ ኑኃ ወግድማ።

ሰላም ለሚካኤል ዘነድ ሱራሁ፤ ይትከህን ወትረ በበምሥዋዒሁ፤ እምቅዱሳን አሐዱ እምእለ ይተግሁ፤ ሐዋዝ በአርያም መኃልይሁ፤ ነጐድጓደ ስብሐት ግሩመ ይደምፅ ጉህናሑ።

ሰላም ለልሳንከ መዝሙረ ቅዳሴ ዘነበልባል፤ ወለድምፀ ቃልከ ሐዋዝ ቀርነ መንግሥቱ ለቃል፤ ሞገሰ ክብሩ ሚካኤል ለተላፊኖስ ባዕል፤ አልቦ ዘይትማሰለከ በልማደ ምሕረት ወሣህል፤ እንበለ ባሕቲታ እኅትከ ማርያም ድንግል።

ሚካኤል ዘትቀውም በየማና ለማርያም ድንግል፤ ወበጸጋማ ገብርኤል አብሣሬ ትስብእቱ ለቃል፤ ዕቀቡነ ዘልፈ ለለመዋዕል፤ እንዘ ትሰፍሑ አክናፊክሙ ዘነበልባል፤ ወረድኤትከሙ አድኅኖ ዘይክል።

ዚቅ:- አብሠራ ገብርኤል ለማርያም ወይቤላ ትወልዲ ወልደ ሚካኤል መልአከ በክነፍ ያራ መንጥላዕተ ደመና ሠወራ ንጽሕት በድንግልና አልባቲ ሙስና ወልድ ተወልደ እምኔሃ።

ንዌጥን ዝክረ ውዳሴሆሙ ለነቢያት ወሐዋርያት፤ ለጻድቃን ወሰማዕት፤ ለአዕላፍ መላእክት ዘራማ ኃይላት፤ ለምልዕተ ጸጋ ማርያም ቡርክት፤ ወለሥግው ወልዳ ነባቢ እሳት።

ንዌጥን ዝክረ ወድሶታ ለመንፈሳዊት ርግብ፤ ዘመና ልሁብ፤ እምከናፍሪሃ ይውኅዝ ሐሊብ፤ ተፀውረ በማሕፀና እሳት ዘኮሬብ፤ ወኢያውዐያ ነድ ወላህብ።

ማሕፀንኪ እግዝእትየ **ማርያም** ይከብር ምስብዒተ፤ እምጽርሐ አርያም ዘላዕሉ ወእምኪሩቤል ትርብዕተ፤ ተስዓተ አውራጃ ወሐምስተ ዕለተ፤ ያረ ዘኢይፀወር መለኮተ፤ አግመረ ዘኢይትገመር እሳተ።

ምንተ አዐሥዮ **ለእግዚአብሔር** አሐተ፤ በእንተ ኹሉ ዘጉብረ ሊተ፤ ረስይኒ እሙ አሥምሮ ግብተ፤ **ማርያም** እግዝእትየ ዘሜጥኪ እሳተ፤ ድኅረ በጽሐ ልሳኑ ዘለኪ ቤተ።

ሰላም ለአፉኪ አፈ በረከት ትሩፍ፤ ወአንቀጸ ቅዱስ መጽሐፍ፤ አማሕጽንኒ **ድንግል** በኪዳንኪ ውኩፍ፤ ኢይትኅፈር ቅድመ ወልድኪ ወመላእክቲሁ አዕላፍ፤ አመ ሥርወ ልሳን ይትገዘም ወይትኅተም አፍ።

ሰላም ለዝክረ ስምኪ ዘመንክር ጣዕሙ፤ ለወልድኪ አምሳለ ደሙ፤ መሠረተ ሕይወት **ማርያም** ወጥንተ መድኃኒት ዘእምቀዲሙ፤ ኪያኪ ሠናይተ ዘፈጠረ ለቤዛ ዓለሙ፤ **እግዚአብሔር** ይትባረክ ወይትአኩት ስሙ ።

ነግሥ:- ሰላም ለከ **ገብርኤል** ላእክ፤ ምጽአተ ፈጣሪ ዘትሰብክ፤ ኀበ ማርያም ልደተ አምላክ፤ ለዳንኤል ዘገሠሥኮ ጊዜ መሥዋዕተ ሠርክ፤ ምሥዋዒነ ለለሳው ባርክ ባርክ።

ዚቅ:- እስመ ተለዐለ ዕቦየ ስብሐቲክ መልዕልተ ሰማያት እምአፈ ደቂቅ ወሕፃናት አስተዳሎክ ስብሐተ ባርካ እግዚአ ለዛቲ መካን።

መልክአ ገብርኤል

፩. ሰላም ገብርኤል መልክአ በላዕለ ማርያም ዘአዕረፈ፤ ከመ እዜኑ ኅዳጠ ወአኮ ትሩፈ፤ እግዚአብሔር ሀበኒ ሲሳየ ልቡና መጽሐፈ፤ ወአፉየ ሙሴ ለእመ ኮነ ጸያፈ፤ ጳራቅሊጦስ አሮን ይኩነኒ አፈ።

፪. ሰላም ለተፈጥሮትከ በሌሊተ እሑድ ቀዲሙ፤ እምነበ ወኢምንት ግብር ዘኢይጤየቅ ትርጓሜ ስሙ፤ ሐዋርያ ልደት ገብርኤል ለበለዓለም ኮከበ ሕልሙ፤ እንተ ተሥዕለ በላዕሌከ መልክአ ሕፃን ወእሙ፤ ንጉሠ ኢይሁድ ዝንቱ ዘይቤ ማኅተሙ።

፫. ሰላም ለዝክረ ስምከ ዘኢይተረጎም ምሥጢር፤ ባሕቱ ይመስል ብሂለ እግዚእ ወገብር፤ ገብርኤል ኪሩብ ጸዋሬ ዐቢይ መንበር፤ ሕዝቅኤል ዘነጻረከ በአምሳለ ብእሲ¹ ክቡር፤ ምስለ ገጸ ላሕም ወአንበሳ ወቀሊል ንስር።

ዚቅ:- ገብርኤል ብሂል ብእሲ ወአምላክ እምነበ እግዚአብሔር ዘተፈነወ ላእክ ሥጋዌ ቃል ለድንግል ይስብክ።

፬. ሰላም ለሥእርተ ርእሰከ ወለርእሰከ በአምኃ፤ ዘአስተቀጸሎ አምላክ አክሊለ ቅዳሴ ሰቡሐ፤ ገብርኤል ፀሐይ እንተ ትሠርቅ ጽባሐ፤ ብርሃነ ቃልከ እስከ አጽናፈ ምድር በጽሐ፤ ወውስተ ኩሉ ዓለም ፀዳልከ ሰፍሐ።

¹ በአርአያ ብእሲ

፩. ሰላም ለገጽከ እምገጸ መላእክት ፍሡሕ፤ ንጉሠ ነገሜ ዘርእዮ ማዕከለ ነበልባል መፍርህ፤ ሊቀ ካህናት **ገብርኤል** ዘልብሰ መትከፍትከ ንጽሕ፤ ሥረይ ሊተ ለኃጥእ ጊዜ መሥዋዕተ ሠርክ ወነግህ፤ በምሕረተ ክርስቶስ እድገን ወአኮ በፍትሕ።

፪. ሰላም ለቀራንብቲከ ዘኢፈቀዳ ² ንዋመ፤ ወለአዕይንቲከ አብያዝ እለ ይሜግባ ዓለመ፤ **ገብርኤል** ጸሐቕ ትጸግወኒ ሰላመ፤ ሚካኤልስ አመ ³ ላዕለ ሙሴ ተሠይመ፤ ከፈለ ሎቱ ማየ ባሕር ግሩመ።

፫. ሰላም ለአዕዛኒከ ጥንተ ቃለ አብ ሕያው፤ ወለመላትሒከ ⁴ ልሑያት አምሳላተ ጽጌ ዘበድው፤ አ **ገብርኤል** መልአከ አድነኖ ፍንው፤ አድነነኒ ዘአድነንኮሙ በአከናፊከ ምንትው፤ አመ ውስተ እሳት ተወድዩ ሠለስቱ እደው።

ዚቅ:- ዘአድነኖሙ ለአናንያ ወአዛርያ ወሚሳኤል ከማሆሙ ያድነነ እምኲሉ ዘይትቃረነ።

፬. ሰላም ለአዕናፊከ አናቅጸ ፍትው ጼና፤ ወለከናፍሪከ ሰላም ከናፍረ ንጽሕ ወቅድስና፤ ከመ አብሠርካ **ገብርኤል** ለማርያም ወለተ ሐና፤ ⁵ አብሥረኒ ብሥራተ ጽድቕ ወዜንወኒ ዳኅና፤ እስመ መክፈልትከ ኮነ አብሥሮ ዘዜና። ⁶

² እለ ኢይፈቀዳ ንዋመ

³ ሰበ ላዕለ ሙሴ

⁴ ወለመላትሒከ ሰላም

⁵ ገብርኤል ፍሡሕ መልአከ ማርያም ወሐና፤

⁶ አብሥሮ ወዜና

፱. ሰላም ለአፉክ ⁷ ለዘካርያስ ዘገሠ፤ ወለአስናኒክ አዕናቀኑ ንዋያተ ሐሤት ወአንፈርዕ፤ መልአክ አርምሞ **ገብርኤል** ለመንፈስ ኢየሱስ ዘትትባየ፤ ለአፉየ ኩኖ ዐቃቤ ከመ ኢይንብብ ዐምዖ፤ ወበከናፍርየ አንብር ዘትዕግሥት ማዕዖ።

፲. ሰላም ለልሳንክ ወለቃልክ ማኅተሙ፤ ለእስትንፋስክ ጠል ለእሳተ ባቢሎን አቀራራፊ ፍሕሙ፤ **ገብርኤል** ውኩል ለረድኤተ ጻድቃን ከሎሙ፤ አንግፈኒ እምነበልባል ኢያንጥየኒ ሕማሙ፤ ከመ አንገፍኮሙ ቅድመ ለቂርቆስ ወእሙ።

፲፩. ሰላም ለጉርዒክ ጥኅተ ጥዑም ዜማ፤ ወለከሣድክ ዓዲ ሥርግወ ንጽሕ ወቃማ፤ ጊዜ ወረድክ **ገብርኤል** ኅበ ማርያም እምነ ራማ፤ ቃል ኅደረ ላዕሌሃ እንበለ ድካም ⁸ ወፃማ፤ ኃይለ ልዑል ጸለላ በመንክር ግርማ።

፲፪. ሰላም ለመትከፍትክ ሎግዮ ቅድሳት እንተ ቦ፤ ወለዘባንክ ረቂቅ ሞጣሕተ ብርሃን ዘይገለብቦ፤ **ገብርኤል** ምልዐኒ መንፈስ ድርሳን ለተናብቦ፤ ⁹ ዑራኤልስ አመ በስኢል አጽሐቦ፤ ጽዋዐ እሳት ይስተይ ለዕዝራ ወሀቦ።

፲፫. ሰላም ለእንግድዓክ ዘኢይትነገር ኩነቱ፤ ወለስፍሐ ሕፅንክ ጻድቃን እንተ ያጸልሉ ቦቱ፤ **ገብርኤል** አልቦ ¹⁰ ዘይረክበክ

⁷ ሰላም ለመከሥተ አፉክ

⁸ እንበለ ፃዕር ወፃማ

⁹ መንፈስ ድርሳን ወተናብቦ

¹⁰ አልቦ ገብርኤል ዘይረክበክ ቡጎልዮቱ

በኅልዮቹ፤ ወአልቦ ዘይሌቡ ባሕርየከ ዘከመ እፎ ውእቱ፤
እግዚአብሔር የአምር ባሕቲቱ።

፲፬. ሰላም ለአዕዳዊከ ወለመዛርዒከ ክልኤቱ፤ ዘአስተዋደዶሙ ቅድመ **እግዚአብሔር** በመለኮቱ፤ **ገብርኤል** ¹¹ እንተ ሐዋርያ ክርስቶስ ወወላዲቱ፤ አዕርገኒ እምግብ ደይን ዘኢይጠፍዕ እሳቱ፤ ወዕዚሁ ትጉህ ዘንዋም አልቦቱ።

፲፭. ሰላም ለኲርናዕከ ወለእመትከ ዘመጠነ፤ እመዋዕለ ዳራ ወቂሮስ እስከነ ክርስቶስ ዘመነ፤ ናዛዜ ኅዙናን **ገብርኤል** ¹² እንተ ትሔውጽ ጸድቃነ፤ አስትየኒ ወይነ ትፍሥሕት በዘእረስዕ ኅዘነ፤ እስመ ለኅዙን ተሠርዐ ያስትይዎ ወይነ።

፲፮. ሰላም ለእራኅከ ወሀቤ ጸጋ ቡሩክ፤ ወለአጻብዒከ የውጣ አጻብዐ ክቡር መልአክ፤ አማኅፅነኒ **ገብርኤል** ኅብ አማናዊ አምላክ፤ በዓለምዕ ኢይትረክብ ዐርክ፤ እስመ በጽባሕ ዘተናገረ ኢይደግም በሠርክ። ¹³

፲፯. ሰላም ለአጽፋረ እዴከ እለ ይትባየጻ ብርሃናተ፤ ወለገቦከ ሥርግው አክናፈ ነበልባል ክልኤተ፤ **ገብርኤል** በሎ ለዘበእንቲአየ ሞተ፤ እፎ ታማስን ለሐኩ ዘአሠነይከ ልሕኩተ፤ ወበዓለ ቤት ትነሥት ዘሐነጽከ ቤተ።

¹¹ እ ገብርኤል ሐዋርያ ክርስቶስ ወወላዲቱ

¹² መልአክ ኅዛዜ ገብርኤል እንተ ትሔውጽ ጸድቃነ፤

¹³ በጽባሕ ዘተናገረ ዘይደግም በሠርክ፤

፲፯. ሰላም ለከርሥክ ዘጣዕመ ቅዳሴ ኅብስቱ፤ ወለልብከ ፅሩይ መጽሔተ ¹⁴ አካላት ሠለስቱ፤ ሕያወ ሕያዋን **ገብርኤል** አድኅነኒ እምተ ከንቱ፤ ¹⁵ ሰብእሰ መሬታዊ ኃላፊ ውእቱ፤ ¹⁶ ወበአምሳለ ጢስ የኅልቅ ¹⁷ ሕይወቱ።

፲፱. ሰላም ለኅሊናክ ዘየአምር የብቦ፤ መሌሊተ ሥጋሰ ኩሉ ¹⁸ በባሕርይክ ዘአልቦ፤ መልአክ አድኅኖ **ገብርኤል** ¹⁹ አውጽኢ እምተመንድቦ፤ አመ ነፍሐ በላዕሌየ እሳተ መቅሠፍት ላህቦ፤ ኪዳየ ጸልል በአክናፍ ዘገቦ።

፳. ሰላም ለአማውቲክ ነበልባለ እሳት በላዒ፤ ለዘይጾውዖ ሰማዒ፤ **ገብርኤል** አንተ ቅድመ ገጸ ኩሉ መዋዒ፤ ቢጸ ሱራፌል ካህን ሠዋዒ፤ መኑ ከማከ ሚካኤል እንዳዒ።

፳፩. ሰላም ለሕንብርትክ ዘባሕርይሁ ረቂቅ፤ ወለሐቃክ ርሡይ በትርሢተ ብሩህ መብረቅ፤ አጠይቀኒ **ገብርኤል** ሐዋርያ ነገር ኅሉቅ፤ ቦኑ እመውት በከንቱ እንበለ ንስሐ በድድቅ፤ ²⁰ እንዘ ጊጉየ ልብ አነ ወበቃል ጻድቅ።

፳፪. ሰላም ለአቀሥያጺክ ወለአብራኪክ ገሃደ፤ እለ ያቄርባ ወትረ ለአምላክ ሰማይ ሰጊደ፤ እግዚአ አእምሮ **ገብርኤል** ዘኢትፈቅድ

¹⁴ መንጽሔ አካላት ሠለስቱ
¹⁵ ሕያወ ሕያዋን ገብርኤል በእንተ ዝንቱ
¹⁶ ሰብእሰ መሬታዊ ይመውት በከንቱ
¹⁷ የኅልፍ ሕይወቱ
¹⁸ ግዙፍ በባሕርይክ አልቦ
¹⁹ ገብርኤል ሊተ አውጽኢ እምተመንድቦ
²⁰ ቦኑ እመውት ከመዝ እንበለ ንስሐ ወዕርቅ

ዕበደ፤ ጥበብ ሐነጽት በወርሃከ ውስተ ልበ አብዳን ማጎፈደ፤
ወአቀመት ላቲ ሰብዐተ አዕማደ።

ዚቅ:- እግዚአ ኣእምሮ ወዜናዌ ጥበብ ዘከሠተ ለነ ዘኮነ ሥውረ
ውስተ ማዕምቀ ጽልመት ወሀቤ ቃለ ትፍሥሕት ለእለ ይሰብኩ
ዕበየ ኃይልከ።

፳፫. ሰላም ለአዕጋሪከ በጽንፈ ኤፍራጥስ እለ ቆሙ፤ ቅድመ
ብእሴ ፍትወት ዳንኤል ለብጣሶር ውላጤ ስሙ፤ **ገብርኤል**
አንተ ናዛዜ ኅዙናን ዘእምቀዲሙ፤ ወሚጠተ ሕዝብ እለ ውስተ
ባቢሎን ሐሙ፤ ለዝኩ ነቢይ ነገርኮ በሕልሙ።

፳፬. ሰላም ለሰኩናከ ወለመከየድከ ክልኤ፤ ታሕተ ዐውደ
መስቀል ዘቆማ በዕለተ ድልቅልቅ ወውዋዔ፤ ሰይፈ ቊጥዓ
ገብርኤል ዘመላሕከ ቅድመ ጉባኤ፤ አንስትሰ ሶበ ሰምዓ ቃለ
ዚአከ በቋዔ፤ ኀበ ሐዋርያት ሓራ ይንግራ ትንሣኤ።

፳፭. ሰላም ለአጻብዒከ ብርሃናተ አዕጋር ዐሠርቱ፤ ²¹
ወለአጽፋሪከ ግዲዘ ²² እለ የኀብራ በበክልኤቱ፤ ጽድቀ ትሕትና
ገብርኤል ምርሐኒ ለለዕለቱ፤ ²³ ዘይትአመን በብዝኀ ብዕሉ
ወበኃላፊ ንብረቱ፤ እስመ ዘመደ ሰብእ ኹሉ ሐሳዊ ውእቱ።

፳፮. ሰላም ለቆምከ ²⁴ አካለ ፍሥሐ ውኑዛዜ፤ ወለመልክእከ
ሕያው እምጥንተ ዓለም እስከ ይእዜ፤ አለብወኒ **ገብርኤል**

²¹ አፃብዐ አዕጋር ዐሠርቱ

²² ግዕዝ

²³ ፍኖተ ትሕትና ገብርኤል ምርሐኒ ለለዕለቱ

²⁴ ሰላም ለአካለ ቆምከ

ሐሳብ መዋዕል ዘበበጊዜ፤ እስራኤል ልብዩ ዌዋ ፋርስ እስከ ይከውን አግኣዜ፤ ውስተ ምድረ ርስት²⁵ ዳግመ እገብእ ማዕዘ።

፳፯. አልቦ እምሰብእ ዘከማየ ዘይቴከዝ ነግሀ ወሠርከ፤ ወአልቦ እመላእክት ናዛዜ ኅዙናን ዘከማከ፤²⁶ ወበእንተዝ ኅሠሥኩ አእሚርየ ኪያከ፤ ኦ ገብርኤል ናዝዘኒ ወአስምዐኒ ቃለከ፤ ዕሤተ ጸሎትየ²⁷ ዝንቱ ዘአቅረብኩ ለከ።

ዚቅ:- ሃሌ ሃሌ ሉያ ሃሌ ሉያ አርእየኒ ገጸከ አርእየኒ ገጸከ ወአስምዐኒ ቃለከ ነፍስየ ጥቀ ኅሠሠት ኪያከ።

ኦ አምላክ ቅዱስ **ገብርኤል** ዕቀበኒ እመከራ ሥጋ ወነፍስ ለገብርከ / ለአመትከ ...

ማኅሌተ ጽጌ:- ፈትለ ወርቅ ወፈትለ ሜላት አመ በአፅባቦትኪ ተባየጹ፤ አምሳለ መለኮት ወትሰብእት እንዘ ኢየሐፁ፤ ተአምረ ብርሃን ማርያም ለፀሐየ ጽድቅ አንቀጹ፤ ጸገይኪዮ እንበለ ኦብ በሰሚዐ ቃሉ ወድምፁ፤ ለገብርኤል መልአከኪ ዘፍሡሕ ገጹ።

ዚቅ:- መልአከ ኃይል ቅዱስ ገብርኤል መልአከ ፍስሐ በእሳት ሥዑል ሰበካ ለድንግል ምጽአቶ ለቃል ወርቀ ወሜላተ እንዘ ትፈትል ።

ምስባክ

²⁵ ኅብ ምድረ ርስት

²⁶ ከማከ

²⁷ ዕሤተ ሰላምየ ዝንቱ

ባርክዎ ለእግዚአብሔር ኩልክሙ መላእክቲሁ፤
ጽኑዓን ወኃያላን እለ ትገብሩ ቃሎ፤
ወእለ ትሰምዑ ቃለ ነገሩ።

አማራጭ ምስባክ

ወእነግር ስምዐከ በቅድመ ነገሥት ወኢይትኅፈር፤
ወአነብብ ትእዛዘከ ዘአፍቀርኩ ጥቀ፤
ወአነሥእ ኀበ ትእዛዘከ ዘአፍቀርኩ።

ወንጌል፡- ዮሐ ፲፪፥፳፱ - ፴፬፤

ምልጣን፡- ወእንዘ ትፈትል ወርቀ ወማላተ አስተርአያ ገብርኤል ግብተ ወይቤላ እስመ ረከብኪ ሞገሰ በኀበ እግዚአብሔር ወትቤሎ ይኩነኒ በከመ ትቤለኒ።

እስመ ለዓለም ዘዘወትር

ክብሮሙ ለመላእክት ከመ መንኲራኩር ወረደ መልአክ እግዚአብሔር ኀበ ማርያም ድንግል ዘተናገሮ ለሙሴ በኀበ ዕፀ ጳጦስ ዕፀ ጳጦስ ይእቲ ማርያም ገብርኤል ሰበከ ላ ዜና ዘለአኮ ኩሎ ነገራ ።

ቅንዋት

ሰበክዎ በአፈ ኩሎሙ ነቢያት ከመ ይመጽእ ወልድ በስብሐት ሰበክዎ ነቢያት ነቢያት ቀደሙ አእምሮ (ሰ) ሐዋርያት ተለዉ አሠሮ (ሰ) ዕንባቆም ነቢይ ዘአንከረ ግብሮ ዕሌኒ ንግሥት ኀሠሠት መስቅሎ (ሰ) **ሚካኤል** መልአክ ዘልብሱ ሙብረቅ **ወገብርኤል** ሐመልማለ ወርቅ (ሰ) ውእቱሰ ተመሰለ ከመ ሰብእ ወአንሶሰወ ውስተ ዓለም ሰበክዎ ነቢያት ዘዕሩይ ምክሩ ምስለ አብ።

ዘሰንበት

ተፈሳሽነት በአፍቅሮ አዕፃዊነት እግዚአ ጥቀ ፍቁር አብያቲክ እግዚአ እግዚአ ኃያላን ከመ እሰብሐ አኩላተክ ወእገኒ ለሰምከ ብርሃነ ብርሃናት ፈጣሬ አዝማናት ፈኑ ብርሃኑክ ወጽድቀክ ዘተሰበከ በአፈ ነቢያት እግዚአ ለሰንበት ወአቡሃ ለምሕረት ንጉሠ ነገሥት ዜናዊ ዐሣዬ ሕይወት።

አቡን

ሃሌ ሃሌ ሉያ ሃሌ ሃሌ ሉያ ሃሌ ሃሌ ሉያ ዘሙሴ ሰበክ ለነ ዜናሁ ዘሙሴ ሰበክ ለነ ዜናሁ ዜነዉነ ዜና ነቢያት (ዘ) ዜነዉነ ዜና ነቢያት ከመ ይመጽእ ወልድ በስብሐት (ዘ) ከመ ይመጽእ ወልድ በስብሐት ዘሰበክ ሙሴ በኦሪት (ዘ) ዘሰበክ ሙሴ በኦሪት ወኢሳይያስ ነገረ በትንቢት (ዘ) ገብርኤል አብሠራ ለማርያም ወይቤላ ትወልዲ ወልደ (ዘ) ብርሃን መጽአ ውስተ ዓለም ከመ ይቤዙ ወያድኅን ዓለመ ዘሙሴ ሰበክ ለነ ዜናሁ ዘሙሴ ሰበክ ለነ ዜናሁ።

ዓራራይ

መርዓዊሃ ለቤተ ክርስቲያን መልአክ ሥረዊሆሙ ለመላእክት ተሰብክ ለነገሥት ዕባይ ወሥን ኦሆ ብሂሎ ተአዛዜ ከዊኖ ወረደ ወመጽአ ለአድኅኖ።

ቅንዋት

ነሥአ ትእምርተ መስቀል ገብርኤል መልአክ መጽአ ወዜነዋ ለማርያም ወይቤላ ትወልዲ ወልደ ዘስሙ እግዚአብሔር ምስሌነ።

ሰላም

ገብርኤል አብሠራ ለማርያም ወይቤላ ትወልዲ ወልደ
ወይነግሥ ለቤተ ያዕቆብ ለዓለም ወአልቦ ማኅለቅት ለሰላሙ።

ምስባክ ዘቅዳሴ

በቅድመ መላእክቲክ እዜምር ለከ፤
ወእሰግድ ውስተ ጽርሐ መቅደስከ፤
ወእገኒ ለሰምከ። መዝ ፻፵፯፡፩፤

ምንባብ፤

፪ተሰ ፩፡፮ - ፍጻሜ፤
ይሁዳ ፩፡፳ - ፍጻሜ፤
ግብ ፯፡፴ - ፴፭፤

ወንጌል፡- ሉቃ ፩፡፲፩ - ፳፩፤

ቅዳሴ፡- ዘእግዝእትነ ማርያም

ጸሎተ ምሕላ

የመግቢያ ጸሎት

ይ.ካ ከእኛ አስቀድሞ ሃያ ሁለቱን ሥነ ፍጥረት የፈጠረ፣ በልጁ ህልው ሆኖ ለእኛ በጎ ነገርን ያደረገ፣ ልጅነትን ሥጋውን ደሙን የሰጠን፣ ይቅር ባይ የጌታችን የአምላካችን የመድኃኒታችን የኢየሱስ ክርስቶስ አባት እግዚአብሔርን እናመሰግናለን ከመከራ ሰውሮናልና ረድቶናልና ጠብቆ አቅርቦናልና ወደ እርሱም ተቀብሎናልና አጽንቶ ጠብቆናልና እስከዚች ሰዓት አድርሰናልና፤ አሁንም ክብርት በምትሆን ከዚች ዕለት ጀምሮ በሕይወታችን ዘመን ሁሉ በፍጹም ሰላም ይጠብቀን ዘንድ ሁሉን የሚይዝ አምላካችን እግዚአብሔር እንለምነው። እንዲህ ብላችሁ ጸልዩ አባታችን ሆይ...

ይ.ካ ሁሉን የያዘህ የጌታችን የአምላካችን የመድኃኒታችን የኢየሱስ ክርስቶስ አባት እግዚአብሔር ሃያ ሁለቱን ሥነ ፍጥረት ስለፈጠርህ፣ አራቱን አስማምተህ ስለምትመግብ እናመሰግንሃለን፤ ከመከራ ሰውረኸናልና በሚያስፈልገን ነገር ሁሉ ረድተኸናልና ከክፉ ነገር ጠብቀኸናልና በልጅነት ወዳንተ አቅርቦህ ጠብቀኸናልና አጽንተህ ጠብቀኸናልና እስከዚችም ሰዓት አድርሰኸናልና እናመሰግንሃለን።

ይ.ዲ እግዚአብሔር ፈጽሞ ይምረን ዘንድ በእኛም ላይ ይቅር ይል ዘንድ ሹ ለምኑ ስለእኛ ከቅዱሳን ጸሎትን ልመናን ይቀበል ዘንድ ሁል ጊዜ ባማረ አምልኮ ቡሩክ ከሚሆን ምሥጢር በአንድነት እንድንቀበል የበቃን ያደርገን ዘንድ ሹ ለምኑ።

ይ.ካ ስለዚህ እንለምንሃለን ከቸርነትህም እንሻለን እንለምናለን ሰውን የምትወድ አቤቱ ከብርት የምትሆን ይህችን ዕለት በሰላም በፍቅር በጤና በሕይወት እድንፈጽም ፈቃድህ ይሁንልን የሕይወታችንን ዘመን ሁሉ በፍጹም ሰላም አንተን ከመፍራት ጋር ቅንአቱን መከራውን የሰይጣንን ሥራ የክፉ ሰዎችን ምክር የጠላትን መነሣሣት የተሰወረውንና የተገለጠውን አቤቱ ከእኔ አርቅልኝ ከሕዝብህም አርቅላቸው የአንተ በሚሆን በዚህ በመሠዊያው ካሉትም አርቅላቸው በጎውን ነገር ያማረውን የሚሻለውን እዘዝልን እባቡን ጊንጡን የጠላትንም ኃይል ሁሉ እንረግጥ ዘንድ ሥልጣንን የሰጠኸን አንተ ነህ፤ ወደ መከራ አታግባን ከክፉ ነገር ሁሉ አድነን አንድ ልጅህ ጌታችን መድኃኒታችን ኢየሱስ ክርስቶስ ለሰው ፍቅር ብሎ ባደረገው ቸርነትና ይቅርታ በእርሱ ያለ ምስጋና ክብር ጽንዕ ከእርሱ ጋር ለአንተ ይገባል ከአንተ ጋር ትክክል ከሚሆን ከማሕየዊ መንፈስ ቅዱስ ጋር ዛሬም ዘወትርም ለዘለዓለሙ አሜን።

ይ.ሐ እግዚአብሔር ቡሩክ አምላክ ነው በዘመን ሁሉ እግዚአብሔር የተመሰገነ ይሁን።

አምላካችን መድኃኒታችን ነው ይረዳናል፤ አምላካችን የማዳን አምላክ ነው።

የእግዚአብሔር ስሙ ከፀሐይ መውጫ እስከ መግቢያው የተመሰገነ ይሁን።

አቤቱ እንደ ዐይን ብሌን ጠብቀኝ በክንፎችህ ጥላ ጋርደኝ።

አቤቱ ረዳት ሁነኝ አትጣለኝ አምላኬ መድኃኒቴ ቸል አትበለኝ።

አባቴና እናቴ ትተዉኝ ነበር እግዚአብሔር ግን በሕይወት ተቀበለኝ።

አቤቴ ለእኔ ለባሪያህ የቀናውን መንገድ ምራኝ።

የቀደመ በደላችንን አታስብብን አቤቴ ይቅርታህ ፈጥኖ ይደረግልን።

እጅግ ተቸግረናልና መድኃኒታችን አምላካችን እርዳን።

አቤቴ ስለሰምህ ክብር ብለህ አድነን ስለሰምህ ብለህ ኃጢአታችንን ይቅር በለን።

አቤቴ ጌታዬ ተስፋዬ አንተ ነህና ከልጅነቴ ጀምሮ ተስፋ አደረግሁህ።

ማታም ጠዋትም ቀንም ቸርነትህን እነግራለሁ ነፍሴን በሰላም አድናት።

አቤቴ ወደእኔ ተመልከት ይቅርም በለኝ ብቸኛና ድኃ ነኝና። የልቤ ኀዘኑ ብዙ ነው ከቸግሬ አድነኝ።

ሕመሜንና ድካሜን እይ ኃጢአቴን ሁሉ ተውልኝ።

በታናሽነቴና በስንፍናዬ የሠራሁትን ኃጢአቴን አታስብብኝ።

ኃጢአቴ ብዙ ነውና ኃጢአቴን ሁሉ ይቅር በለኝ።

ልቡናዬ ይቅር በለኝ ጸሎቴን ስማኝ ይልሃል።

ስለስምህ ብለህ ፈጽመህ ለመከራ አትስጠን ቃል ኪዳንህን
አትመልስ ይቅርታህን ከእኛ አታርቅ።

ስለወዳጅህ ስለ አብርሃም ስለባለሟልህ ስለይስሐቅ ብለህ
ለመከራ አሳልፈህ አትስጠን።

ስለ ቅዱስህ ስለ እስራኤል ብለህ አቤቱ ኪዳንህን አስብ።

ይቅር ያለንና ለወገኖቹ ድኅነትን ያደረገ እግዚአብሔር
ይመስገን።

ሁልጊዜ አንተን ተስፋ አደርጋለሁ አቤቱ ይቅርታህን አስብ።

አቤቱ ሰውንም እንስሳንም ታድናለህና በእኛ ላይ ምሕረትህን
አብዛ።

በእኛ ላይ ምሕረትህን አብዛ መዓትህን ከእኛ አርቅ።

መዓትህን ከእኛ አርቅ ለዘለዓለሙ አትቈጣን።

መዓትህን በትውልደ ትውልድ ላይ አታስረዝም።

የዕለት ውዳሴ ማርያም የመጀመሪያውንና የመጨረሻውን
በዜማ

ክሥተት

ውእቱ አምላኪየ እሴብሐ፤ አምላክ አቡየ ወአሌዕሎ።

ሠርዖሙ ለአሕዛብ በበደወሎሙ፤ ወበበጉልቄሙ ለመላእክተ
እግዚአብሔር።

ወይሰግዱ ሎቱ ኩሎሙ መላእክተ እግዚአብሔር፤
ወይትፊሥሑ ሕዝብ ምስለ ሕዘቢሆሙ።

እግዚአብሔር ዐርገ ውስተ ሰማያት አንጐድጐደ፤ ወውእቱ
ጻድቅ ይኳንን እስከ አጽናፈ ምድር።

ከመ ዘየጎድር ወይተክል ደብተራሁ፤ ከማሁ ኮነት ነፍስየ
በላዕሌየ።

ይእዜኒ እሰግድ በብረከ ልብየ፤ እንዘ እስኢል ምሕረተ ዚአከ።

ሶበ ጎልቀት ነፍስየ ተዘከርክዎ ለእግዚአብሔር፤ ትብጻሕ
ጸሎትየ ቅድሜከ ጽርሐ መቅደስከ።

ከመ ዘአዕላፍ አባግዕ ስቡሐን፤ ከማሁ ይኩን መሥዋዕቲኒ
በቅድሜከ ዮም።

ቡሩክ አንተ ዘትሬኢ ቀላያተ ነቢረከ ላዕለ ኪሩቤል፤ ስቡሕኒ
አንተ ወልዑል አንተ ለዓለም።

ይባርክዎ መላእክተ እግዚእ ለእግዚአብሔር፤ ስቡሕኒ ውእቱ
ወልዑልኒ ውእቱ ለዓለም።

እስመ ተጽዕንከ ዲበ አፍራሲከ፤ አፍራሲከኒ ሕይወት ውእቱ።

እግዚአ ልዑለ መዝራዕተከ ኢያእመሩ፤ እምከመሰ አእመሩ
ይትጎፈሩ።

ወሣህሉኒ ለትውልደ ትውልድ ለእለ ይፈርሃዎ፤ ወገብረ ኃይለ
በመዝራዕቱ።

በሣህሉ ወበምሕረቱ ለአምላክነ፤ ለዘሐወፀነ እምአርያም።

በሰላም እግዚአብሔር በከመ አዘዝከ፤ እስመ ርእያ አዕይንትየ
አድኅኖተከ።

እምሥራቀ ፀሐይ እስከነዓረብ፤ ይትአከቡት ስሙ
ለእግዚአብሔር።

ክብር ይእቲ ዛቲ ለኩሉ ጸድቃኑ።

ሰብሐዎ ለእግዚአብሔር በቅዱሳኑ።

እስመ ኪያከ ይሴብሐ ኩሉ ኃይለ ሰማያት ወለከ ስብሐት
ለዓለም አሜን ሃሌ ሉያ ለእግዚአብሔር ለዘረድኡነ ስብሐተ
ንፌኑ ለዘፈለጠ ብርሃነ ይረድኡነ አምላክነ ወመድኃኒነ
አምላክነስ አምላክ አድኅኖ ስብሐት ለአብ ስብሐት ለወልድ
ስብሐት ለመንፈስ ቅዱስ አክኩዮ ወእሴብሐ ወአሌዕሎ
ለንጉሠ ስብሐት እስመ ጽድቅ ቃሉ እሙን ነገሩ ወርቱዕ ኩሉ
ፍናዊሁ መንግሥቱ ዘለዓለም ወምኩናኑኒ ለትውልደ
ትውልድ።

ሃሌ ሉያ ዘበእንቲአሃ ለቤተ ክርስቲያን ተጸፋዕከ በውስተ ዐውድ
ከመ ትቀድሳ በደምከ ክቡር ዘበእንቲአሃ ዝግሐታተ መዋቅሕት
ፆረ ወተዐገሠ ምራቀ ርኩስ እንዘ አልቦ ዘአበሰ አምላክ ዲበ ዕፀ
መስቀል ተሰቅለ

- በከበረ ደምህ ታከብራት ዘንድ ለቤተ ክርስቲያን ስትል በአደባባይ ተጻፋህ፤ ለቤተ ክርስቲያን ስትል ጽኑ መከራን ተሸክምህ ርኩስ ምራቅን ታገስህ አምላክ ሆይ በዕፀ መስቀል ላይ ተሰቀልህ።

በተባርዮ - በመፈራረቅ / በዜማ

መሐረን አብ
ሃሌ ሉያ
ተሣሃለነ ወልድ
ሃሌ ሉያ - ሃሌ ሉያ
መንፈስ ቅዱስ መሐሪ ተዘከረን በሣህልከ
ለከ ንፌኑ ስብሐተ ወለከ ነዓርግ አኩቴተ
መሐረን መሐሪ ኃጢአተነ አስተሥሪ
ወአድግነነ
ወተማኅፀን ነፍሰነ ወሥጋነ
ክርስቶስ ወልደ እግዚአብሔር
አምላክነ
ወመድኃኒነ
ኢየሱስ ክርስቶስ ተሣሃለነ
በብዝኅ ምሕረትከ
ደምስስ አበሳነ
ወፈኑ ሣህለከ ላዕሌነ
እስመ እምነቤከ
ውእቱ ሣህል
ሃሌ ሉያ መሐረን አብ መሐሪ
ወተሣሃለነ

ሀብ ሣህለከ መሐሪ
 ኢታጥፍኣነ ተዘኪረከ ዘትካት
 በምሕረትከ
 እስመ መሐሪ አንተ
 ውብዙኅ ሣህልከ ለኩሎሙ እለ ይጾውዑከ
 ይጾውዑከ በጽድቅ
 ሰማዒ ወትረ
 ከሃሊ ዘውስተ ኢድኅኖ
 ከሃሊ
 ዘውስተ ኢድኅኖ
 ለአምላክነ እስመ ጽድቅ ቃሉ
 ንስኣሎ ለኣብ
 ይፈኑ ለነ ሣህሎ
 እስመ ኣብ የአክል ለዘሰኣሎ
 ሃሌ ሉያ
 ስብሐት ሎቱ ይደሉ
 ሃሌ ሉያ አኩፔት ሎቱ ይደሉ
 ሃሌ ሉያ
 ለክርስቶስ ለእግዚአ ኩሉ
 ሃሌ ሉያ ሃሌ ሃሌ ሉያ
 ወይእዜኒ
 መኑ ተስፋየ
 አኮኑ
 እግዚአብሔር
 ውስተ እዴከ እግዚአ አመሐጽን ነፍስየ
 ኀበ አምላክ ምሕረት
 አመሐጽን ነፍስየ

ኀበ ንጉሠ ስብሐት
 አመሐጽን ነፍስየ
 በእግዚእየ ወአምላኪየ
 አመሐጽን ነፍስየ
 እምኩሉ ምግባረ እኩይ አድኅና ለነፍስየ
 ሀቡ
 ንስአሎ
 ንስአሎ
 ናስተምሕሮ
 ለአምላክነ ጻድቅ እስመ ጽድቅ ቃሉ
 ዘይክል ኩሎ ወአልቦ ዘይሰዓኖ
 አምላክ ነዳያን ወተስፋ ቅቡጻን
 ንሕነ ኀቤከ ተማኅፀነ
 ወበከመ ዐቀብከነ እምነግህ እስከ ሠርክ ዕቀብነ እግዚአ
 እምሠርክ እስከ ነግህ

ሃሌ ሉያ ሃሌ ሉያ ሱላሜ ዘሠርክ እግዚአ ለነ ጸጉ ዐቢተነ
 በመድኃኒትከ ጸግወነ ወትረ ሠናይተከ ኖላዊነ ኄር ትጉህ
 ዘኢትነውም መላእክተ ምሕረት እለ ድልዋን ለሣህል እግዚአ
 ፈኑ ለነ እምሰብእ ዓማፂ ወሀባሊ ባልሐኒ ወዘኒ ዘአበስነ ሕገ
 ሰብእ አናኅሲ ለነ እስመ ኄር ወመሐሪ ወመፍቀሬ ሰብእ አንተ
 ሀሉ ምስሌነ።

- አቤቱ በጠዋት በማታ ሰላምን ስጠን በደህንነት አውለህ
 በደህንነት አሳድረን ሁል ጊዜ ከበጎነትህ ስጠን የማታንቀላፋ ቸር
 ትጉህ እረኛችን ለይቅርታ የተዘጋጁ የምሕረት መላእክትን
 ላክልን ከዐመፀኛና ከውሸተኛ ሰው አድነን እንደ ሰው

የበደልነውን አቃልልን አንተ ቸር ሰው ወዳጅ ነህና ከእኛ ጋር ሁን።

ሃሌ ሉያ ሠርክ ነአኩተክ ወንሴብሐክ ወንባርከክ መፍቀሬ ሰብእ ክርስቶስ ዘአውዐልከነ ኩሎ ኑኃ ዕለት ዐቢተነ በመድኃኒትክ ሀበነ ናሥምርክ ወንሰብሐክ ወንትቀነይ ለክ ይእዜኒ እግዚአ ፈኑ ሰላመክ ወምሕረተክ ላዕለ ሕዝብክ

- ቀኑን ሁሉ በሰላም ያዋልኸን ሰውን የምትወድ አቤቱ በሠርክ እናኩብርሃለን እናመሰግንሃለን እንገልጻለን በደህና አሳድረን እናገለግልህ እናመሰግንህ እንገዛልህ ዘንድ ስጠን አሁንም ለእኛ ለወገኖችህ ሰላምን ምሕረትን ላክልን።

ኢትዮጵያ ሆይ ሀገራችን ረስቼሽ እንደሆን ቀኜ ትርሳኝ ያላሰብኩሽ እንደሆን አንደበቴ ከጉሮሮዬ ይጣጋ ኢትዮጵያ ሆይ ለቀድሞ ክብርሽ ያልተሳልኩ እንደሆን አቤቱ ፈጣሪያችን የጠላት ልጆች ኢትዮጵያን ያጠፉበት ቀን አስብ እስከመጨረሻው ትጥፋ ያሉትን ጠላቶቻችን የሚያጠፋቸው አምላካችን ምስጉን ነው ጠላቶችሽን በጽኑ መከራ የሚያጠፋቸው አምላካችን ምስጉን ነው ኢትዮጵያ ሆይ ሀገራችን ረስቼሽ እንደሆን ቀኜ ትርሳኝ ያላሰብኩሽ እንደሆን አንደበቴ ከጉሮሮዬ ይጣጋ ።

ለአብ ለወልድ ለመንፈስ ቅዱስ ዘለዓለም ምስጋና ይሁን አነሣሥቶ ላስጀመረን አስጀምሮ ላስፈጸመን።

ሃሌ ሉያ ሃሌ ሉያ ሰላም አብ ሰላም ወልድ ወሰላም መንፈስ ቅዱስ ይጎድር ማዕከሌክሙ - የአብ ሰላም የወልድ ሰላም የመንፈስ ቅዱስ ሰላም በእናንተ መካከል ይሁን።

ይ.ካ እግዚአብሔር ልዑል ይባርከን ወይሣሃለን ወያርኢ ገጽ ላዕሌን ወንሕየው እምቃለ ሕጉ ወትእዛዛቲሁ ዘአቅደምን ወዘአድኅርን ዘወሰክን ወዘገደፍን በሀኬትን ወበድካምን ወልዱ ለቡሩክ ከባቴ አበሳ ወመፍቀሬ ንስሐ ለኃጥአን ተስፋ ይምሐረኒ ይምሐርክሙ ይዕቀብኒ ይዕቀብክሙ እለ መጻእክሙ ወእለ ቆምክሙ ወእለ ጸለይክሙ ውስተ ዛቲ እምነ ቅድስት ቤተ ክርስቲያን አንትሙ ካህናት ዲያቆናት ወንፍቀ ዲያቆናት አናጉንስጢስ ወመዘምራን እድ ወአንስት አእሩግ ወሕፃናት ኩኑ ቡሩካን ወተወፈዩ ብርሃን ጸጋሁ ለመንፈስ ቅዱስ የሀሉ ምስሌየ ወምስለ ኰልክሙ አሜን

- እግዚአብሔር ሁላችንንም ይባርክን ይቅርም ይበለን በሕይወት እንኖር ዘንድ ፊቱን በእኛ ላይ ያብራልን በስንፍናችን በድካማችን ከሕጉ ከትእዛዙ ያቻከፌልን ያዘገየን የጨመርን የገደፍን እኛን፤ በደልን የሚሰውር፤ ንስሐን የሚወድ፤ የኃጥአን ተስፋ፤ የቡሩክ አብ ልጁ ይማረኝ ይማራችሁ ይጠብቀኝ ይጠብቃችሁ ወደዚህ መጥታችሁ በዚች ቅድስት ቤተ ክርስቲያን ቆማችሁ የጸለያችሁ ካህናት ዲያቆናት ንፍቀ ዲያቆናት አናጉንስጢስ መዘምራን ወንዶች ሴቶች አእሩግ ሕፃናት ቡሩካን ሁኑ ብርሃንን ተቀበሉ የመንፈስ ቅዱስ ጸጋ ከእኔም ከእናንተም ጋር ይሁን ዛሬም ዘወትርም ለዘለዓለሙ አሜን።

ዋዜማ ዘሐምሌ ቅዱስ ቂርቆስ

ሃሌ ሉያ እስመ ተለዐለ ዕበየ ስብሐቲክ መልዕልተ ሰማያት እምአፈ ደቂቅ ወሕፃናት አስተዳሎክ ስብሐተ ባርካ እግዚአለሐኑ መካን በዛቲ መካን ኢይምጸእ ሞተ ላህም ወኢብድብድ በሰብእ (ባ) በዛቲ መካን ኢይኩን ሕፀተ ማይ ወኢአባረ እክል (ባ) ቂርቆስ ሕፃን አንጌቤናይ ወልደ አንጌቤናይት።

ምልጣን፤ ቂርቆስ ሕፃን አንጌቤናይ ወልደ አንጌቤናይት።

በ፩ ሰአል ለነ ሕፃን ቅዱሱ ለእግዚአብሔር ሰአል ለነ ሕፃን

እግዚ. ነግሠ:- ሕፃን ወእሙ ክልኤሆሙ ፈጸሙ ገድሎሙ ድምፃ ለጽሕርት ከመ ነጐድጓደ ክረምት ኢፈርህዎ ለሞት ቅዱሳን ሰማዕት።

ይት. ሕፃን ወእሙ ክልኤሆሙ ፈጸሙ ገድሎሙ ወስምዖሙ አጥፍኡ ኃይለ እሳት ወቦኡ መንግሥተ ሰማያት (ለዓለም ወለዓለመ ዓለም) ኢድምዑ መንግሥተ ወኮኑ ሰማዕተ ሕፃን ወእሙ።

ሰላም፤ እንዘ ሕፃን አዕበዮ እግዚአብሔር ወፈነዎ ብሔረ ጽልመት ኢያውዐዮ ውኒዘ እሳት ለሕፃን ወሀቦ ሞገስ ሐረ ወገብአ በሰላም

መልክአ ሥላሴ

ሰላም ለአቀዳጺክሙ እለ ተኅብዐ እምዐይን፤
አናምያኒሁ ሥላሴ ለሜላተ ሰማይ ብርሃን፤
ልብሰ ሰማዕትና ይኩነኒ ምሕረትሙ ክዳን፤
ላዕሌየ እስመ ኢሀሎ ልብሰ እስጢፋኖስ ምእመን፤

ወሥርጋዊሁ እሳት ለቂርቆስ ሕፃን።

ዚቅ:- ሃሌ ሉያ ሃሌ ሉያ ሃሌ ሉያ አንቃዕዲዎ ሰማየ ጸለየ ወይቤ ቅዱስ ቂርቆስ እጹውዐከ እግዚእየ ዘኢትሠዐር ንጉሠ ነገሥት መዋዒ (እ) ዘኢትጠፍእ ማኅቶተ ብርሃን ዘለዓለም (እ) ዘሰቀልኮ ለሰማይ ከመ ቀመር (እ) ዘበሥላሴከ ዐመድካ ለምድር እጹውዐከ እግዚእየ ኢየሱስ ክርስቶስ ጸግወኒ ስእለትየ።

ሰላም ለዝከረ ስምኪ ዘመንክር ጣዕሙ፤ ለወልድኪ አምሳለ ደሙ፤ መሠረተ ሕይወት **ማርያም** ወጥንተ መድኃኒት ዘእምቀዲሙ፤ ኪያኪ ሠናይተ ዘፈጠረ ለቤዛ ዓለሙ፤ እግዚአብሔር ይትባረክ ወይትአኩት ስሙ።

ዚቅ:- ምንተ እንከ ዕብል በእንተ ማርያም መሠረተ ጽድቅ ኅደረ ላዕሌሃ ወአዘዘ ደመና በላዕሉ።

መልክአ ቂርቆስ

፩. በእንተ ኪዳኑ ለሕፃን እንተ አቀረረ ለነድ፤ መሐከነ እምብድብድ፤ አኃዜ መብረቅ ወነጐድጓድ፤ አድኅና እግዚአ ለዛቲ ዐፀድ፤ በደመ ስምዑ ተማኅፀነ እምብድብድ መራድ።

፪. ዕቶነ ጽሕርት ኢፈርሀ **ቂርቆስ** ለበዊዕ፤ ወልደ ኢየሱጣ ብፁዕ፤ ኪዳነ ምሕረት ጸገዎ እግዚእ፤ አእትት እንዘ ይብል ብድብደ እምሰብእ፤ ዘሐነጸ መርጡለከ በአሚን ጽኑዕ።

፫. በደመ ስምዑ ተማኅፀነ ለአርዌ ጊጉይ ንማጋ፤ ለቂርቆስ ሶበ ንጹውጋ፤ እንዘ ይብል ተካየደከ አልፋ ወጋ፤ ኀበ ተሐንጸ መርጡልከ ብድብድ አይምጽኦ፤ ውስተ ማኅበርነ ለኪዳንከ አጽንጋ፤ እምሐፀ ብድብድ ከመ ንድጋን ሱቀነ እግዚኦ።

፬. ኦ ክርስቶስ ናዝራዊ ዘተወከፍከ ሕማመ፤ ፀሐይ ብሩህ ወጽዱል አመ ሱራኔሁ አጽለመ፤ መጽሐፈ ዜናሁ ለቂርቆስ ወዘመልክኡ ሰላመ፤ ጸሐፍ ውስተ ልብየ እንዘ ትጉበር ቀለመ። ደመከ አምላካዌ በመስቀል ዘዘንመ።

፭. ሰላም ለዝክረ ስምከ ቂርቆስ ሕፃን፤ ዘፍካሬሁ ተብህለ ጽጌ ምዑዝ ዕፍራን፤²⁸ ለዝ ስምከ ነጋሢ ዘኢየዐርቆ ሥልጣን፤ ሶበ ይጹውጋ ልሳንየ ውስተ ገጸ ኩሉ መካን፤ ይደንግጽ ሞት ወይጉየይ ሰይጣን።

ዚቅ:- ኢየሱስ ወለደት ነቅዓ ጽጌ ረዳ ፀሐየ ጽድቅ የዐውዳ መላእክት ይትዋነይዋ ኢየሱስ ምስለ ወልዳ እሳተ ገብሩ ሐመዳ ሰአሉ ለነ አስተምህሩ ለነ እስመ በጸሎተ ጻድቅ ትድኅን ወኢትማስን ሀገር።

፮. ሰላም ለሥዕርተ ርእሰከ ዘሠረፁ ወበቈሉ፤ ለርእሰከ በላዕሉ፤ በለኒ ቂርቆስ ዘይቤ ለክርስቶስ እግዚኦ ኩሉ፤ ሀብተ በረከቱ ወሞገሰ ቅዱስ መስቀሉ፤ ለዓለመ ዓለም ዘልፈ ምስሌከ የሁሉ።

²⁸ ዕጣን

፯. ሰላም ለርእሰክ ምስላ አነዳሁ ዘተላጸየ፤ ከበበ ገጽክ ደመ እስከ ተሴረየ፤ ሕፃን **ቂርቆስ** እምሰማይ እንዘ ትመጽእ ኀቤየ፤ አክሊላ ርእሰክ አንብር በርእሰየ፤ አመ እምሥጋሃ ትትፈለጥ ወትወጽእ ነፍስየ።

፰. ሰላም ለገጽክ ዘይፀደል ወይበርህ፤ ምስብዒተ ዕደ እምፀዳለ ፀሐይ ወወርኀ፤ ሕፃን **ቂርቆስ** ዘለዓለም ፍሡሕ፤ አድኀነኒ በጸሎትክ እምነ ሰቆቃው ወላህ፤ ከመ እማየ አይኅ አድኀነኑ ሐመሩ ለኖኅ።

፱. ሰላም ዕብል ለቀራንብቲክ አርባዕቱ፤ ዘእንተ ላዕሉ ወታሕቱ፤ ሕፃን **ቂርቆስ** ለክርስቶስ ዜናዌ ሕማሙ ወሞቱ፤ ለቤተ መቅደስክ ትጋህ ዐቂቦታ ከመ ኢትጥፋዕ በከንቱ፤ እስመ ኩሉ ይተግህ ወይሄሊ ለቤቱ።

፲. ሰላም ለአዕይንቲክ ለቀኖተ ሐፂን ነበልባሎ፤ ዘኢደንገፃ ርእዮን እንዘ ያንቀዓድዋ በተማኅልሎ፤ ሕፃን **ቂርቆስ ለክርስቶስ** እማዕምቀ ልብክ ዘትትዌከሎ፤ አስተብቀኦ በእንቲአየ ወዘልፈ ሰአሎ፤ ጽድቆ ይጸግወኒ ውበዙኀ ሣህሎ።

፲፩. ሰላም ለአዕዛኒክ ሕማመ ቅንዋት ክልኤ፤ እለ ተወክፋ እማንቱ እንበለ ፍርሃት ወምማዔ፤ ምእመነ **ማርያም ቂርቆስ** ወዘመንፈሰ ቅዱስ ቀላልዔ፤ እምድቀተ ጌጋይ ለገብርክ እስከ እትነሣእ ትንሣኤ፤ ጸሊ ሊተ ኀበ አብ ሠለስተ ሱባኤ።

፲፪. ሰላም ለመላትሒክ ብዙኀ ጊዜያተ፤ እምእደ መኰንን ዓላዊ እለ ተወክፋ ጽፍዓተ፤ እንተ ያጐይይ ሰይጣነ ወዘያደነግፅ ሞተ፤

ዘአብ ወዘወልድ ወዘመንፈስ ቅዱስ አስማተ፤ ጸሐፍ ቂርቆስ በፍጽምየ ወግበር ትእምርተ።

፲፫. ሰላም ለአዕናፊክ ሰናፔ ወጸወ፤ ማኅበረ ዐመፃ ዘሦጡ ውስቴቶን እንዘ ይሰፍሉ አእዳወ፤ ሕፃን ቂርቆስ መዋዒ መኰንነ ሥጋ ጽልሕወ፤ ርእዮ ደመከ ዘተከዕወ ወአባለከ ቅንወ፤ እግዚአብሔር ለከ ገነተ አርኀወ።

፲፬. ሰላም ዕብሎን ለከናፍሪክ ፍሡሐት፤ እለ ይነባ ስብሐተ ከመ መላእክት፤ ዘውገ እስጢፋኖስ ቂርቆስ ወቢጸ ሚናስ ሰማዕት፤ ጸሎትከ ነድ ወስእለትከ እሳት፤ ሦከ ኃጢአትየ ያውዒ በኩሉ ሰዓት።

፲፭. ሰላም ለአፉክ ጥበበ ወአፈ፤ እመንፈስ ቅዱስ ፈጣሪ እንተ ተሳተፈ፤ ሶምሶን ቂርቆስ መዋዒ ዓላውያነ አእላፈ፤ ከዊና ኩናተ ረድኤትከ ወሃይማኖትከ ሰይፈ፤ ዕድዋነ ሕይወትየ ትቅትል ወትጻባዕ ዘልፈ።

፲፮. ሰላም ለአስናኒክ ዘኅብሮን በረድ፤ ወራእዮን መረግድ፤ ሕፃን ቂርቆስ ፍቁሩ ለእግዚአብሔር ወልድ፤ ይትመተር በሥልጣንከ ወበትእዛዝከ ማዕፀድ፤ በምድረ ኅሊናየ ዘበቁለ ወኖኅ ዕበድ።

፲፯. ሰላም ለልሳንክ ለዐቃቤ ሥራይ በእዱ፤ እንተ ተመትረ እምጉንዱ፤ ሕፃን ቂርቆስ ለጽሕርት ዘኢያፍርሃከ ነጐድጓዱ፤ ዮም ባርክ ማኅበረኒ ለለአሐዱ አሐዱ፤ ከመ ባረኮ አብርሃም ለይስሐቅ ወልዱ።

ዚቅ:- ሕፃን ወእሙ ከልኬሆሙ ፈጸሙ ገድሎሙ ድምፃ ለጽሕርት ከመ ነጐድጓደ ከረምት ኢፈርህዎ ለሞት ቅዱሳን ሰማዕት።

፲፭. ሰላም ለቃልከ ቃል ንጹሕ እምነውር፤ ከመ ብሩር ፅሩይ ንጡፍ ወፍቱን እምድር፤ ጠቢብ ጠቢባን **ቂርቆስ** ወእማእምራን ማእምር፤ ሐውጻ ለመቅደስከ እንተ ተሐንጸት ቢደብር፤ ምስለ እስጢፋኖስ ኅሩይ ወሚናስ ፍቁር።

፲፬. ሰላም ለእስትንፋስከ ዘመዓዛሁ መጥልል፤ ነፋስ በረከት ወሣህል፤ ሕፃን **ቂርቆስ** ዜናዊ ወሰባኬ ቅዱስ ወንጌል፤ ኪያየ ባርክ በመስቀሉ ለወልደ ማርያም ድንግል፤ ወበቃለ ዳዊት ንጉሥ ይሰማዕከ ዘይብል።

፳. ሰላም ለጉርዔከ **ቂርቆስ** ረዳዒ፤ ወጸሎተ ኩሉ ሰማዒ፤ ለ**እግዚአብሔር** ዘይፊኢ ወዘኢያስተርኢ፤ አስተብቀሂ ወትረ ወሰአሎ በጸሎትከ በቋዒ፤ ከመ ያድኅኒኒ እምቀታሊ ወብእሲ ገፋዒ።

፳፩. ሰላም ለክሣድከ ለሰይፈ ሐራዊ በልሳኑ፤ እንተ ተወቅየ ድኑኑ፤ እምኀበ እስክንድሮስ አብድ ወዓላውያን ተዓይኑ፤ ዘረከበከ ሕማመ ወምንዳቤ ዘበበዘመኑ፤ ሕፃን **ቂርቆስ** እስፍንተ እዜኑ።

፳፪. ሰላም ዕብል ለመትከፍትከ ፀዋሪ፤ አርዑተ መስቀሉ ለወልደ ማርያም ፈጣሪ፤ ምስሌከ **ቂርቆስ** ቀዊሞ ቅድመ ገጸ አምላክ መሐሪ፤ ያናሕሲ ኃጣውእየ ወጌጋይየ ያስተሥሪ፤ መልአከ ፍሡሐ ገጽ ገብርኤል አብሣሪ።

፳፫. ሰላም ለዘባንከ ተወካፊ ብዙኅ መቅሠፍት፤ ከመ ተወክፊ ክርስቶስ ጊዜ ሠለስቱ ሰዓት፤ እንዘ አንተ ቂርቆስ ወልደ ሠላስ ዓመት፤ እፎ ከህልከ ፀዊሮቶ ለከቡድ ዝብጠት፤ ወእፎ ኢዮፍርሃከ በላዒ እሳት።

፳፬. ሰላም ለእንግድዓከ ልቡና ዘከብዶ፤ ከመ እንግድዓሁ ለዕዝራ መጽሐፍ እንተ ይንዕዶ፤ ሕፃን ቂርቆስ ምስለ ወላዲትከ በተዋሕዶ፤ መኑ ከማከ ለዕቶን አምሳለ አሳዕን ዘኬዶ፤ ወመኑ አምሳለ ማይ ዘአቀሂረረ ነዶ።

ዚቅ:- ሃሌ ሃሌ ሉያ ይቤላ ሕፃን ለእሙ ኢትፍርሂ እም ነበልባለ እሳት ኢትፍርሂ እም ንፈጽም ገድለነ።

፳፭. ሰላም ለሕፃንከ እንተ በዲቤሁ ረፈቁ፤ ለክርስቶስ ሊቅ ማኅበረ ሰላሙ ወጽድቁ፤ በቃለ ትእዛዝከ ቂርቆስ ለለጽባሑ ወሠርቁ፤ ይትገፍትዑ ጸላእትዮ ወዕድዋንዮ ይደቁ፤ ከመ ተገፍትዑ ቅድመ ለኤፍሬም ደቂቁ።

፳፮. ሰላም ለአዕዳዊከ በሰናስለ ሥቃይ ወፃማ፤ እለ ቈስላ ወሐማ፤ ኃያል ቂርቆስ ሐራሁ ለክርስቶስ ንጉሠ ራማ፤ ሀበኒ ዮም በረከታ ወጸግወኒ ሰላማ፤ ለቡርክት ማርያም ዘጥዑም ስማ።

፳፯. ሰላም ለመዛርዒከ እለ ጸንዐ እምኩኩሕ፤ ወለኩርናዕከ ሰላም በደመ ስምዕ ንዙኅ፤ አስተብቀሁ ቂርቆስ እንዘ ትብሎ ለእግዚአብሔር ርኅሩኅ፤ መሐሮ በእንቲአየ በምሕረትከ ብዙኅ፤ ለዝ ኃጥእ ወለዝ ርሱሕ።

፳፯. ሰላም ለእመትከ ወለእራጎክ በአኅብሮ፤ እለ አኅዛ ወገሠሣ ለእግዚአብሔር ፍቅሮ፤ ሕፃን ቂርቆስ ለባዊ ምሉዐ ጥበብ ወአእምሮ፤ ፍጡነ ስማዕ እግዚአ ለልሳንየ ነገሮ፤ ወዘአፉየ ተወከፍ ዘምሮ።

፳፱. ሰላም ሰላም ወሰላም ዕብሎን፤ ለአፃብዒከ ዐሥር ምስለ አጽፋሪሆን፤ ኅድፈኒ ቂርቆስ ኖትያ መንገለ መርስ ወዛኅን፤ ናሁ አስጠሙ ኅሊናየ በዝ ዘመን፤ ሰቆቃው ጤግሮስ ወግዮን ኅዘን።

፷. ሰላም ዕብል ለገቦከ የማናዊ፤ ዓዲ ሰላም ለገቦከ ጸጋማዊ፤ ሕፃን ቂርቆስ በአካል ወበብዝኅ ጥበብ አረጋዊ፤ ለፀርየ አፍጥን ቀቲሎቶ ሙሴ ዕብራዊ፤ በከመ ቀተሎ ትማልም ለብእሲ ግብጻዊ።

፷፩. ሰላም ለከርሥከ ወለልብከ ኅቡረ፤ ኅብስተ ኩነኔ ወሕማም እለ ረሰዩ ድራረ፤ ረሲ ቂርቆስ ቃለ አፉየ ሥሙረ፤ ወዘሰአልኩከ ብዙኅ ነገረ፤ አዘክሮ ለአምላክ ወንግሮ ወትረ።

፷፪. ሰላም ለኩልያቲከ ወለኅሊናከ ሰላም፤ እለ ግሑሣት እማንቱ እምነ በቂል ወቂም፤ ገባሬ መንክራት ቂርቆስ በአምሳለ ሙሴ ምልክአም፤ ለፈርዖን ኃጢአትየ ውስተ ባሕረ ምሕረት መስጥም፤ ውርዖ እግዚእየ ወአስጥሞ ዮም።

፷፫. ሰላም ለአማዑቲከ ወለንዋየ ውስጥከ ዘተሰቅላ፤ ለሰማየ ከርሥከ በማዕከላ፤ ፀሐይ ቂርቆስ ለጽልመተ ጌጋይ ዘታሴሰላ፤ አዑድ ዲበ ርእሰየ ዘድማኅከ ቀጸላ፤ ወለኢየሉጣ እምከ ሀበኒ አክሊላ።

፴፬. ሰላም ዕብል ለሕንብርትክ አሐቲ፤ ማዕከለ አማውት ወልብ ህሉት ይእቲ፤ ሕፃን **ቂርቆስ** ለበግዕዝ መዋቲ፤ ዐቃቤ ኩነኒ ወኖላዌ እመከራ ዘመን ዛቲ፤ ወእምሥራሁ ብዙኅ ለሰይጣን መስሐቲ።

፴፭. ሰላም ለሐቓክ ቅናተ ሃይማኖት ቀኒቶ፤ ለእስክንድሮስ ኩናኒ እንተ ቀጥቀጠ መዝራዕቶ፤ ልሳነ ዕፍረት **ቂርቆስ** ቡታፌ። ጳውሎስ መምህረ ቲቶ፤ ለንጉሥ ይዕቀብ ሠራዊቶ ወለኖላዊ መርዔቶ፤ አስተብቀኦ ለአምላክ ወሰአል ምሕረቶ።

፴፮. ሰላም ለአቀሥዲክ ወለአብራኪክ ዘኢገነያ፤ ለአጵሎን ግቡር በእደ ነሀቢ ኬንያ፤ አስተብቀኦ **ቂርቆስ** ለክርስቶስ በእንተ ማርያም ማርያ፤ ለሥጋዩ መሬታዊት ዘኢየሳልቅ እከያ፤ ይደምስስ አበሳሃ ወይሥረይ ጌጋያ።

፴፯. ሰላም ለአዕጋሪክ ተሞቅሖተ እለ ተወክፋ፤ በዐውደ እስክንድሮስ ቢጸ ቀያፋ፤ ወልደ መንፈስ ቅዱስ **ቂርቆስ** እኅወ ሳውል ወኬፋ፤ ምስሌክ ማኅበራኒክ ቅድመ ገጸ ክርስቶስ አልፋ በገድሎሙ ወበትዕግሥቶሙ አድምዑ ተስፋ።

፴፰. ሰላም ለሰኳንዊክ ወለመከየድክ በግናይ፤ እለ አንሶሰዋ ወዶዳ ፍኖተ ሥቃይ፤ አግዕዘኒ **ቂርቆስ** እንዘ ትብል ገብር ሐካይ፤ አከለክ ዘቀነዩክ መጠነ ዓመታት ጉንዱይ፤ መኰንን ኃጢአት ወመስፍን ጌጋይ።

፴፱. ሰላም ለአጻብዒክ ወለአጽፋሪክ ፍጡነ፤ ዐፀደ ኩነኒ ዘኬዳ ወዘሕማም መካነ፤ በለኒ **ቂርቆስ** መርዓዊ ዘትሠረገው ብርሃነ፤

በምድር ወበሰማይ እንዘ ሀሎኩ አነ፤ ለምንት ወልድየ በልብከ ታነብር ኀዘነ።

፱. ሰላም ለቆምከ ዘቂሐተ ሮማን ቂሐቱ፤ እንተ ያቅየሐያሕ በምድር ወበሰማይ የሐቱ፤ ሕፃን **ቂርቆስ** ዓቅመ ልብየ ይፈቱ፤ ሀበኒ በንባብከ በረከተ ገጸት ሠለስቱ፤ ከመ አፍቀርከኒ እንተ አአምር በዝንቱ።

፲፩. ሰላም ለመልክእከ በማየ የርዳኖስ ጥሙቅ፤ ወቅቡዕ በሜሮን ቅብዐ ሰላም ወጽድቅ፤ በጸሎትከ ነጐድጓድ ወስእለትከ ሙብረቅ፤ አቀራርከ **ቂርቆስ** ነበልባሎ ለእቶነ እሳት ምውቅ፤ ከመ ነደ እሳት አቀራረፋ ሠለስቱ ደቂቅ።

ዚቅ:- በጸሎቱ ለቅዱስ ቂርቆስ ወጽኦ ማይ እምውስተ ጽሕርት ወኮነ ጥምቀተ ለአግብርተ እግዚአብሔር ጽዋዓ ሕይወት ወሀበሙ መገበሙ ወመርሐሙ እስመ ክርስቶስ ሀሎ ምስሌሆሙ።

፲፪. ሰላም ለጸአተ ነፍስከ ቀቲሎታ ዘኢክህለ፤ መኰንን ዓላዊ አመ ሥጋከ ቀተለ፤ ሰሚዐከ **ቂርቆስ** ረዳኢ ዘሰአልኩከ ስኢለ፤ ዕሥየኒ ጽድቀ እምጽድቅከ ወእምነ ሣህልከ ሣህለ፤ አኮኑ እምነ ኹሉ እፈርህ ሲኣለ።

፲፫. ሰላም ለበድነ ሥጋከ በሠረገላሁ ዘተኀብኣ፤ ለነቢይ ኤልያስ በሕገገ አምላክ ዘቀንኣ፤ መምህረ መምህራን **ቂርቆስ** እንተ ታጸድቅ ኃጥኣ፤ ጌጋይየ ሥረይ ለአባሲ ከመ መምህርከ ሠርዐ፤ ወኅድግ አበሳየ በበሰብዕ ስብዐ።

፵፬. ሰላም ለሕማምከ ወለግፍዕከ ብዙኅ፤ እንተ ያበኪ አልባበ ከመ ግፍዑ ክርስቶስ ርኅሩኅ፤ ክረምተ ፍሥሐየ **ቂርቆስ** ለብእሴ ሰቆቃው ወላህ፤ ያንጡብጥብ በላዕሌየ መጠነ ሠለስቱ አውራኅ፤ ነጡብጣበ ትፍሥሕት በረከትከ ወዝናም ንጹሕ።

፵፭. ሰላም ለነቅዑ ደምከ ዘተቶስሐ በደሙ፤ ለበግዑ መስቀል ክርስቶስ እንተ ያደነግፅ ዜና ሕማሙ፤ እኅወ ሰማዕታት **ቂርቆስ** ወለሐዋርያት ወልደሙ፤ ለእለ ገብሩ ተዝካረከ ጸጋ መንፈስ ቅዱስ ሀበሙ፤ ወዕሤተ ጽድቅ በሰማይ አስተዳሉ ሎሙ።

፵፮. ሰላም ለህላዌከ ማዕከለ ሰብዓቱ ነገድ፤ እለ ስዑላን በነድ፤ አስተምህር **ቂርቆስ** ቅድመ መንበረ አብ ወወልድ፤ ኀበ ተሐንጸ መርጡልከ ወዘዚአከ ማኅፈድ፤ ኢይምጸእ ለዓለም ዘይቀትል ብድብድ።

ዚቅ:- በዛቲ መካን ኢይምጸእ ሞተ ላህም ወኢብድብድ በሰብእ (ባ) በዛቲ መካን ኢይኩን ሕፀተ ማይ ወኢአባረ እክል (ባ) ቂርቆስ ሕፃን አንጌቤናይ ወልደ አንጌቤናይት

፵፯. በሰላመ መንፈስ ቅዱስ ሰላም ሰላም፤ ለሥነ ቆምኪ አዳም፤ **ኢየሱጣ** ገነት ዘመዐዛኪ ጥዑም፤ ይትከዐው ውስተ አፉየ ሐሊበ አጥባትኪ ዮም፤ ከመ እምደመና ይትከዐው ወይወርድ ዝናም።

፵፰. ሰላም ለመልክአትኪ አርብዓ ወሠለስቱ፤ ዓዲ ሰላም ለጠባይዓትኪ አርባዕቱ፤ **ኢየሱጣ** ቅድስት ለ**ቂርቆስ** ወላዲቱ፤ ሰአሊዮ በእንቲአየ ከመ ኢይጥፋዕ በከንቱ፤ ለ**እግዚአብሔር** አምላክ ጽድቅ ዘብዙኅ ምሕረቱ።

፵፱. ለዝንቱ ቃለ ማኅሌት ወለዝንቱ ድርሳን፤ ለዘጸሐፎ በአዕዳው ወለዘአንበቦ በልሳን፤ ወለዘሰምዐ ቃላቲሁ በክልኤ አዕዛን፤ ኅቡረ ይባርከነ በእዘዘ ክርስቶስ ብርሃን፤ ቅዱሳት አጸብዒሁ **ለቂርቆስ** ሕፃን።

፺. ሰላም መልክኡ **ለቂርቆስ ወለኢየሱጣ** አባሉ፤ ናሁ ጸሐፍኩ እንዘ አስተዋጽኦ እምነ ገድሉ፤ ባርኪ ሊተ ማርያም እግዝእተ ኩሉ፤ ዘባረኪ' በዲበ ምድር ቡሩክ ውእቱ በላዕሉ፤ ወዘቀደስኪ ለዓለም ይሄሉ።

ኦ አምላክ ቅዱስ **ቂርቆስ** ወቅድስት **ኢየሱጣ** ዕቀበኒ ወአድኅነኒ እመከራ ሥጋ ወነፍስ ለገብርክ / ለአመትከ.....

መልክእ ገብርኤል

ሰላም ለልሳንክ ወለቃልክ ማኅተሙ፤ ለእስትንፋስክ ጠል ለእሳተ ባቢሎን አቀራራፊ ፍህሙ፤ ገብርኤል ውኩል ለረድኤተ ጻድቃን ኩሎሙ፤ አንግፈኒ እምነበልባል ኢያንጥየኒ ሕማሙ፤ ከመ አንገፍኮሙ ቅድመ ለቂርቆስ ወእሙ።

ዚቅ:- ዘረዳእኮሙ ለሰማዕት ወባላሕኮሙ እምእሳት አድኅነነ እግዚአ ሃሌ ሉያ እምዕለት እኪት።

ምስባክ ዘነግሠ

ወአጽዐንከ ሰብአ ዲበ አርእስቲነ፤

አኅለፍከነ ማዕከለ እሳት ወማይ፤

ወአውጻእከነ ውስተ ዕረፍት። መዝ ፳፭፥፲፪፤

ወንጌል፦ ማቴ ፲፰፥፩ - ፲፪፤

ምልጣን

ይቤላ ሕፃን ለእሙ ኢትፍርሂ እም ነበልባለ እሳት ዘአድኅኖሙ ለአናንያ ወአዛርያ ወሚሳኤል ውእቱ ያድኅነነ።

እስመ ለዓለም

ይትባረክ **እግዚአብሔር** አምላክ አበዊነ አምላኮሙ ለቂርቆስ ወለእሙ በብዝሃ ኃይሉ ወበጽንዐ ትዕግሥቱ አርአየ ጸጋሁ ላዕለ ሕፃን ሕፃን ዘኮና መርሐ ለእሙ ዘሠለስቱ ዓም (አ) ኢፈርሀ ነበልባለ እሳት ዘይወጽእ እምአፈ ዕቶን (አ) አኀዛ ለእሙ ዕዳ ዘየማን ወሰሀባ ቅድመ መኰንን (አ) ወይቤላ ሕፃን ለእሙ ጥብዒኬ እም ወኢትናፍቂ እምዝ ዳግመ አልቡቱ ኰነኔ (አ) አእኰትዎ ወሰብሕዎ ወባረክዎ ለኣብ።

አቡን

ሃሌ ሉያ ሃሌ ሉያ ሃሌ ሃሌ ሉያ ጥቡዕ ልቡ ለሕፃን ጥቡዕ ልቡ ለሕፃን እንዘ ሀሎ ውስተ ምኰናን (ጥ) ይቤላ ሕፃን ለእሙ ጥብዒኬ እም ንፈጽም ገድለነ ወስምዐነ (ጥ) ንፈጽም ገድለነ ወስምዐነ ከመ ንርአይ ገጽ ለአምላክነ (ጥ) ይቤሎ ሕፃን ለእግዚኡ ዘመጠነዝ ገድለ ተጋዲልየ ምንተኑ ተዐሥየኒ (ጥ) ይቤሎ እግዚኡ ለሕፃን አዐሥየከ ዘሀሎ ውስተ ልብከ (ጥ) ይቤሎ ሕፃን ለእግዚኡ ኢትቅብር ሥጋየ ዲበ ምድር (ጥ)

ይቤሎ እግዚኡ ለሕፃን አልቦ ዘየዐብየከ በመንግሥተ ሰማያት ዘእንበለ ዮሐንስ መጥምቅ ወአነ ፈጣሪከ ወዓዲ ከመ ኢይማስን ሥጋከ ዲበ ሠረገላ ኤልያስ ህየ አነብረከ።

ዓራራይ

ጸርሐ ሕፃን ንበ እግዚኡ እንዘ ይብል ዘመጠነዝ ገድለ ተጋዲልየ ምንተኑ ተዐሥየኒ አዐሥየከ ዘሀሎ ውስተ ልብከ ዘሐነጸ መርጡለከ ወገብረ ተዝካረከ ኢየንጉል በኅቤየ ወበኅቤከ ወዓዲ ከመ ኢይማስን ሥጋከ ዲበ ሠረገላ ኤልያስ ህየ አነብረከ።

ሰላም፤ ሕፃን ንዑስ ኢፈርህ ትእዛዘ ንጉሥ ወጸንዐ በመንፈስ ቅዱስ በሰላም ዐደወ መንግሥተ ክብር ወረሰ።

ዘቅዳሴ ምስባክ

ይትኅፈሩ ኩሎሙ እለ ይሰግዱ ለግልፎ፤

ወእለ ይትሜክሑ በአማልክቲሆሙ፤

ወይሰግዱ ሎቱ ኩሎሙ መላእክቲሁ። መዝ ፺፮፥፯፤

ምንባብ ዘቅዳሴ

ዕብ ፲፩፥፴፫ - ፍጻሜ፤

፩ጴጥ ፬፥፲፪ - ፍጻሜ፤

ግብ ፳፫፥፲ - ፲፭፤

ወንጌል፦ ማቴ 16፥፳፭ - ፍጻሜ፤

ቅዳሴ፦ ዘያዕቆብ ዘሥሩግ

ትምህርተ ኅቡዓት

፩. በእንተ ትምህርተ ኅቡዓት፤ ቅድመ ዘትትነገር እምጽርስፎራ፤ ለምእመናን ኅቡዓት፤ ትምህርተ ኅቡዓትስ ከመዝ ንግር፤ ዘቅድመ ሀሎ፤ ወይሄሉ፤ ዘመጽአ፤ ዘሐመ፤ ወሞተ፤ ወተቀብረ፤ ወተንሥአ፤ ፃዕረ ዘሞት ፈትሐ፤ ወዘእሙታን ተንሥአ።

፪. ኢኮነ ባሕቲቶ ከዊኖ ሰብአ፤ ዘእመንፈስ ቅዱስ ሥጋሁ ለአዳም ምስለ ነፍሱ፤ ዘኢንደገ ነፍሶ ውስተ ሞት፤ ዘበመንፈስ ለአዳም ፀወኖ ወአሕየዎ።

፫. ዘለብሶ ለአዳም መዊቶ ሓይወ፤ ዘዐርገ ውስተ ሰማያት ተዋሪዶ ለሞት፤ እምድንረ መስቀል ሞዓ በቲኮ ማዕሠሮ ለሞት፤ በእንተ ዘተንየለነ ዲያብሎስ ትካት በዝንቱ በእንተ ሕማሙ አርአየነ ሙስናሁ፤ በቲኮ ኅምዘ ኃይሉ ሰጠጠ መሥገርቶ።

፬. ወገጹ ዘፍጹም በጽልመት ፈርህ ወደንገጸ ዲያብሎስ፤ ርእዮ ብሑተ ልደት በሥጋ አምላክ በሲኦል።

፭. ወሪዶ ዘእምልዑላን ሰማያት ዘኢይትነገር ወሪዶ፤ ሕሊናሁ ዘኢይትከፈል፤ በአሐቲ ምክር ምስለ አቡሁ ሰማያተ ገብረ፤ ምስለ አቡሁ አክሊሎሙ ለመላእክት፤ ወለሊቃነ መላእክት

ኃይል፤ ለኃያላን ዐጽፍ፤ ወለኢጋዕዝት መንፈስ፤ ዘእምቅድመ
ዓለም መንግሥቱ ሰፋኒት፤ ለቅዱሳን እዘዝ።

፮. ጎሊናሁ ለአብ ዘኢይትረከብ፤ ውእቱ ጥበቡ ለአብ፤ ውእቱ
ኃይሉ፤ ውእቱ የማኑ፤ ውእቱ ምክሩ፤ ውእቱ ሕሊናሁ፤ ዕደ
መዝራዕት ዘአብ ከዊኖ እንከ።

፯. እንዘ ነአምን በሃይማኖቱ ንገኒ ከመ ውእቱ ብርሃን፤ ሕፅበተ
መድኃኒት ምሥዋር፤ ረድኤት፤ ወመምህር ዘይትቃወም ለነ፤
ዘየዓሢ ተወካፊ፤ ምጽንዓተ ቅፅርነ፤ ውእቱ ኖላዊ፤ ኖንት
አንቀጽ፤ ፍኖተ ሕይወት፤ ፈውስ ሲሳይ፤ መስቴ መኰንን።

፰. ነአምን ሕማሞ ለዘኢየሐምም፤ ዘተወልደ በሥጋ
ዘኢይትወለድ፤ መዊቶ ሕያው ወልደ አብ፤ ተገምረ
ዘኢይትገመር፤ ዘኃጢአተነ ነሥአ እንዘ አልቦ ኃጢአት፤ መዊቶ
ሐይወ።

፱. እምሰማያት እምነበ አብ አይነዐ፤ በሕማማተ ሥጋሁ
ቤዘወነ፤ ወደሞ ክቡረ መንፈስ ሕይወት፤ ወቅድሳተ መንፈስ
ወሀበነ፤ ወማየ መንጽሔ ዚአነ።

፲. ዘያበርህ ውስተ አልባቢሆሙ ለእለ ይፈርህዎ፤ እስመ
ምስሌሆሙ ለዝላፉ ሀሎ፤ ዘረሰየነ ነኪራነ እምኩሉ ፍኖተ
ሰይጣን፤ ሐዳፌ ነፍሳት፤ ዘቦቱ ኩልነ ንትዌከል ዘንተ አምላክ።

፲፩. ከዊኖ እምቅድመ ዓለም ምስለ አብ፤ ርእዮ ለዓለም በማዕሠረ ኃጢአት እንዘ ይትጎገጡል፤ በኃይለ ጥበቡ አርቄ ይትከየድ፤ በኢያእምሮ ጌጋይ ለሞት ተቀንዮ።

፩ቂዶ ይፈውሱ ትዝምደ ሰብእ፤ ተገምረ በማኅፀነ ድንግል ተጎቢኦ ለኩሉ ኃይል እለ በሰማያት ማኅደር፤ ወለእለ ይትቃወማ ኃይል በኢያእምሮ ሠወሮሙ።

፲፪. ሥጋ ለብሰ ዘይማስን ወዘኢይማስን፤ ለሥጋ መዋቲ ረሰዮ ዘኢይማስን ዘበአርአያ ሥጋ ዘመዋቲ አዳም፤ አርአያ ዘኢይማስን ዘቦቱ በአርአያ ዘይማስን ተነሥተ።

፲፫. ወትእዛዛተ ጽድቅ በወንጌል መጠወ ዘውእቱ ጸዋዒ ዘበመንግሥት ንሕየው ተምሂረነ፤ ወበውእቱ ወንጌል ማዕሰረ ሰይጣን ተበትከ፤ ከመ እሞት ሕይወተ ንትካፈል፤ ወእምነ ኢያእምሮ ልቡና ንንሣእ።

፲፬. ውእቱሂ ከዊኖ ሰብኦ ወልደ እግዚአብሔር አምላክ ዘተወልደ እምአዳም መዋቲ፤ በአምሳሉ ተሰዊጦ ነሥኦ ዘቀዳሚ፤ ለተወልዶ ተፀንሰ ብእሲ።

፲፭. ዘውእቱ አምላክ ዘበአማን፤ ዘበነቢያት አቅደመ ተአውቆ፤ ወበሐዋርያት ተሰብከ፤ ወእመላእክት ተአኩተ፤ ወእምነበ ኩሉ ተሰብሐ።

፲፮. ተሰቅለ በእንቲአነ፤ ወበመስቀሉ ኮነ ሕይወትን ጽንዕነ ሌዛነ፤
ዘውእቱ ምሥጢር ኅቡዕ ፍሥሐ ዘኢይትዌዳእ ዘቦቱ።

፲፯. ኩሉ ነፍሰ ፍትወተ ሰብእ ያርኅቅ እምእግዚአብሔር ይክል፤
²⁹ ኪያሃ እንዘ ትፀውር ወትረ፤ ዛ ይእቲ ስብሐት ፍቅር
እምእግዚአብሔር ኢታሴስል።

፲፰. ወበእላ ከናፍር ፆታ ነጊር ኢይትከሃል ጥንቁቅ፤ ዘእምትካት
ኅቡዓ ኮነ፤ ይእዜሰ ክሡተ ምሥጢረ ኮነ ለምእመናን፤ አኮ ከመ
ይትረዓይ፤ አላ ከመ ይትሐለይ፤ ውእቱ ዝንቱ መስቀል ወቦቱ
ንትመካሕ ከመ ንሰብሐ።

፲፱. ወቦቱ እለ ይጠመቁሂ ምእመናን ፍጹማን፤ እምኩሉ
ዘተነግረ ዘያስተርኢ ዘኢኮነ በአማን አድኃኑ ነፍሶሙ።

፳. በዝንቱ እለ ትጸንዑሂ ሕቱ ርእሰክሙ፤ አጽምሙ
አእዛኒክሙ፤ ወእለ ይትረአያ አውሩ አዕይንቲክሙ እለ በገሃድ።

፳፩. ከመ ታእምሩ ፈቃዶ ለኢየሱስ ክርስቶስ ወኩሎ ምሥጢረ
መድኃኒትክሙ ብእሲ ወአንስት ቅዱሳት እለ ሀሎክሙ ውስተ
ተመክሐ በእግዚአብሔር።

²⁹ ኢይክል

፳፪. ያጽምዕ ዘንተ ውስጡ ለሰብእ፤ ክርስቶስ ጸመደነ ለኅበ አቡሁ አቅረበነ መጺኦ እምድኅረ ሐመ፤ ወወሪዶ ውስተ ሲኦል ዘውእቱ ነፍስ ምውታን ዪወወ ለሕይወት።

፳፫. ርእዮ ሞት እንዘ ይወርድ በሥጋ፤ ጌገዮ፤ ወእምሰሎ፤ ወቦቱ በከመ ያለምድ ውኒጠ፤ ርእየ በላዕሌሁ ሥነ መለኮቱ ፀርሐ በቃል ዐቢይ፤ እንዘ ይብል መኑ ውእቱ ዝንቱ ዘእምሥልጣንየ ሰብኦ ለቢሶ ሊተ ሞዐኒ።

፳፬. መኑ ዝንቱ ዘእምሥልጣንየ ተውህቦ ሥጋ ለኅጉል ይምስጠኒ፤ መኑ ዝንቱ ዘምድረ ለብሰ፤ ውእቱኬ ሰማያዊ ውእቱ፤ መኑ ዝንቱ ዘበሙስና ተወልደ፤ ውእቱስ ኢይማስን።

፳፭. መኑ ዝንቱ ዘነኪር እምሕግየ፤ መኑ ውእቱ ዘእምዚአየ ይጸውው፤ መኑ ዝንቱ ዘበኃይለ ነደ እሳት ምስለ ሞት ይትበኦስ፤ መኑ ዝንቱ ዘሞዖ ለጽልመት፤ መኑ ዝንቱ ስብሐት ሐዲስ ዘበኦርኦያዝ ተከልኦኒ ገቢር ዘእፈቅድ።

፳፮. መኑ ዝንቱ እንበለ ኃጢአት ዘሞተ፤ መኑ ዝንቱ ዘበብዝኅ ብርሃኑ ለጽልመት ኦዖሮ፤ ዘኢኅደገኒ ለእሊአየ እስፍን፤ ኦላ ኹሎ ለኅበ ሰማያት ይስሕብ እለ ተውህባኒ ነፍሳተ።

፳፯. መኑ ዝንቱ ስብሐት ዘይከልእ ሥጋ ኢትማስን፤ መኑ ዝንቱ ዘለኪፎቶ ኢይክል፤ ምንትኑ ዝንቱ ዘየዓውዶ ስብሐት ዘኢይዓተት ዝ፤ ተኅጉልኩ እምዝንቱ፤ ወእምእሊኦሁ ዘኣማስን በላዕሌሆሙ ኦልብየ።

፳፯. ዝንቱ ውእቱ ኢየሱስ ክርስቶስ ዘተሰቅለ፤ ዘቦቱ ጸጋማይ የማናየ ኮነ፤ ወታሕታይ ከመ ዘላዕላይ፤ ወደኃራይ ከመ ዘቀዳማይ።

፳፱. እሙታን ተንሢኦ ሲኣለ ከይዶ በሞቱ ለሞት ደምሰሶ፤ እምድጎረ ተንሥኦ በሣልስት ዕለት አእኩቶ ለኣብ፤ እንዘ ይብል ዘአምላክ ቃል ጥዕጡዕ ከመዝ።

፴. አኣኩተከ ኣብ፤ አኮ በዝንቱ ከናፍር ውዱዳት፤ ወአኮ በልሳነ ሥጋ ዘባቲ ጽድቕ ወሐሰት ይወጽእ፤ ወኢበዝ ቃል ዘበኪነ ነፍስት ግብር ይትገበር፤ ኣላ በዝኩ ቃል።

፴፩. አኣኩተከ ንጉሥ ዘብከ ይትአወቕ ለኩሉ፤ ወእንተ ኢትትአወቕ ወእንተ ኢትመጽእ ውስተ መናፍስት ዘሥጋ።

፴፪. ዘበዕዝነ ሥጋ ኢተጎልፍ፤ ወእንተ በዓለም ኢሀለወት፤ ወበምድር ኢትትጎደግ፤ ኣላ በዝ ቃል ዘበላዕሌነ መንፈስ፤ ዘለከ ለባሕቲትከ ይትናገር ኣብ።

፴፫. ዘኪያክ ያፈቅር ኣብ፤ ወዘኪያክ ይዌድስ፤ ዘቦቱ ኩሉ ማኅበረ ቅዱሳን ፍጹማን ኪያክ ይጸውዑ ዐርከ ኪያክ ኣበ ኪያክ መጋቤ ወኪያክ ረዳኤ።

፴፬. አምላክ ኩሉ፤ እስመ ለከ ኩሉ፤ ወኩሉ ብከ፤ ዘሀሎ ለከ፤ አልቦ ካልእ ዘኢኮነ ዘዚኣከ፤ ለባሕቲትከ ዘሀሎከ ለዓለመ ዓለም።

፴፫. ያእምር እንከ ኖላዊ ዘኸሎ ነፍሳተ ምሥጢር፤ እምድጎረ ጸለየ ለአብ፤ ከመ ታእምሩ ወትርአዩ አዐርግ ይቤ ኢየሱስ።

፴፬. ወበእንተዝ ይበል ኖላዊ መፍትወ እንከ ነገረ ኅቡዓት፤ ከመ ታእምሩ መነሃ ትሳተፉ ለቅድሳት፤ ወለመኑ ትገብሩ ተዝካሮ በአኩቴት።

፴፭. ወዓዲ ይንግር እንዘ ይብል፤ ንሕነኒ አጋውየ ቦቱ ንፀወን፤ ዘባሕቲቱ ሀብተ ተምሂረነ ኪያሁ ንንሣእ።

፴፮. ዘይቤ ከመ የሀበነ፤ ዘዐይን ኢርእየ፤ ወዕዝን ኢሰምዐ፤ ውስተ ልበ ሰብእ ዘኢተሐለየ፤ ዘአስተዳለወ እግዚአሔር ለእለ ያፈቅርዎ።

፴፯. በከመ ይቤ ሙሴ፤ ባዕዳንሂ ነቢያት፤ ንሕነሂ ቦቱ ተወኪለነ ሎቱ ነሀብ ስብሐተ፤ ዘሎቱ ስብሐት ወጽንዕ ለዓለመ ዓለም፤ አሜን።

ኪዳን ዘነግህ

ኪዳን ዘነግህ ዘነገሮሙ እግዚእነ ለሐዋርያቲሁ ንጹሐን እምቅድመ ዕርገቱ ውስተ ሰማይ ወእምድጎረ ትንሣኤሁ እሙታን ሣህሉ ወምሕረቱ የሃሉ ምስሌነ ለዓለመ ዓለም አሜን።

ይ.ካ ቅዱስ እግዚአብሔር፤ ቅዱስ ኃይል፤ ቅዱስ ሕያው፤
 ዘኢይመውት፤ ዘተወልደ እማርያም እምቅድስት ድንግል፤
 ተሣሃለነ እግዚአ፤ ቅዱስ እግዚአብሔር፤ ቅዱስ ኃያል፤ ቅዱስ
 ሕያው፤ ዘኢይመውት፤ ዘተጠምቀ በዮርዳኖስ፤ ወተሰቅለ ዲበ
 ዕፀ መስቀል፤ ተሣሃለነ እግዚአ፤ ቅዱስ እግዚአብሔር፤ ቅዱስ
 ኃያል፤ ቅዱስ ሕያው፤ ዘኢይመውት፤ ዘተንሥኦ እሙታን አመ
 ሣልስት ዕለት፤ ዐርገ በስብሐት ውስተ ሰማያት፤ ወነበረ በየማነ
 አቡሁ፤ ዳግመ ይመጽእ በስብሐት፤ ይኩንን ሕያዋነ ወሙታን፤
 ተሣሃለነ እግዚአ፤ ስብሐት ለአብ፤ ስብሐት ለወልድ፤ ስብሐት
 ለመንፈስ ቅዱስ፤ ይእዜኒ፤ ወዘልፈኒ፤ ወለዓለመ ዓለም፤ አሜን
 ወአሜን፤ ለይኹን ለይኹን። ቅዱስ ሥሉስ እግዚአብሔር ሕያው
 ተሣሃለነ።

ይ.ካ ስብሐት ለእግዚአብሔር፤

ይ.ሕ ርቱዕ ይደሉ፤

ይ.ካ ለከ እግዚአ ለገባሬ ኩሉ ለዘኢታስተርኢ አምላክ ንስፍሕ
 ነፍሰነ፤ ወስብሐተ ዘነግህ ንፌኑ ለከ እግዚአ፤ ለጥበበ ኩሉ፤
 ኃያል፤ ብዙኅ ሣህል አምላክ፤ ሣራሪሃ ለነፍስ፤ ንሴብሐከ
 ለዘእምቅድመ ዓለም ተወልደ እምአብ፤ ቃል ዘባሕቲቱ፤
 በቅዱሳኒሁ ዕሩፍ፤ ኪያከ ዘትሴባሕ እምስብሐታት
 ዘኢያረምም፤ ወእምሠራዊተ ሊቃነ መላእክት፤ ኪያከ
 ዘኢተገብረ በእድ፤ ፈጣሬ ኅቡዓት ዘኢታስተርኢ፤ ንጹሕ፤
 ወቅዱስ፤ ዜናዊ፤ ዘነገረነ ጥበበ ኅቡዓተ ቅድሳቲከ፤ ወብርሃነ ለነ
 ዘኢይጠፍእ አሰፎከነ፤ ስብሐተ ወአኩቴተ ንፌኑ ወቅድሳተ
 ንጹሕ፤ ንብል ንሕነ እሊአከ አግብርት፤ ወሕዝብኒ ኪያከ
 ይሴብሐ።

ይ.ሕ ኪያከ ንሴብሕ እግዚአ፤

ይ.ካ አምላክ ብርሃን፤ ወላዴ ሕይወት፤ ርእሱ ለአእምሮ፤ ወሀቤ ጸጋ ዘእምጸጋ ፍጹም፤ ገባሬ ነፍስ፤ በቋሚ ጸጋዌ መንፈስ ቅዱስ፤ መዝገበ ጥበብ፤ ረዳኢ፤ መምህረ ቅዱሳን፤ ወመሠረተ ዓለም፤ ዘይትዌከፍ ጸሎተ ንጹሐን፤ ለከ ንሴብሕ ወልድ ዋሕድ፤ ቀዳሜ በኩር፤ ቃለ አብ፤ ዘለኩሉ ዚአከ ጸጋ ዘወሀብከነ ለእለ ንጹወዐከ፤ አብ ንጹሕ ዘአልቦ ነውር፤ ዘቦቱ ጥሪት ንበ ፃፂ ወቀኑንቀኑ ኢያማስኖ፤ ለዘበኩሉ ንሊና ለእለ ይትዌከሉ ብከ ትሁብ፤ ዘያፈትዎሙ ለመላእክት የሐውጽዎ ለዘእምቅድመ ዓለም ብርሃን፤ ዐቃቢነ ዘኢያማስን፤ መዝገበ ጽልመት እንተ ብነ በሥምረተ አቡከ አብራህከ ለነ፤ ዘአውጻእከነ እማእምቅ ውስተ ብርሃን፤ ወወሀብከነ ሕይወተ እሞት፤ ወጸጐከነ እምግብርናት ግእዛነ፤ ዘበመስቀልከ አቅረብከነ ንበ አቡከ መልዕልተ ሰማያት፤ በወንጌል መራሕከነ፤ ወበነቢያት ናዘዝከነ፤ ዘለሊከ አቅረብከነ አምላክ፤ አላ ብርሃነ ሀበነ እግዚአ፤ ለከ ለአምላክነ ንወድስ ከመ ወትር በዘኢያረምም አኩቴት፤ ንብል ንሕነ እሊአከ አግብርት፤ ወሕዝብኒ ኪያከ ይዌድሱ።

ይ.ሕ ኪያከ ንዌድስ እግዚአ፤

ይ.ካ ንሄልስ ለከ ዘንተ ሰብሐተ እምአፉነ ዘምስለ መንግሥትከ ዘለዓለም **ኢየሱስ** ወልደ **እግዚአብሔር** ዘመልዕልተ ኩሉ ምስለ አብ፤ ኩሉ ፍጥረት ይሴብሐከ በረዓድ ወበፍርሃተ መንፈስ፤ ዘኩሉ ነፍስ ይፈርሆ፤ ወኩሎሙ ነፍሳተ ጸድቃን ብከ ይጸወኑ፤ ዘአዝኅንከ እምኔነ ማዕበላተ ውሒዛተ መናፍስት፤ ዘኮንከነ መርሶ ሕይወት እሙስና፤ ወዘኮንከነ ምጉያየ ዘቦቱ ተስፋ መድኃኒት ዘለዓለም፤ በባሕር እለ ይትመነደቡ ታድኅን፤ ወለእለ በበድው በጸጋ ትፌውስ፤ ወለእለ በመዋቅሕት ጽኑዓን ዘምስሌሆሙ ትሄሉ፤ ዘእማእስረ ሞት ፈትሐነ፤ ዘለምስኪናን

ወለልሕዋን ይናዝዘሙ፤ ወለእለ ፃመዉ በመስቀሉ ይባልሕ፤
 ዘኩሎ መዓተ ይመይጥ ወያሴስል እምኔነ ለእለ ቦቱ ተወከልነ፤
 ዘነቢያት ወሐዋርያት አእኩቱክ በኅቡዕ፤ ኪያክ ንዌድስ እግዚአ
 ወንሴብሐክ፤ ከመ ለቢወነ ብክ ናዕርፍ በማኅደረ ሕይወት፤
 እንዘ ንጉብር ፈቃደክ ሀበነ ንሑር በትእዛዝክ፤ ወኩሎ እግዚአ
 በምሕረትክ ሐውፅ፤ ንዑሳነ ወዐቢያነ፤ መኩንነ ወሕዝቦ፤ ኖላዌ
 ወመርዔቶ፤ እስመ ዚአክ መንግሥት ቡሩክ እግዚአ አምላክነ፤
 ስብሐት ለአብ ወወልድ ወመንፈስ ቅዱስ እምቅድመ ዓለም፤
 ይእዜኒ ወዘልፈኒ ለዓለም ወለትውልደ ትውልድ ዘኢየህልቅ፤
 ለዓለም ዓለም፤ አሜን።

ይ.ካ ጸጋ ዘእግዚአብሔር የሁሉ ምስሌክሙ፤

ይ.ሕ ምስለ መንፈስክ፤

ይ.ካ ንሰብሐ ለአምላክነ፤

ይ.ሕ ርቱዕ ይደሉ፤

ይ.ካ አጽንዑ ኅሊና ልብክሙ፤

ይ.ሕ ብነ ኅበ እግዚአብሔር አቡነ ዘበሰማያት፤ (ሦስት ጊዜ)
 ኢታብአነ እግዚአ ውስተ መንሱት፤

ይ.ካ እግዚአብሔር አብ ወሀቤ ብርሃን፤ ዘለኩሉ ኃይል፤
 ወለኩሉ ነፍስ ሐዋሂ፤ ብርሃን ዘእምቅድም፤ ዓለመ ኅታሚ፤
 መራሔ ሕይወት፤ ወበቋዔ ተድላ ዘኢይመውት፤ ዘአውጻእከነ
 እምእቅፍተ ጽልመት ውብርሃነ ዘኢይትረከብ ጸጎከነ፤
 ዘእማእስር ለእለ የአምኑ ብክ ፈቲሐክ በሃይማኖት ከለልከነ፤
 ዘኢይርኅቅ እምአግብርቲሁ ወትረ ዘምስሌሆሙ ትሄሉ፤
 ዘኢይጸመም ለዘበፍርሃት ወበረዓድ ትስእሎ ነፍስ፤ እምቅድመ

ሕሊና ኩሎ የአምር፤ ወእምቅድመ ኅሊና ይፈትን፤ ወዘእንበለ
ንስኦሎ ይሁብ ፍትወተነ ዘእምፈቃዱ፤ ወይሰምኦነ እለ እንበለ
ኑፋቄ ንጹውዖ፤ ዘኢይትነገር ብርሃን፤ ንጉሠ ሠራዊተ ሰማያት፤
ሰማዒ ስብሐተ ማኅሌት ዘሊቃነ መላእክት ወዘዲቤሆሙ
የዓርፍ፤ ሰምዐነ ንስኦለክ እግዚአ፤ ሀበነ በትውልክት ቃለ
ዘኢያረምም፤ ኪያክ ንሰብሕ ኪያክ ናእኩት ወኪያክ ንባርክ፤
ወከመ ብክ ንፀወን፤ ንሕነ አግብርቲክ ንሴብሐክ እግዚአ።

ይ.ሕ ኪያክ ንሴብሕ እግዚአ፤

ይ.ካ እግዚአ ኢየሱስ ክርስቶስ ሰምዐነ ቅዱስ፤ ለበሐማን
ኮኖሙ ቃለ፤ ለስቡራን ምርጉዘ፤ ለዕውራን ብርሃነ፤
ወለሐንካሳን ፍኖተ፤ ወለዘለምጽ መንጽሒ፤ እኑዛተ ሕማማት
እግዚአ ፈወሰከ፤ ለጽሙማን መፈውስ፤ ለሞት ዘልፎ፤
ወለጽልመት ሣቀዮ፤ ዘገብረ ብርሃነ፤ ፀሐይ ዘኢይዓርብ፤
ወማኅቶት ዘኢይጠፍእ፤ ፀሐይ ዘዘልፈ ያበርህ ዲበ ቅዱሳን፤
ወኩሎ ተከለ ለሠርጐ ዓለም በሥምረት እቁም፤ ገሃደ ለኩሎ
ሠረቀ ለሰብእ፤ መድኃኒተ መያጢሃ ለነፍስ፤ ወኩሎ በዘይደሉ
አቅደምክ ሐልዮ፤ ገባሬ መላእክት፤ አበ ኩሎ ሠርጐ ዓለም፤
ሣራሪሃ ለምድር፤ ጥበብ ወአእምሮ እምአብ ዘሀሎ እምቅድም
ውስተ ዓለም ተፈነወ፤ ዝ ህሉና ዘኢይትነሠት
ወዘኢይተረጐም፤ መንፈስ ዘኢያስተርኢ፤ ዜናዊ ስቡሕ አንተ፤
ወመንክር ሰምክ፤ በእንተ ዝንቱ ንሕነ አግብርቲክ ንዌድሰክ
እግዚአ።

ይ. ሕ ኪያክ ንሴብሕ እግዚአ፤

ይ.ካ ንሄልስ ለክ ዘንተ ቅዱስ ስብሐተ ዘወሀብከነ ዚአክ
ሃይማኖተ ዘኢይትነሠት፤ ወቦቱ ገበርክ ለነ ንማዕ ማእሠሪሁ
ለሞት፤ ዘፈጠርክ ኅሊናተ ርቱዓተ ለእለ የአምኑ ብክ ከመ
እምሰብእ ይኩኑ አማልክተ፤ ዘወሀብከነ በመንፈስ ንኪድ ኩሎ

ኃይሎ ለጸላዊ፤ ከመ ንፍታሕ ዘኢይትፈታሕ፤ ፍቅረ ለነ ኀበ አቡከ ገበርከ ወዐረቀ ማዕከሌን፤ ሰማዕ እግዚአ እለ ኪያከ ይሰእሉ፤ እግዚአ እለ ዘንስእለከ ኢንሰተት፤ አላ በስክየት ዲበ ጸላዊነ ሀሉ፤ ሀበነ ዘወትር ጸሎተነ፤ እምኒጠተ ጸላዊ ንትዐቀብ፤ ሰማዕ ዘለዓለም ንጉሥ፤ መአስበ ናዝዝ፤ እጓለ ማውታ ተወከፍ፤ ሲሩያነ በምሕረትከ አንጽሕ፤ አብዳነ አጥብብ፤ ወኅሑላነ ሚጥ፤ እለ ውስተ ሞቕሕ አድኅን፤ ወለኩልነ ኩን ፀወነ፤ እስመ ለከ እግዚአ አምላክነ መንግሥት ቡሩክ፤ አማን።

ይ.ካ ጸጋሁ ለእግዚአብሔር የሀሉ ምስሌክሙ፤

ይ.ሕ ምስለ መንፈስከ፤

ይ.ካ አእኩትዎ ለአምላክነ፤

ይ.ሕ ርቱዕ ይደሉ፤

ይ.ካ ለከ ለአብ ዘኢይማስን መድኃኔ ነፍስነ፤ ወመሠረተ ጥበባት፤ ዐቃቤ አልባቢነ፤ ዘእንተ ውስጥ ዐይነ አብራህከ፤ ወጽልመተ ሕሊናነ በዘዚአከ አእምሮ ከለልከነ አንተ፤ ዘተውህበ ለሙስና ዘትካት ብእሴ አድኅንከ በመስቀሉ ለዋሕድከ፤ ወሐደስኮ በዘኢይማስን፤ ዘስሕተታት በጠላ በትእዛዝከ፤ ወበሞተ ወልድከ ቤዘውከ፤ ወዘተገድፈ ኀሠሥከ፤ በእንተ ዝንቱ ንህነ አግብርቲከ ንሲብሐከ እግዚአ።

ይ.ሕ ንሴብሐከ እግዚአ፤

ይ.ካ ንዌድሰከ እግዚአ ዘወትረ ይሴብሐ ስብሐተ ማኅሌት ዘሊቃነ መላእክት በኢያርምሞ እንበለ ዕረፍት፤ ውዳሴ ስብሐት ወአኩቴት ዘአጋዕዝት፤ በመኃልይ ይሴብሐከ እግዚአ፤ ዘፈኖከ ምክረከ፤ ዚአከ ቃለ፤ ዚአከ ጥበበ፤ ወዘዚአከ

ሕዋይ፤ ዘሀሎ ምስሌከ እምቅድም፤ ዓለም እንበለ ይትገበር
ዘኢተገብረ፤ ቃል ዘተርእየ በሥጋ ለመድኃኒተ ትዝምደ ሰብእ፤
ወልድከ ወፍቁርከ እግዚእን ኢየሱስ ዘእግአዘነ እምኦርዑተ
ኃጢአት፤ በእንተ ዝንቱ ንሕነ አግብርቲከ ንዌድሰከ እግዚአ።

ይ.ሕ ንዌድሰከ እግዚአ፤

ይ.ካ ለከ ዘእምልብነ ውዳሴ ንሄልስ ወሀቤ ሕይወት እግዚአ፤
ሐዋሂ ነፍስ ትሑታን፤ መንፈስ ምንዱብ ኢተገየየ፤
ዘይትዌከፎሙ ለእለ ይሰደዱ፤ ረዳኢ፤ ወለእለ ውስተ ሠርም
ይትመነደቡ መድኅን፤ ለርኑባን ዘይኔሊ፤ ወይትቤቀል
ለግፉዓን፤ ዐርከ መሐይምናን፤ መስተናግር ለጻድቃን፤
ወማኅደር ለንጹሐን፤ ወለእለ በጽድቅ ይጸውዕዎ ሰማዒ፤
ለመበለት ከዳኒ፤ ወባላሂ ለእጓለ ማውታ፤ ዘይሁብ መርሐ
ርቱዐ ለቤተ ክርስቲያን ዘተከላ ላቲ ምዕራፈ ሰብሐተ ሃይማኖት
ጉባኤ መንፈስ ሀብተ ጸጋ ወኃይል፤ ለከ እንዘ ንዌድሰ
ወኢናዐርፍ ለዝሉፉ፤ በአልባቢነ ናስተማሰል አምሳለ
መንግሥትከ ቦቱ፤ በእንቲአከ፤ ወበእንተ ፍቁር ወልድከ
እግዚእን ኢየሱስ፤ ዘቦቱ ለከ፤ ሰብሐት ወእኒዝ ለዓለመ ዓለም፤
አሜን።

ተፈሥሒ ማርያም ዘዘወትር

፩. ሰላም **ለማርያም** ዐጽፈ ወልድ ዋሕድ፤ ወመንበረ ሕያው
ነድ፤ ለድንግልናሃ ይደሉ ሰጊድ፤ **ለማርያም** ዘይቤ
ኢይሰግድ፤ ሞጻፈ መብረቅ በሊኅ በርእሱ ለይረድ።

፪. ተፈሥሁ ማርያም ድንግልተ ሥጋ ወሕሊና፤ ተፈሥሁ ማርያም ወለተ ኢያቄም ወሐና፤ ጳጦስ አንቲ ዘአስተርአይኪ በደብረ ሲና፤ ጎሞረ ወርቅየ መስፈርቱ ለመና፤ ማርያም ለዕበይኪ ይደሉ መሐና።

፫. ተፈሥሁ ማርያም ድንግልተ ኅሊና ወሥጋ፤ ተፈሥሁ ማርያም እንበለ ሕፀፀ ወንትጋ፤ ተፈሥሁ አንቀጽ ዘኢተርጎወ መንሠጋ፤ ለነፍስ ዚአየ ውስተ ሲአል ኢይኅድጋ፤ ፍሬ ማኅፀንኪ ወልድ ይክፍለኒ ጸጋ፤ ኅበ ይገብሩ ኅሩያን እንግልጋ።

፬. ተፈሥሁ ማርያም ይደልወኪ ተፈሥሐ፤ ተፈሥሁ ማርያም ዘልማድኪ ተራኅርኖ፤ ገብርኪ ኃጥእ ሶበ ጸራሕኩ በከልሐ፤ ለቃለ አፉየ ተወኪፈኪ ጽራሐ፤ አሆ አሆ በልኒ አሆ፤ ለቤተ መርዓየ እሁብከ መርኖ።

፭. ተፈሥሁ ማርያም ወለተ ሣራ ወርብቃ፤ ተፈሥሁ ማርያም ለደወለ ርስት ማዕነቃ፤ ለረዲአትየ ፍጡነ እንዘ ትሰወጢ ከመ ባዜቃ፤ ብጽሁ በኢጎንድዮ ኅበ ሀሎኩ ጥቃ፤ ከመ ትፈጽሚ ለልብየ ጸሕቃ።

፮. ተፈሥሁ ማርያም እንተ አልብኪ ምሳሌ፤ ተፈሥሁ ማርያም ታቦተ ኅርመት ወጽሌ፤ ተፈሥሁ ጽሪት ዘዕፍረትየ ቢረሌ፤ አስተበፅዕ አንሰ በጉባኤ ዘለኪ ድንጋሌ፤ በኢውልዋሌ እንዘ ዕብል አሌ፤ አንግፍኒ በትንባሌ እምብካይ ወወይሌ።

፯. ተፈሥሁ ማርያም ዘአክናፈ ንጽሕኪ ምንታዌ፤ ዘአምሰጥኪ ቅድመ እምቂዓተ ኅምዙ ለአርዌ፤ መጽሐፈ ብሥራት ይብሉኪ

እለ ሀለዉ ምድረ ዌዋዌ፤ መክፈልተ ርስትየ አንቲ **ማርያም**
እንተ አልብኪ ምንሳዌ፤ ዘፈለጠ ሊተ ኢያሱ ዘነዌ።

፳. ተፈሥሒ **ማርያም** መድኃኒተ አዳም ወሔዋ፤ ተፈሥሒ
ማርያም ሐዳስዩ ጣዕዋ፤ ርጢነ መድኃኒት ወልድኪ ለቀህስልየ
ዘየሐይዋ፤ ውቂዮ በሰይፍኪ ለፀርየ ነዋ፤ ሰይጣን ስሙ ለነፍስየ
ዕድዋ።

፱. ተፈሥሒ ዕብለኪ **ማርያም** በከመ ገብርኤል
መልአክ፤ ቡርክት አንቲ እምአንስት ወፍሬ ከርሥኪ
ቡሩክ፤ ለዕባየ ንግሥኪ ዘልፈ እንዘ እስግድ በብረክ፤ አመስጥ
አንሰ በጽንዕኪ እምፀርየ ድሩክ፤ ዘይፈቅድ ይንዓወኒ በጽባሕ
ወሠርክ።

፲. ተፈሥሒ **ማርያም** ሠርጐ አሮን ሌዋዊ፤ ተፈሥሒ **ማርያም**
ወለተ ዳዊት ሰንቃዊ፤ ሙካፈ ስእለቱ ለኢዮብ አመ በቀህስሉ
ይደዊ፤ ከመ ትጎጲዮ ለፀርየ ነፍሳተ ብዙኃን ነዓዊ፤ በዲበ
አብትር ቀስተኪ ቀስትዊ።

፲፩. ተፈሥሒ **ማርያም** ዘኢይኃልቅ ትፍሥሕትኪ፤ ተፈሥሒ
ማርያም ዘኢይቀብል መዝገብኪ፤ ተፈሥሒ **ማርያም**
ዘኢይጎፅፅ ዝክረ ውዳሴኪ፤ ኢትመንንኒ ለገብርኪ ዘአጥረየኒ
ወልድኪ፤ እስመ አንቲ ሊተ ወአነ ዘለኪ።

፲፪. በመኑ እትማካሕ **ማርያም** ዘእንበሌኪ ምክሕየ፤ ቀርነ
መድኃኒትየ፤ ብኪ ጸናዕኩ እምከርሠ እምየ፤ **ማርያም**
ጠረጴዛሁ ለቀሩርባነ ወንጌል ብዕልየ፤ ውስተ እዴኪ ገደፍኩ
ነፍስየ ወሥጋየ።

፲፫. በመኑ እኩብር ማርያም ዘእንበሌኪ ኩብረ ኩሉ፤ ነቅዓ ምድር አንቲ ወጠለ ሰማይ ዘላዕሉ፤ አንቲ ውእቱ ለዳዊት ሠርጐ አክሊሉ፤ ብኪ እለ ተወከሉ ኢተኅፍሩ ወኢተኃጉሉ፤ መገበሙ ወመርሐሙ ወልድኪ በሣህሉ።

፲፬. በመኑ እትፌሣሕ ማርያም ዘእንበሌኪ ፍሥሐ፤ እንተ ወለድኪ መሢሐ፤ ከመ እሕሊ ለኪ ምሕረተ ወፍትሐ፤ ሶባ እዜከር ርኅራኄኪ ንኅኑኅ ወዝኅዙኅ፤ እምሐኬቱ ኅሊናየ ነቅሐ።

፲፭. ኦ ፍጡነ ረድኤት ለጽኑዕ ወለድኩም፤ ወለነፍሰ ኩሉ ቃውም፤ **ጊዮርጊስ** የዋህ እንበለ መስፈርት ወአቅም፤ ከመ እግዝእትከ ቡርክት ማርያም፤ ርኅሩኅ ልብ አንተ እምበቀል ወቂም።

፲፮. ኦ ፍጡነ ረድኤት በብዙኅ ፆታ፤ ከመ እግዝእትከ ርግባ ኤፍራታ፤ በሰማይ በላዕሉ ወበምድር በታሕታ፤ አምሕለከ **ጊዮርጊስ** በስመ እምከ ቴዎብስታ፤ ሞገሰ ስምከ ተሀበኒ ከመ ስምከ መንታ።

፲፯. ኦ ፍጡነ ረድኤት እምሩጸተ ነፋስ ወዓውሎ፤ ለዘይጾውዓከ በተወከሎ፤ **ጊዮርጊስ** ቅረብ ለምሕረት ወለተሣህሎ፤ ተወከፍ ወትረ ጸሎትየ ወቃለ ጽራሕየ ኩሎ፤ እስመ ልባ አምላክ ርኅሩኅ በኅቤከ ሀሎ።

፲፰. አፍጣኒተ ረድኤት ማርያም በጊዜ ምንዳቤ ወዐፀባ፤ ለዐይን እምቀራንባ፤ አንቲ ውእቱ ረዳኢተ ያዕቆብ በቤተ ላባ፤ በኩሉ

ሕሊናሃ ወበኩሉ አልባባ፤ ዘኢታፈቅረኪ ነፍስ ትሠሮ እምሕዝባ።

፲፱. ምንተኑ አዳሥየኪ ዕሤተ፤ በእንተ ኩሉ ዘገበርኪ ሊተ፤ **ማርያም** ሠናይት ዘታፈቅሪ ምሕረተ፤ ሶበሰ ትትዐቀቢ ዘዚአየ ኃጢአተ፤ እምኢሐየኩ አሐተ ሰዓተ።

፳. በሰላም ገብርኤል መልአክ ኦ እግዝእትየ **ማርያም** ሰላም ለኪ፤ ድንግል በኅሊናኪ ወድንግል በሥጋኪ፤ እመ እግዚአብሔር ፀባዖት ሰላም ለኪ፤ ቡርክት አንቲ እምአንስት ወቡሩክ ፍሬ ከርሥኪ፤ ተፈሥሒ ፍሥሕት ኦ ምልዕተ ጸጋ እግዚአብሔር ምስሌኪ

ዘሰንበት ወዘትንሣኤ

፩. ተፈሥሒ **ማርያም** ለአዳም ፋሲካሁ፤ ወማዕድታ ለሔዋን እንተ ይእቲ ዐፅመ ገቦሁ፤ እስመ ግዕዛኖሙ ኮነ ለወልድኪ በትንሣኤሁ፤ በወርኃ ዕብሬትኪ እግዝእትየ ዘኢይትረከብ ከማሁ፤ መኑ ዘይቴከዝ ወመኑ ዘይላሑ።

፪. ተፈሥሒ **ማርያም** ወለተ አሮን ወሙሴ፤ ዘትትቄጸሊ አብያዘ ወትሴአኒ ብናሴ፤ ለኃይለ ተአምርኪ ዝንቱ ሶበ ናቄርብ ውዳሴ፤ ኅትሚ ፍጽመ ዚአነ በማኅተመ ቅድስት ሥላሴ፤ አርእስተ አቃርብት ንኪድ ወንቀጥቅጥ ከይሴ።

፫. ተፈሥሐ **ማርያም** ወለተ ዳዊት ወወልዱ፤ ጽጌ መዓዛ ዘዐርገ ለአብርሃም እምሥርወ ጉንዱ፤ ያስተፌሥሐኒ ጥቀ ዜና ተአምርኪ ለለአሐዱ፤ አይሁድሰ ሶበ መንክራተኪ ክህዱ፤ ሕያዋኒሆሙ ሲኣለ ወረዱ።

፬. አኩተኪ **ማርያም** ወንሴብሐኪ ወትረ፤ ሠርከ ወነግሀ ኩሎ አሚረ፤ ለኃይለ ተአምርኪ ዝንቱ ሶበ ንፊኢ ኅቡረ፤ ለልበ ጠቢባን መላእክት ዘያረስዎሙ ምክረ፤ ወለሕፃናት ይክሥት ሥውረ።

፭. አኣኩተኪ **ማርያም** ወሀቢተ ጸጋ በከንቱ፤ እስመ አልዐልክኒ ሊተ እመሬተ ምድር እስከነ ታሕቱ፤ አንሥኦተ ነዳይሰ ወዐልዕሎ ምስኪን ጊዜ ድቀቱ፤ እወ እወ ለልብኪ ከመ ከማሁ ሥምረቱ፤ እወ ለዘኒ ፈቀድኪ ታሣንዩ ሎቱ።

፮. ጽብዒ **ማርያም** ለእለ ይጸብውኒ በተሀብሎ፤ ወግፍዒ ካዕበ ለእለ ይገፍውኒ ኩሎ፤ ተአምረኪ ታርእዩ ወለወልድኪ በቀሎ፤ ይብል አብድ አኮኑ እግዚአብሔር ኢሀሎ፤ ሶበ ላዕሌሁ ፍጡነ ኢዖርአየ ኃይሎ።

፯. ንዒ **ማርያም** ምስለ ወልድኪ መዋዒ፤ ከመ ታውድቂ ፍጡነ ርእሰ ፀር ወጸላኢ፤ እስመ ፈታሒት አንቲ ማዕከለ ግፉዕ ወገፋዒ፤ ብፁዕ ብእሲ ድቀተ ፀሩ ዘይፊኢ፤ ውብፁዕ ካዕበ ፍትሐኪ ሰማዒ።

፰. ዝ ውእቱ ዕድሜ ሣህልኪ ወዘተአምርኪ ጊዜ፤ **ማርያም** ድንግል ምልዕተ ምሕረት ከመ ተከዜ፤ እስከ ማእዜኑ እሄሉ

ማዕከለ ብካይ ወእንባዜ፤ ኦ ናዛዚት እንተ ወለድኪ ናዛዜ፤ ኦ በቋዒት ብቊዕኒ ይእዜ።

፱. ሙሴ ነቢይ አመ ሕዘቢሁ ቆሰሉ፤ ተአምረ ገብረ ለአርዌ ብርት በምስሉ፤ እምዝኒ የዐቢ ኃይለ ተአምርኪ ንግሥተ ኩሉ፤ ውጎበ ተተክለ ለዋሕድኪ መስቀሉ፤ ሠራዊተ ደዌ ወሞት ቀሪበ ኢይክሉ።

፲፩. ፈሪሆትኪ ማርያም ቀዳሜ ኩሉ ተዐውቆ፤ ወአፍቅሮትኪ ካዕበ መሠረተ ጥበብ ወአጠይቆ፤ ተአምረኪ እሴብሕ በቃለ መዝሙር ወመሰንቆ፤ በውስተ ተአምርኪ እግዝእትየ ለዘአብአ ናፍቆ፤ አፍተዎ መዊተ ወሲኦለ አጽሐቆ።

፲፪. ምንተ ረከቡ ካህናተ ሀሊባ ወሐላ፤ መንክራተ አምላክ ዘርእዩ እምሰኪኖን እስከ ገልገላ፤ ካህናተ ቤትኪሰ ማርያም ርግበ ገሊላ፤ እንዘ ይትአመኑ ለተአምርኪ ኃይላ፤ ያፈልሱ ደብረ ወይመልሑ ሰግላ።

፲፫. ይቴክዝ አብድ ሶበ ልበ ጥበብ ውጎዶ፤ በኢያእምሮቱ አብዝኅ ሕማመ ዘይፈደፍዶ፤ ፍሡሕሰ ለፍቅርኪ ዘይፀመዶ፤ በቅድመ ሥዕልኪ እግዝእትየ ለለጊዜ ያነሥእ እዶ፤ ተስፋሁ ይረክብ ወይፌጽም መፍቅዶ።

፲፬. ዕቀብኒ በተአምርኪ ወአድኅንኒ እምማቴ፤ በከመ አድኅኖ ወልድኪ ለዮናስ ወልደ አማቴ፤ መዋዕለ ዕረፍት አንቲ ማርያም

ጳጳሳዊነት፤ እምነት ደካም ያጸንፅ መዋቅር፤ ኅብስት ስብሐትኪ ወፍቅርኪ ስቴ።

፲፭. ሴስይኒ **ማርያም** ለጸማድኪ ዐሳብ፤ ኅብስተ አእምሮ ሠናየ ወወይነ ጥበብ፤ እመኒ ፈድፈድ ኃጢአትየ እምሕዝብ፤ ተዘከሪ እግዝእትየ በርኅራኄኪ ዕጹብ፤ ከመ አስተኪዮ ማየ ለጽሙእ ከልብ።

መልአክ ሥዕል

፩. ሃሌ ሉያ ለአብ ሃሌ ሉያ ለወልድ ሃሌ ሉያ ለመንፈስ ቅዱስ ቦላ መልአክ ኅቤሃ ወቆመ ቅድሜሃ አብሠራ ገብርኤል **ለማርያም** በክብር ወይቤላ ተፈሥሒ ተፈሥሒ ተፈሥሒ ኦ ማርያም ምልዕተ ጸጋ

እግዚአብሔር ምስሌኪ

ቡርክት አንቲ አምአንስት

ወቡሩክ ፍሬ ከርሥኪ

ተንብሊ ለነ

ኅብ ፍቁር ወልድኪ

ኢየሱስ ክርስቶስ

ከመ ይሥረይ ለነ ኃጣውኢነ።

፪. ተፈሥሁ ኦ **ማርያም** ምልዕተ ጸጋ ተፈሥሁ እስመ ረከብኪ ሞገሰ ተፈሥሁ **እግዚአብሔር** ይደልወኪ ፍሥሐ እንበለ ሕፀፀ ወንትጋ አምላክ ሰማያዊ ዘአግመርኪ በሥጋ። ንጉሠ ሰማያዊ ዘወልድኪ በሥጋ።

፫. ምልዕተ ጸጋ ተፈሥሁ **እግዚአብሔር** ምስሌኪ መንፈሳዊት ርግብ ወንሰግድ ለኪ **ማርያም** በሥጋ እሳተ መለኮት ዘፆርኪ መንፈስ ቅዱስ ጸለለኪ ወኃይለ ልዑል አጽንዐኪ ድንግል በኅሊናኪ ወድንግል በሥጋኪ።

፬. ኦ ርኅሩኅነ ልቡና አፍቅሮተ ሰብእ ልማድክሙ፤ ሥሉስ ቅዱስ ምሕረተክሙ አዝንሙ፤ ከሣደ ፀርነ በሰይፍክሙ ግዝሙ፤ ወዲበ ርእሰነ ካዕበ እዴክሙ ሢሙ።

፭. ኦ ርኅሩኅተ ኅሊና አፍቅሮተ ሰብእ ልማዳ፤ ሰአሊተ ምሕረት ይእቲ ሐፁረ መስቀል ዘየዐውዳ፤ ንትቀበላ ንዑ ለወለተ ዳዊት ዘይሁዳ፤ መጽአት ነዋ ኅቡረ ምስለ ወልዳ፤ ናርፈርዕ ቅድመ ሥዕላ እንዝ ንሁብ ጋዳ፤ ለለጌሠሙ ትመስል እንግዳ።

፮. ኦ ርኅሩኅተ ኅሊና ዘሕገ ልማዳ ምሕረት፤ ለኩሉ ፍጥረት፤ ንሳለማ ንዑ ለሥዕለ **ማርያም** ቡርክት፤ ወለሥዕለ ወልዳ ጸባዖት ለሥዕለ ጊዮርጊስ ሰማዕት፤ ሥዕለ ሚካኤል ወገብርኤል ወሩፋኤል ዘራማ ኃይላት።

፯. ኦ ርኅሩኅተ ኅሊና ፍቅርኪ ያነድድ አማዑተ፤ ከዊኖ እሳተ፤ ንጽሐ ድንግልናኪስ እንተ ኢያእመረ ርስሐተ፤ **ማርያም** ግበሪ ሠናዖተ ኩሎ ዕለተ፤ ሞትሰ ድልው ሊተ፤ ባሕቱ ለንስሐ ጽንሕኒ ንስቲተ።

፳. ኦ ርኅርኅተ ኅሊና ለእግዚአብሔር አስከፊኑ፤ እንተ ኢያውዐየኪ እሳተ ርስኑ፤ መሐርኒ ድንግል ወተሣሃልኒ በበዘመኑ፤ ለእመ መሐርክኒ እግዝእትየ ዘይኮንነኒ መኑ፤ ከፍኔ ሥጋ ወነፍስ ወልድኪ አኮኑ።

፱. ኦ ርኅርኅተ ሕሊና እንተ ኤልያስ ደመና፤ ወለተ ኢያቄም ወሐና፤ ማርያም ዑጽፍት ወኑብርት በቅድስና፤ ሶበ ነጻረኪ ሙሴ በሲና፤ ኅትምት በድንግልና አልባቲ ሙስና።

፲. ተአምርኪ ብዙኅ ዘአልቦ ፍጻሜ፤ በርኅበ ዓለም ሰፈነ አምሳለ ደመና ወጊሜ፤ ማርያም ድንግል ደብተራ ጳውሎስ ዘብሔረ ሮሜ፤ ተማኅፀንኩ በሕፃንኪ ዘሐዘለቶ ሰሎሜ፤ እንበለ ንስሐ ኢይሙት ወስክኒ ዕድሜ።

፲፩. ቅድመ ሥዕልኪ እሰግድ ወአስተበርክ ክሡተ፤ ቅድመ ማኅበራንኪ እሉ እንዘ እቀውም ድርገተ፤ ፈጻሚተ መፍቅድ ማርያም እስእለኪ ስእለተ፤ ጸግውኒ እግዝእትየ ለዓለመ ዓለም ሕይወተ፤ እምእደ እኩያን አጽራርየ ኢድኅንኒ ሊተ።

፲፪. ቅድመ ሥዕልኪ እሰግድ ወለሥዕለ ወልድኪ እገኒ፤ ማርያም ድንግል ማርያም እመ አዶኒ፤ ማዕበለ ጌጋይ ጽኑዕ እስመ ለአስጥሞ በጽሐኒ፤ ሐመርየኒ ማዕዶትየኒ ሃይማኖትየኒ፤ ማርያም እንበሌኪ አልብየ ምንትኒ።

፲፫. ሰላም ለሥዕልኪ ዘይኤድም ለንጻፊ፤ ዓዲ ሰላም ለሥዕለ ወልድኪ በኑባፊ፤ አክሊለ ሢመቱ ለጴጥሮስ ማርያም ዘትፀድሊ እምወራው፤ ለተአምርኪ ባቀኑ ሶበ ናቄርብ ዝማፍ፤ ክድንነ ለአግብርትኪ ሣህለኪ ጰደ።

፲፬. ሰላም ለሥዕልኪ መዓዛ ቅዳሴ ዘቦቱ፤ ወለሥዕልኪ ወልድኪ ሰላም ዘያስተፌሥሕ ሥነ ርእየቱ፤ ለሐዋርያ እንድርያስ ቀዳማዊ **ማርያም** ሃይማኖቱ፤ ናሁ ገደፍኩ ሕይወትየ ቅድመ ተአምርኪ ዝንቱ፤ ዓለሙኒ ኃላፊ ፍትወቱኒ ኃላፊ፤ እስመ ኩሉ ኃላፊ ውእቱ።

፲፭. ሰላም ለሥዕልኪ ዘክንፈ መላእክት ምጽላሉ፤ ወጸዳለ ክርስቶስ ሥነ ጸዳሉ፤ እመ ያዕቆብ በጸጋ **ማርያም** እግዝእተ ኩሉ፤ ናሁ አግብርትኪ በቃለ ማኅሌት ይብሉ፤ ስብሐት ወክብር ወሰጊድ ለመንግሥትኪ ይደሉ።

፲፮. ሰላም ለሥዕልኪ ወለሥዕለ ወልድኪ ዘሰዐም፤ ዮሐንስ ርኄ ዮሐንስ ቀናንሞ፤ ለዝ ወልድኪ መሐሪ ኅሩመ በቀል ወተቀይሞ፤ **ማርያም** ሀብኒ በእዴኪ እንዘ ትጼውዒ ስሞ፤ ሥጋሁ ቅዱስ ወክቡረ ደሞ።

፲፯. ሰላም ለሥዕልኪ ወለሥዕለ ወልድኪ በመትሎ፤ እንተ ነገደ ወሐረ መንገል ኢቃርዮስ ሀሎ፤ ኅበዝ ወልድኪ ፈጣሪ ናትናኤል ዘይትዌከሎ፤ ከመ የሀበኒ ጽድቆ ወይጸግወኒ ሣህሎ፤ ድንግል በእንቲአየ አብዝኒ ተንብሎ።

፲፰. ሰላም ለሥዕልኪ ሐፊ ማሕየዌ፤ በጼዴንያ ወግብጽ ዘአውኅዘት በኢሕሳዌ፤ ለመጽብሐዊ **ማቴዎስ** ማርያም እንተ ረሰይኪዮ ወንጌላዌ፤ ይኩነነ ዘልፈ ጸሎትኪ እምዘመነ ኩሉ ምንሳዌ፤ ዐቃቤ ዘመዓልት ወዘሌሊት ሀላዌ።

፲፱. ሰላም ለሥዕልኪ ሶብ ጸለየት ማርታ፤ አጽነነት ርእሳ ከመ ትትመጠው ስለለታ፤ ምክሐ ታዴዎስ አንቲ **ማርያም** ወሞገሰ ቶማስ ስመ መንታ፤ አመ ኢታድኅን እም ወለታ ወአመ ታገብእ ምድር ማኅፀንታ፤ ኩንኒ አንቲ ለመዋቲ ሐገፋ ወወልታ።

፳. ሰጊድ ወአምኃ ይደሉ ለሥዕልኪ፤ ወለሥዕለ ክርስቶስ ወልድኪ፤ ወይነ በርተሎሜዎስ አንቲ **ማርያም** ዘያስተፌሥሕ ጣዕመ ፍቅርኪ፤ አንብርኒ ከመ ሕልቀት በውሳጤ ርኅሩኅ ልብኪ፤ ወከመ ማዕተብ ፀርኒ በመዝራዕትኪ።

፳፩. ሰላም ለሥዕልኪ ዘመአድም ብርሃኑ፤ ወፍትው ሞገሰ ሥኑ፤ ሃይማኖተ ፊልጶስ አንቲ **ማርያም** ከመ ጳውሎስ ይዜኑ፤ ሕማምኑ ጳዕርኑ መጥባሕትኑ ፤ አኅድኅ ፍቅርኪ ዘይክለኒ መኑ።

፳፪. ሰላም ለሥዕልኪ ቦ ጊዜ ዘትትናገር፤ ወቦ ጊዜ ዘትክዑ ደመ ተአምር፤ **ማርያም** ስብሕት ወውድስት እመ እግዚአብሔር፤ ለማትያስ ሙቁሕ ወለያዕቆብ ውጉር፤ እስመ አንቲ ሞገሶሙ በሰማይ ወምድር።

፳፫. በኢትዮጵያ ወግብጽ ወሶርያ በአንጾኪያ ወሮም፤ ለሥዕላትኪ ዘሀለዋ **ማርያም** ሰላም፤ ምስለ ኤጲስ ቆጶስ ያዕቆብ ዘኢየሩሳሌም፤ ይምጽኡ ኅቤነ ዘእምኅቤኪ ለባርኮትነ ዮም፤ ማርቆስ ዘአንበሳ ወሉቃስ ዘላህም።

፳፬. ሰላም ለሥዕልኪ እንተ ሠዓላ በእዱ፤ ሉቃስ ጠቢብ እምወንጌላውያን አሐዱ፤ አመ ተቀብሎ **ማርያም** እምአፈ

ሥዕልኪ ቅብዐ ናርዱ፤ በሕማም እኩይ እለ ደወዩ
ወውሕዱ፤ ጽዑራነ ዓለም ጥዕዩ ወጥቀ ፈድፈዱ።

፳፭. ሰላም ለሥዕልኪ ወለሥዕለ ወልድኪ አልፋ፤ ማርያም
ዘኮንኪ ለኃጥአነ ምድር ተሰፋ፤ እመቦ እምሰብእ ዘይሜንና
ወዘይገድፋ፤ ለተአምርኪ ባቀኃ እንተ ደቅሰዮስ ጸሐፋ፤ ውጉዝ
ይኩን በቃሎሙ ለሳውል ወኬፋ።

፳፮. ተማኅፀንኩ እግዝእትየ ማርያም በመልክአ ሥዕልኪ
ዛቲ፤ እንዘ እሰግድ ቅድሜሃ ወእትጋነይ ላቲ፤ ማርያም ድንግል
ማርያም ወለተ ማቲ፤ ቤዛ ቤዛ ቤዛ ነፍሰ ኩሉ
መዋቲ፤ በሰማይኒ ወበምድር አንቲ።

፳፯. ሰላም ሰላም ለመልክዓ ሥዕልኪ ኩሉ፤ እምነ ፀሐይ
ወወርኅ ዘያበርህ ሥነ ፀዳሉ፤ ወበእንተዝ ማርያም ሰብአ
ቤትኪ ይብሉ፤ ስብሐት ወክብር ወሰጊድ ለተአምርኪ
ይደሉ፤ ማርያም በረከትኪ ምስሌነ የሃሉ።

ድኅረ መቅድም

ሃሌ ሉያ ሃሌ ሉያ ንሰግድ ለአበ ብርሃናት ወለወልዱ ዋሕድ
ወለመንፈስ ቅዱስ ጳራቅሊጦስ ሥሉስ ዕሩይ። (፫ ጊዜ)

ሰላም ለማርያም ንግሥት ወዓፀድ ዘበአማን ዘኢተገበርዋ
ተረክበ አስካለ በረከት።

ህየ ወልደ **እግዚአብሔር** ዘበአማን መጽአ ወተሰብአ እምኔሃ
ወወለደቶ ወአድጎነነ ወሠረየ ለነ ኃጣውኢነ።

ረከብኪ ጸጋ ኦ ድንግል እስመ ብዙኃን ተናገሩ ለክብርኪ እስመ
ቃለ አብ መጽአ ወተሰብአ እምኔኪ።

ሃሌ ሉያ ንፁ ትነጽሩ ኀበ ዛቲ መርዓት ዘሥርጉት ለእመ በግዕ
ወዑጽፍት በዝንቱ ስብሐት ዐቢይ በከመ ይቤ ወልደ
ነጐድጓድ።

ዮሐንስ ድንግል ወንጹሕ ይጸርሕ እንዘ ይብል እስመ አብርሃት
ዛቲ መርዓት ፈድፋደ እምኮከበ ሰማይ።

ዛቲ ይእቲ ጽዮን ሐዳስ ሀገረ አምላክነ ዘኀደረ ላዕሌሃ ፍሥሐ
ኩሎሙ ነቢያት ቅዱሳን።

ይ.ካ ዓይኑ ዘተገብረ ፈውስ፤

እንበለ ትትወለዲ ድንግል እምቤተ ክህነት ወንግሥ፤

መድኃኒተ ዓለም ኮነ ደመ ጽጌኪ ክርስቶስ፤

እሰግድ ለተአምርኪ በአብራክ ሥጋ ወነፍስ፤

በከመ ሰገደ ለወልድኪ ዮሐንስ በከርሥ።

ድኅረ ተአምር

በረከታቲሃ ለዛቲ እግዝእትነ ቅድስት ማርያም ወላዲተ
መድኃኒት ሃሌ ሉያ ሃሌ ሉያ ሃሌ ሉያ የሃሉ ላዕለ ኩልነ ሕዝብ

ለመስቀልክ እግዚእ ንፌኑ ስብሐተ ሃሌ ሉያ ሃሌ ሉያ ሃሌ ሉያ ሰላም ለክ ዮሐንስ አቡቀለምሲስ ሰላም ለክ ዮሐንስ ወልደ ነጐድጓድ ሰላም ለክ ዮሐንስ ታዎሎጎስ ሰላም ለክ ዮሐንስ ፍቁረ እግዚእ ሰላም ለክ ዮሐንስ ድንግል ሰላም ለክ ዮሐንስ ወንጌላዊ ሰላም ለክ ዮሐንስ ዘረፈቀ ውስተ ሕፅኑ ለኢየሱስ።

ሰላም ለክሙ ጴጥሮስ ወጳውሎስ ያዕቆብ ወዮሐንስ ወእንድርያስ ፊልጶስ ወበርተሎሜዎስ ቶማስ ወማቴዎስ ወያዕቆብ ወልደ እልፍዮስ ታዴዎስ ወናትናኤል ወማትያስ ሉቃስ ወማርቆስ ወያዕቆብ ኤጲስ ቆጶስ ለደቂቅክሙ ባርኩነ በአዚዝ መንፈስ።

ሰላም ለኪ **ማርያም** ጥንተ ምሥራቅ ዘወልደ ኖሬ ሰላም ለኪ ዐፀድ ዘእስከደሬ ሰላም ለኪ ሥርጉት በወራውሬ ሰላም ለኪ በትረ አሮን ጸዋሪተ ፍሬ ሰላም ለኪ እንተ ወለድኪ ፈጣሬ ሰላም ለኪ ዘምስለ ዝማሬ ንሰግድ ለኪ ወሶበ ይትነበብ መጽሐፈ ተአምርኪ በሰላም ኪያነ ባርኪ።

ወላዲተ አምላክ ማርያም እንበለ ስብሳብ ወሩካቤ፤ በይነ ዘአቅረብኩ ለኪ ንስቲተ ቃለ ይባቤ፤ ፈትቲ እሙ በረከተ አፉኪ መዓዛ ከርቤ፤ ለነዳይ ብእሲ ወለዘረከቦ ምንዳቤ፤ ኅብስተክ ፈትት ኢሳይያስ ይቤ።

ስብሐት ለኪ **ማርያም** በኅልቄ መላእክት ዘአርያም፤ ስብሐት ለኪ **ማርያም** በኅልቄ ጻድቃን ዘገዳም፤ ስብሐት ለኪ **ማርያም** በኅልቄ ርደቱ ለዝናም፤ ስብሐት ወክብር ወሰጊድ ለተአምርኪ ዮም፤ ወበተአምርኪ ተፈሥሐ ኩሉ ዓለም።

ቅድመ ተአምረ ኢየሱስ

ኢየሱስ ክርስቶስ ጥዑም ስም ለዘይጸውዖ፤ ኢየሱስ ክርስቶስ ኅብስተ ሕይወት ለዘይበልኦ፤ ኢየሱስ ክርስቶስ ጽዋዕ መድኃኒት ለዘይጸምዖ፤ ከመ ይባርኩነ ይፈኑ አርዳኦ፤ ለጸባኢነ ይጽብዖ ወልታሁ ነሢኦ።

ኢየሱስ ክርስቶስ ዘአጽልዕቲሁ ምስሌሁ፤ ወመስቀለ ሞቱ ቅድሜሁ፤ አዝቅተ ወይን ገቡሁ ቁርባነ አምልኮ ሥጋሁ፤ ያብኣነ ቤተ መርዐሁ ውስተ ደብተራሁ፤ እመ ይትጋብኡ ለምሳሕ ሥርግዋን ሐራሁ።

ለጥብሐ ሥጋክ እሴሰዮ ወለነቅዕ ደምክ እረውዮ፤ **ኢየሱስ** ክርስቶስ በግዕ ዘቀራንዮ፤ ለላህይክ እትሜነይ ከመ እርአዮ፤ ውስተ ስያሐ ሱራፊ ለስእለትነ ደዮ፤ ወበሕማመ ሞትክ አምላካዊ ለቀኢልነ አጥዕዮ።

ለጥብሐ ሥጋክ እጸግቦ ወለነቅዕ ደምክ እሰርቦ፤ **ኢየሱስ** ክርስቶስ በግዕ ርጉዘ ገቦ፤ አይሁዳዊ ከሐዲ አሚነ ዘአልቦ፤ ኢተወልደ እማርያም ዘይቤለክ እመቦ፤ አህጉራተ ዓለም ለይዑድ ከመ ከልብ ርኒቦ።

ድንረ ተአምረ ኢየሱስ

እመ ትመጽእ ለኩንኖ ምስለ ደመ ገቦ ወአዕጋር፤ አማሕፀንኩ ነፍስየ ውስተ እዴክ ክቡር፤ **ኢየሱስ** ክርስቶስ እግዚአ ሰማያት

ወምድር፤ ይትዋቀሱ በእንቲአየ ተኩርዖትከ በበትር፤
ወተሠይጦትከ ከመ ገብር ለኅዳጥ ብሩር፤

ሃሌ ሉያ በብዝሃ ምሕረትከ ኢየሱስ አድኅነነ እምተኃጉሎ ሥጋ
ወነፍስ።

ስብሐት ለከ ኢየሱስ በአፈ ኩሉ ውዱስ፤ ስብሐት ለከ ኢየሱስ
ቀዳሴ ሥጋ ወነፍስ፤ ስብሐት ለከ ኢየሱስ ለዕሩቃን ልብስ፤
ስብሐት ለከ ኢየሱስ ዘኢትሠዐር ንጉሥ፤ ስብሐት ለከ ኢየሱስ
ቃለ አብ ቅዱስ።

ዘዘወትር

እሴብሕ ጸጋኪ ኦ ምልዕተ ጸጋ ወእትጋነይ ለኪ ኦ ምልዕተ
ውዳሴ ተዘከርኩ በሌሊት ንጽሐ ድንግልናኪ ዘኢማሰነ በፀኒስ
ወኢረስሐ በሐሪስ እስመ ቅድስተ ቅዱሳን አንቲ። እስመ ናሁ
ይፈልሕ ሞገደ ፍቅርኪ በውስተ ልብየ በዔወ ክህነቱ ለበኩርኪ
ቀስሚ ልስሐተ ልሳንየ።

ምንት ረባሉ ለመሰንቆ ጽሩዕ ለእመ አልቦ ዘይሰነቅዎ ወምንተ
ይደምፅ ንቃወ ዕዚራ ዘስቁል ለእመ ኢተነፍሐ በድርገታተ
ማኅሌት።

በድኅንፃ መንፈስ ዝብጢ አውታረ መንሰቆሁ ለልብየ
ወአስተንፍሲ ውስተ አፉየ ከመ እኩን ዕንዚራሁ ለበኩርኪ። ኦ
ወለተ መርዓ ዘአልብኪ ሰብሳብ በዲብ ምድር ረስይኒ እኩን
ጽውዑ ውስተ ከብካብኪ ዘበሰማያት። በነቀልቃለ ስብሐት

ሁኪዮ ለአርጋኖን ሕሊናየ ከመ ኢያርምም እምስብሐታተ ፍቅርኪ።

ኦ መሥገርት ገሪፍ እንተ ተወደይኪ ውስተ ባሕረ ዓለም ዘአስተጋባእኪ ኩሎን ዘመደ ዓሣት ዘውእቶሙ መሃይምናን ኣሥግርኒ በሐብለ ወንጌሉ ለበኩርኪ። እስመ ናሁ እጸብት ውስተ ባሕረ ኃጢአት ኣውጽእኒ እምሠርመ ኣበሳ ወጌጋይ ወአስጥምኒ ውስተ ቀላየ ምሕረቱ ለወልድኪ። ሚጢ ላህየ ወአስተፍሥሕኒ ሥጥጢ ሰቅየ ወሐሄተ ኣቅንትኒ።

አዕትቲ ጺዓተ ኃጣውእየ በመዓዛ ዕፍረትኪ መዝምዝኒ ኣንጽሒ ርስሐትየ ወበደመ ወልድኪ ቀድስኒ። ኣድጎንኒ እማዕገተ ጸላኢ ወባልሕኒ እመሥገርተ ከናፍር ወልሳን ወእምትንሣኤ ፀር ዘኅቡዕ ወዘገሃድ። ዕቀብኒ በሐራ ወልድኪ ልቡሳነ ብርሃን ከመ ኢይቅረቡ ኅቤየ ሠራዊተ መስቴማ ጽልሙታን።

ኣንሰ ገደፍኩ ነፍስየ ወሥጋየ ውስተ እዴኪ ወእትመሐፀን ብኪ ከመ ታድጎንኒ በዝ ዓለም እምእደ ሰብእ እኩያን ወእምኣጋንንቲሁ ጸዋጋን እለ ይሰክዩ ነፍሰ ወይስሕቡ ውስተ ኣንቀጸ ደይን። ስፍሒ እዴኪ ወባርክኒ ለገብርኪ በረከተ ዚኣኪ የሃሉ ወጺጋ ወልድኪ ላዕለ ኩልነ ኣግብርትኪ ወኣእማትኪ ለዓለመ ዓለም ኣሜን።

ካልእ ዘዘወትር

እሴብሕ ጸጋኪ ኦ እግዝእትየ ማርያም መላእክት ይሴብሐኪ በአርያም ወበምድር ደቂቀ ኣዳም ለዓለመ ዓለም፤ ኣሜን።

ዘመድኃኔ ዓለም

እሴብሕ ጸጋከ ኦ ወልድ ዋሕድ መዓልተ ወሌሊተ ንፌኑ አኩቴተ በእንተ ፍቅረ ሰብእ በዐውደ ጲላጦስ ዘሞተ። ምድረ ዘመሥረተ ወሣረረ ሰማያተ ከመ ገብር ተትሕተ ወተዐገሠ ቅንዋተ መስቀል ወጽፍዐተ።

በአንጻረ መስቀል ቀዊሞ ዮሐንስ በከየ እንዘ ይብል ወልየ ወልየ አማዑተ ከርሡ ከመ ነደ እሳት ውዕየ። ቀነዉኒ ይቤ እደውየ ወእገርየ ውኑለቀኑ ኩሎ አዕፅምትየ ከመ ሠራቂ ወፈያት ጸፍዑኒ መልታሕቴየ።

ፀሐይ ጸልመ ወወርኅ ደመ ኮነ ወከዋክብት ወድቂ ፍጡነ ከመ ኢይርአዩ ዕርቃኖ ለዘአልበሶሙ ብርሃነ። እምግብረ ግንፋል ሙስና ለዘመርሐሙ መዓልተ በደመና ወሴሰዮሙ መና በሐቅለ ሲና ሰቀልዎ ዲበ ዕፅ በምክረ ቀያፋ ወሐና።

አርብዓ መዓልተ ወአርብዓ ሌሊተ ለዘአውረደ ሎሙ ኅብስተ ህየንተ ሠናይ ፈደይዎ እኪተ። ጣኔዎስ ገብረ ላዕለ ዕብራዊ ኅሣረ ባሕቱ ግብርናቶ ኢተዘከረ ዕብራዊ ርጉም ዲበ ፈጣሪሁ ተአየረ። ማኅበራነ አይሁድ ተመድበሉ ለሰቂለ አምላክ ተማሐሉ ክቡረ ንጉሠ ሰቀሉ ደሙ ላዕሌነ ወላዕለ ውሉድነ ይቤሉ።

አንስተ ገሊላ ኩሎን አዋልዲሃ ለጽዮን አስቆቀዋሁ ለመድኅን ከመ ያፈ መንጢጥ እንዘ ይሄጽራ ገጸን።

ከመ አንበሳ ተንሣእከ እምክቡድ ንዋምከ ከመ ገብር ተትሕትከ ይትጎፈሩ ወይኅሠሩ ኩሎሙ ጸላእትከ። ስብሐት ለከ ሰጊድ ለአቡከ ዕበይ ለመንፈስከ ወምሕረተ ፈኑ ለሕዝብከ ለዓለም ወለዓለመ ዓለም አሜን።

ዘደብረ ዘይት ወዘጻድቃን

እሴብሕ ጸጋኪ ኦ እግዝእትየ ማርያም አንቀጸ ብርሃን ወሙዳየ ቅዱስ ቀረባን ወለተ ነቢያት ቅዱሳን ስብከተ ሐዋርያት ፍንዋን እመ ሰማዕታት መዋዕያን ትምክሕቶሙ አንቲ ለመነኮሳት ገዳማውያን አመ ይመጽእ ወልድኪ መንፈቀ ሌሊት በሥልጣን አሜሃ ይበክዩ ኃጥአን ወይትፌሥሑ ጻድቃን ትብህም አፍ ወትትዓሠር ልሳን አሜሃ ዕለተ ያቁመነ በየማን ምስለ አባግዒሁ ቡሩካን በደብረ ጽዮን መካን ወክመ እምይእዜ ወእስከ ለዓለም አሜን።

ጸሎታ ለማርያም ወስእለታ ያድኅነ እመዓተ ወልዳ።

ጸሎታ ለማርያም ወስእለታ ለሕዝበ ክርስቲያን ይዕቀቦ እመዓተ ወልዳ።

ጸሎታ ለማርያም ወስእለታ ለነፍሳተ ሙታን ያድኅኖን እመዓተ ወልዳ።

እግዚአ መሐረነ ክርስቶስ (፲፪)

ባርከነ እግዚአ አምላክነ ውስተ ኑኃ ሰማይ ተወከፍ ጸሎተነ መሐረነ እግዚአ ወተሣሃለነ።

መልክአ ውዳሴ

ዘሰኑይ

ፈቀደ እግዚእ ያግኝዘለኝ ለአዳም፤ ሥጋኪ ንጹሐ አመ ረሰየ አራዘ፤ ማርያም ድሉት ለምሕረት ወለናዝዘ፤ ይቅብዐኒ ዕፍረተ ጽድቅ ወያምዕዘኒ አምዕዘ፤ የማነ እዴኪ እዴዩ እኚዘ።

ለሔዋን እምነ ከይሲ ዘአስሐታ፤ እግዚአብሔር ናዘዛ ኪያኪ በወሊዶታ፤ ማርያም ድንግል ማርያም ርግበ ኤፍራታ፤ ምስለ ሕይወትኪ አስተዛውጊ ሕይወታ፤ ከመ ኢተሀሉ ነፍስየ ባሕቲታ።

ኢየሱስ ክርስቶስ አመ ላዕሌኪ ኀደረ፤ ሥጋኪ ንጹሐ ምስለ መለኮቱ ደመረ፤ ለፍልሰትኪ ድንግል ሶበ ናቄርብ መዝሙረ፤ አድኅኒ እመናስው ዛተ ሀገረ፤ ወካልአተኒ አህጉረ።

ርእየ ኢሳይያስ ለአማኑኤል ምሥጢሮ፤ መንጦላዕተ ሥጋኪ እንተ ሠወሮ፤ ማርያም ድንግል ንግሥተ ሰላም ወተፋቅሮ፤ መዝሙረ አነሥእ ለክብርኪ ወእሁብ ከበሮ፤ ጊዜ ለስምኪ አቄርብ ዘምሮ።

ተፈሣሕ ወተሐሠይ ኦ ዘመደ እጓለ እመሕያው፤ እስመ አፍቀሮ እግዚአብሔር ለዓለም ህልው። ማርያም ድንግል ሙዳየ አፈው፤ ከመ እሰብሕኪ በቃለ ውዳሴ ፍትው፤ ልስሐተ ልሳንየ ቀስሚ በዓው።

ዘሀሎ ወይሄሉ እግዚአብሔር መዋዒ፤ በሥጋኪ መጽእ ወካዕበ
መጻኢ፤ ስእለተ ነዳያን ማርያም እንተ ትሰምዒ፤ ለዐቂቦትየ
ኃይለኪ አንሥኢ፤ ከመ ላዕሌየ ኢያሕስም ጸላዒ፤

ተፈሥሒ እንዘ እብል ለቤተ ልሔም እዌድሳ፤ እስመ
ወለድኪዮ ባቲ ለክርስቶስ ዘይቈድሳ፤ ማርያም ጽጌ ዘትምዕዚ
እምፈርከሊሳ፤ ይማዖ ጽድቀ ዚአኪ ለዘዚአየ አበሳ፤ ከመ
አራዊተ ይመውዕ አንበሳ።

ትትፌሣሕ ወትትሐሠይ ነፍስተ ጸድቕ ወኃጥእ፤ ማኅፀንኪ
ማርያም በልደተ ክርስቶስ ቅቡዕ፤ ዘበእንቲአሁ ይቤሉ
መላእክተ ሰማይ ሳብእ፤ ስብሐት በሰማያት ለእግዚአብሔር
እግዚእ፤ ወሰላም በምድር ሥምረቱ ለሰብእ።

ብርሃንኪ ዘበአማን ያበርህ ፍጹመ፤ ለኩሎሙ ሰብእ እለ
ይነብሩ ዓለመ፤ ማርያም ዘኮንኪ ለእግዚአብሔር እመ፤
ጽምዕት ምድር ከመ ትሴፎ ዝናመ፤ እሴፎ ምሕረተኪ ቀዊምየ
ፍጽመ።

ዘሠሉስ

አክሊለ ምክሕነ አንቲ እንተ አልብኪ መምሰለ፤ ዘወለድኪ ለነ
ዘእግዚአብሔር ቃለ፤ ማርያም ጽጌ ዘትፀውሪ አስካለ፤ ጊዜ
ንዴትየ አጥረይኩኪ ብዕለ፤ ወጊዜ ድካምየ ካዕበ ረሰይኩኪ
ኃይለ።

ዐቢይ ውእቱ ስብሐተ ድንግልናኪ ክልኤ፤ እንዘ እብል እሴብሕ በቃለ ግናይ ወጽዋኤ፤ ማርያም ድንግል ማርያም ምክሐ ጉባኤ፤ ጊዜ ድቀትየ ሶበ ኃጣእኩ ረዳኤ፤ በቃለ ዚአኪ እሴፎ ትንሣኤ።

አንቲ ውእቱ ዕፀ ጥበብ ወልቡና፤ ሙሴ ነቢይ ዘርእየኪ በደብረ ሲና፤ ማርያም ዑጽፍት ውኑብርት በቅድስና፤ ጸግውኒ እግዝእትየ ከመ ኢይርአይ ሙስና፤ መጽሐፈ ብርሃናዌ ወኅቡዐ መና።

አንቲ ውእቱ ገራህተ ንጉሥ ሰማያዊ፤ ዘእምኔኪ ሠረቀ ሕያው ወመኅየዊ፤ ማርያም ድንግል ወለተ ይሁዳ ወሌዊ፤ በትንብልናኪ አንቀጸ ምንዳቤ ዕጽዊ፤ ወለምሕረትኪ አንቀጸ አርኅዊ።

ተፈሥሒ ኦ ወላዲተ እግዚእ ሐሤቶሙ ለመላእክት፤ ተፈሥሒ ንጽሕት ዜናሆሙ ለነቢያት፤ ማርያም ስብሕት ማርያም ውድስት፤ እምኅሩያንኪ ኢትፍልጥኒ ንግሥት፤ ወኢትኅድግኒ በሕይወት ወሞት።

ተፈሥሒ ማርያም ዘተሰመይኪ ድልወ፤ ከመ ትለዲ ፀሐየ ወኮከበ ሰማይ ሥርግወ፤ ማርያም ድንግል አመ ጥበኪ ጠበወ፤ እምከናፍርኪ ሥነ ሞገስ ተክዕወ፤ ላዕለ ሕጻንኪ ዘይምዕዝ አፈወ።

ኦ ድንግል ከመ ትለዲ ንጉሠ፤ እምኅበ እግዚአብሔር ልዑል እስመ ረከብኪ ሞገስ፤ ማርያም ድንግል ዘትፌጽሚ ማኅሠሠ፤

ዝክረ ስምኪ ጸገዎሙ ለሕሙማን ፈውሰ፤ ወለዕሩቃን ከደኖሙ ልብሰ።

ቃለ አብ ሕያው ውስተ ደብረ ሲና ዘወረደ፤ ሥጋኪ ንጹሐ አመ ረሰየ ማኅፈደ፤ ማርያም ድንግል ዘታቀልሊ ክበደ፤ ከመ ታጽድቂ ኃጥኣነ ብኪ መፍቀደ፤ ወከመ ታጥብቢ ዘከማየ አብደ።

ውእቱኬ ቃለ አብ እግዚአብሔር፤ ሥጋኪ ተዐፀፈ በመንክር ምሥጢር፤ ማርያም ድንግል ወላዲተ ክርስቶስ ክቡር፤ ክዕወ ኮነ ወርቀ ስብሐት ከመ ጥፃ ዘባሕር፤ ጊዜ ፍልሰትኪ ሰማየ እምድር።

ዕበይኪ ድንግል ኢይትከሃል ለተነግሮ፤ በነቢብ ወበፈክሮ፤ ማርያም ዘኮንኪ ለእግዚአብሔር ማኅደሮ፤ እምአእምሮትኪ ክፍልኒ አእምሮ፤ ከመ ለዓለም ኢይዴግን ፍቅሮ።

ዘውእቱ ዕብን ወልድኪ ዋሕድ፤ ዘተበትከ እምደብር ነዋኅ ዘእንበለ ዕድ፤ ማርያም ድንግል ዘሞገሰኪ ፍድፉድ እምኲሉ ቀዳማዊ ወደኃራዊ ትውልድ፤ ለዝክረ ስምኪ ይደሉ ሰጊድ።

ኮንኪ አጽቀ ሕይወት ኦ እግዝእትነ፤ ርትዕት ሃይማኖቶሙ ለቅዱሳን አበዊነ፤ ማርያም ድንግል ዘትትዓጸፊ ብርሃነ ነሢአ ነፍስነ አርጋኖነ ኰሎ ዘመነ፤ ለልደትኪ ታበውእ ቁርባነ።

ረከብኪ ጸጋ መንፈስ ቅዱስ ኀደረ ላዕሌኪ፤ ወኃይለ ልዑል ጸላለኪ፤ አ ማርያም እንተ አምላክ ወለድኪ፤ ኩሎ መዓልተ ወሌሊተ ሶበ እጼውዕ ስመኪ፤ ሕይወትየ ወሞትየ ማርያም ባርኪ።

ግብረኪ ድንግል ይሴብሑ በዜማ፤ መሬታውያን በምድር ወሰማያውያን በራማ፤ ማርያም ድንግል ክልልተ ሞገሰ ወግርማ፤ ደቂቀ ቤትኪ ኢይሁክ መስቴማ፤ በዲበ ትእዛዝ ዘይፈጥር ፃማ።

የዐቢ ክብርኪ እምክብረ መላእክት ዘኣርያም፤ ወእምክብረ ጻድቃን ዘገዳም፤ ማርያም ድንግል ማርያም እም፤ ብኪ ድኅነ ዓለም፤ ወበወልድኪ ኮነ ሰላም።

ሕዝቅኤል ነቢይ በእንቲአኪ እንዘ ይብል ጸርሐ፤ ርኢኩ ጥንተ ዘኅቱም መናሥጣቲሃ፤ ማርያም ድንግል ዘትሠረገዊ ንጽሐ፤ በዝክረ ስምኪ እትፌሣሕ ፍሥሐ፤ ከመ ዘረከበ ምሕርካ ብዙኃ።

ጥንተሰ ድንግል አንቲ፤ እንተ ወለድኪ አምላክ በድንግልና ክልኤቲ፤ ማርያም ድንግል ማርያም ሣህለ መዋቲ፤ አድኅንኒ እግዝእትየ እምዋዕየ ልሳን መስሐቲ፤ እስመ እሳቱ ለዓለም ይእቲ።

ዘሐሙስ

ዕፅ እንተ ርእያ ሙሴ በደብር፤ ምሳሌኪ ኮነት መንገለ ኅቡዕ ምሥጢር፤ ማርያም ሰማይ መንፈሳዊት ሀገር፤ አድባር ብኪ

ተፈሥሖ ወአንፈርዓፁ አውግር፤ ከመ ሐራጊት ዘይቤ መዝሙር።

ትምክሕተ ኩልነ አንቲ ዘሠዓርኪ መርገሞ፤ ለአዳም አቡነ ቅንአተ ሰይጣን እንተ አሕመሞ፤ ማርያም አበሞ ማርያም ቀናንሞ፤ እፎ ፈቀደ ኅሊናየ ለውዳሴኪ ተፍጻሞ፤ ወእፎ ኅለየ ዘኢይክል አቅሞ።

አ ዝ መንክር ወጥቀ ዕፁብ፤ ልደተ ኢየሱስ ክርስቶስ እንበለ ዘርዕ ወሰብሳብ፤ ማርያም ድንግል ወለተ እስራኤል ጠባብ፤ በሰማይኒ እምቅድመ ይትፈጠር ኪሩብ፤ ዘእንበለ እም ተወልደ እም አብ።

አ ዝ መንክር ነሢአ ዐፅም እምገብ፤ ኪያኪ ይፍጥር ከመ ትኩኒ መዝገብ፤ ማርያም ድንግል ባላሒት እምተመንድብ፤ ብፁዕ ለኪ ንግሥትየ ዘየአምር የብብ፤ ከመ እስራኤል ዘተሰምየ ሕዝብ።

መሐለ እግዚአብሔር ለዳዊት ፍቅሩ፤ አበውኪ ነገሥት ከመ በመንበሩ ይነብሩ፤ ማርያም ሰማይ ለእግዚአብሔር ሀገሩ፤ ነቢያት በእንቲአኪ ሰላመ ነገሩ፤ ወሐዋርያት ምስሌሆሙ ኅብሩ።

ዳዊት ዘነግሠ መልዕልተ እስራኤል ሐራ፤ ኪያኪ ሰብሐ በአውታር ወበእንዚራ፤ ማርያም ድንግል ወለተ ቅስራ፤ ለነፍስ ዚአየ አስተዳልዊ ማኅደራ፤ ውስተ መቅደስኪ ዘማኅዒ ኅብራ።

አሐዱ አካል ዘእምቅድስት ሥላሴ፤ ሥጋኪ ለብሰ ወኮነ ብእሴ፤
ማርያም ድንግል ማርያም ሥርጉተ ቅዳሴ፤ ከበሮ እዘብጥ
ለክብርኪ ወእሁብ ውዳሴ፤ ከመ ማርያም እኅቱ ለሙሴ።

ዘዐርብ

ቡርክት አንቲ ዘእምኔኪ ሠረቀ፤ ፀሐየ ቅዱሳን ክርስቶስ እንተ
በይሁዳ ተዐውቀ፤ ማርያም ኪያክ እስመ እሴፎ ጥቁቅ፤ ሞገሰ
ስምኪ ይኩነኒ ስንቀ፤ በኀበ ፈለስኩ ብሔረ ርኑቀ።

ቡርክት አንቲ ተዐብዩ እምሰማይ፤ ወትበርሂ እምፀሐይ፤
ማርያም ዕንቀ፣ ማርያም ባሕርይ፤ ሕጽብኒ እግዝእትየ እምኲሉ
ጌጋይ፤ ከመ የሐጽቡ ርስሐተ በማይ።

ቡርክት አንቲ ምክሉን ለደናግል፤ ዘንዕዶን ክርስቶስ በውስተ
ወንጌል፤ ማኅፀንኪ ማርያም ማኅደረ ክርስቶስ ልዑል፤
ወበእንተዝ ያፌድ መዓርዒረ ቃል ምስለ ሱራፌል ይዌድሰኪ
ወይብል፤ ሐፁር የዐውዳ ወጽጌ ረዳ በትእምርተ መስቀል።

ማርያም ድንግል ለዕፍረት ሙዳዩ፤ ዘእምኔሁ ተቀብፁ እለ
ለመንግሥት ተኀርቶ፤ ማርያም ድንግል ለልዑል እመ ባሕርዩ፤
እስመ ተቶስሐ በላህይኪ ላህዩ፤ ወበዕበይኪ ተሰውጦ ዕበዩ።

ማርያም ንጽሕት ሰአሊተ ምሕረት በጻሕቅ፤ እንበይነ አዕሩግ
ወደቂቅ፤ ማርያም ርግብ ማርያም ማዕነቅ፤ ገበኪ ሥርግው
በሐመልማለ ወርቅ፤ ወአክናፍኪ በብሩ ፍሑቅ።

ትጻርሕ ወትብል ኢየአምር ምንተኒ፤ ዘእንበለ ድምፁ ቃሉ ለመልአክ ዘአብሠረኒ፤ ማርያም ድንግል ፍና ጽድቅ ምርሕኒ፤ ዓለምሰ ምስለ ክብሩ ማሳኒ፤ ዝኒ የኅልፍ ወይሰዐር ዝኒ።

ዘቀዳሚት

ንጽሕት ውብርህት እምነ ፀሐይ ዘትፀድሊ፤ ወእምኑኅ ሰማይ ዘትትሌዓሊ፤ ማርያም ወለቱ ለዳዊት ዐርከ ቤርዜሊ፤ ኦ እግዝእትየ ሶበ ኅቤኪ እጼሊ፤ በክሂሎትኪ ኪያየ አክህሊ።

ናስተበፅዕ ዕበየኪ ማርያም ወትረ፤ ወንፌኑ ለኪ ፍሥሐ ምስለ ገብርኤል ኅቡረ፤ በዝ ዓለም ወበዘይመጽእ ድኅረ፤ ውስተ መቅደስኪ እፈቱ ኃዲረ፤ ወኢትኅብዕኒ ዘይሄኒ ምክረ።

ከመ ከብካብ ንጹሕ ዘአልቦ ጥልቀት ውስቴቱ፤ ያስተፌሥሐኒ ጥቀ ማርያም ዜና ተአምርኪ ለዕለቱ፤ እምሁብተ በረከት ኹሉ እንተ በላዕሉ ወታሕቱ፤ ለማኅፀንኪ እግዝእትየ በረከቶ እፈቱ፤ እግዚአብሔር ዘተፀውረ ቦቱ።

አንቲ ውእቱ ለዳዊት ዘመዱ፤ ዘእምኔሁ ሕዝብኪ ወአበውኪ ተወልዱ፤ ማርያም ድንግል ለልዑል እመ ዋሕዱ፤ ለውዳሴኪ እግዝእትየ ኢይትዌሰን ፍቅዱ፤ እስመ እምወሰን ወሰነ የዐዱ።

ኮንኪ ዲበ ምድር ዳግሚተ ሰማየ፤ እንተ አሥረቂ ፀሐየ ማርያም ድንግል እመ እግዚእየ፤ በቅድስናኪ ቀድሲ ነፍስየ ወበተስፋኪ አኅድሪ ወሥጋየ።

አንቲ ውእቱ ደብተራ ክርስቶስ ብርሃን፤ ዘሰመዩኪ አበው ቅድስተ ቅዱሳን፤ ማርያም ድንግል በዓልተ ዛቲ መካን፤ ለብሔረ ንግሥኪ ከመ ብሔረ ነገሥት ባዕዳን፤ ኢይዌስንዎ ቤርሳቤሕ ወዳን።

ተሰመዶኪ እመ ለክርስቶስ ፈታኔ አልባብ ወኅሊና፤ ድኅረ ወልድኪ ኪያሁ ነበርኪ በድንግልና፤ ማርያም ድንግል ወለተ ኢያቄም ወሐና፤ ዲበ እንግድዳየ አክብዲ ልቡና፤ ወበኅሊናየ ሰአሊ ትሕትና።

አንቲ ውእቱ ሰዋስወ ወርቅ ቀዲሙ፤ እስራኤል ያዕቆብ ዘነጻረኪ በሕልሙ፤ ማርያም ድንግል ሞገሰ ፍጹማን ኮሎሙ፤ ለወድሶትኪ ሐወዘኒ ጣዕሙ፤ ከመ ኤልሳቤጥ ለዮሐንስ እሙ።

ናሁ እግዚእ ዘእምኔኪ ወጽኦ፤ በኲልቄ ዕለታት ሰብው እንዘ እዌድሰኪ ሰብዐ፤ ማርያም ድንግል ማርያም ወለተ መርዓ፤ አጽድቂ እሙ ኪያየ ኃጥኦ፤ ወናዝዚ ኃዘንየ እንተ ውስጥ ወአፍኦ።

ተፈሥሒ ተፈሥሒ ምልእተ ጸጋ ማርያም፤ ልሕኩት ንጽሕት ክብረ ኮሎ ዓለም፤ በኲልቄ ዕለታት ሰብው አርአያ ለብሐዊ ዘቅድም፤ አቅረብኩ ለኪ ተጋንዮ በልሳንየ ድኩም፤ ማርያም እግዝእትየ ተወከፊ ዮም።

ዘሰንበት

ተሰመይኪ ፍቅርተ አ ቡርክት እምአኑስ፤ አንቲ ውእቱ ቀመር ዳግሚት ሐዳስ፤ ማርያም ድንግል ወለተ ዳዊት ንጉሥ፤ ሰላም ሰላም ለመልክእኪ ውዱስ፤ ለለአሐዱ እስከ እግር ወርእስ።

ታቦት አንቲ ዘረሰየኪ ታዕካሁ፤ ኢየሱስ ክርስቶስ እስመ ሥጋኪ ሥጋሁ፤ ማርያም ድንግል ለእጓለ እመሕያው ተስፋሁ፤ ዕቀብኒ እግዝእትየ ለለመዋዕሉ ወርኑ፤ እስመ ኢየአምር ሰብእ ዘይመጽእ ላዕሌሁ።

መቅደስ አንቲ ዘይኬልሉኪ ኪሩቤል እለ ሥዑላን በሥዕለ እግዚአብሔር ቃል፤ ማርያም ድንግል ምክሐ ደናግል፤ ሰላም ሰላም በምልዐ ኅሊናየ እብል፤ ለልደትኪ ፍሥሐ ወሣህል።

አንቲ ውእቱ መሶበ ወርቅ ቀይሕ፤ እንተ ውስቴታ መና ብሩህ፤ ማርያም ታቦት ዘተከለልኪ በንጽሕ፤ አድኅንኒ እግዝእትየ እማየ ሙስና መፍርህ፤ ከመ አድኃንኪዮ ቀዳሚ ለኖኅ።

አንቲ ውእቱ ተቅዋመ ወርቅ ዘትነብሪ፤ ብርሃኖ ለዓለም ዘትፀውሪ፤ አ ድንግል መሐሪት እመ መሐሪ፤ ኃጥኣነ እለ ከማየ አመ ይኬንን ፈጣሪ፤ ለአድኅኖትየ ማርያም ሥመሪ።

አንቲ ውእቱ ማዕጠንተ ወርቅ እግዝእትየ፤ ፍሕመ መለኮት ብቀኅጽ እንተ በዲቤኪ ተወድየ፤ ማርያም ድንግል ደመና ብዕልየ በዝናመ ንጽሕኪ ሐረገ ወይን ጸገየ፤ ወሮማንሂ ሐዋዘ ፈረየ።

ተፈሥሒ ማርያም ርግብ ገነት ጽባሐይ፤ እስመ ኮንኪ እም ለእግዚአብሔር አድናይ፤ ማርያም ጽጌ ዘመዓዛኪ ሠናይ፤ ዘሠረፅኪ እምሥርወ ዕሤይ ወእምጉንደ ዳዊት ኅሩይ፤ ፍሬ ማኅፀንኪ ወልደ ይሴፎ ነዳይ።

በትረ አሮን እንተ ሠረፀት ዘእንበለ ተክል ቀዳሚ፤ ምሳሌኪ ኮነ በሥምረተ አምላክ ቀዋሚ። ስእለተ ነዳያን ማርያም ዘኢትጸመሚ፤ አስተበቋዓኪ እግዝእትየ በዕለተ ምንዳቤ ማሕመሚ፤ ውስተ የማንየ ለነዳይ ትቁሚ።

ለኪ ይደሉ ውዳሴ ወስባሔ፤ በአፈ መላእክት ወሰብእ እለ ይነብሩ ውስተ ኩለሄ፤ ማርያም ድንግል ማርያም እመ ኤሎሄ፤ ከመ ለብሐዊ ፍቁርኪ አቅረብኩ እማኔ፤ ለዝክረ ስምኪ ዘይምዕዝ እምርኔ።

ሰአሊ ለነ፤ ሰአሊ ለነ፤ ሰአሊ በእንቲአነ፤ ማርያም እምነ ወእሙ ለእግዚእነ፤ ወልድኪ ይምሐረነ ወመዋርስቲሁ ይረስየነ፤ በየማኑ ያቁመነ።

ስብሐት ለኪ ማርያም በኑልቄ አድባር ወአውግር፤ ስብሐት ለኪ ማርያም በኑልቄ ቀላያት ወባሕር፤ ስብሐት ለኪ ማርያም በኑልቄ ዕፀው ወሣዕር። ስብሐት ለኪ ንግሥተየ በልሳነ ኩሉ ፍጡር። እስመ ምሉዕ ስብሐትኪ በሰማይ ወምድር።

መልክአ ፍልሰታ

ሰላም ለኪ ማርያም እምነ፤ መግመሪያት ነድ ርስነ፤ ዐምደ ባሕርይ ዘኢተአምሪ ጸኒነ፤ ድንግልናተ ክልኤተ ምልዐ ሥጋኪ ተከድነ፤ አፍለሰኪ ወልድ ሉዓሌ መካነ።

አፉዮ አስተንፈሰ ወልሳንዩ አልሆሰሰ፤ ለከብረ ፍልሰትኪ እንዘ አቄርብ ተውዳሰ፤ ማርያም ዘኮንኪ ቅድስተ ቅዱሳን መቅደስ፤ በቅድሜኪ እግዝእትዮ እመ ረከብኩ ሞገስ፤ በየማንኪ ባርክኒ ሥልሰ።

እምጌቴሴማኒ ፈለሰት ኀበ ዘሉዓሌ ምጡቅ፤ በነፋሰ ዓውሎ ወቃለ መብረቅ፤ ማርያም አንቲ ሰዋስወ ወርቅ፤ ይቤለኪ አርን ሌዋዊ በደብተራ ሙሴ ባላቅ፤ ታቦት ታቦት እንተ ውስቴታ አሪት ውቱረ ይከድንዋ በወርቅ።

እምጌቴሴማኒ ፈለሰት ኀበ ዘሉዓሌ መካን፤ ውስተ ቤተ መቅደስ ረባቢ ዘመሳክዊሁ ብርሃን፤ አንቀጸ አድኅኖ ማርያም ጽላተ ኪዳን፤ ኩሉ በአኅብሮ ዘበዕብራይስጢ ልሳን፤ ዕፀ ጳጦስ ይእቲ እንተ በአማን፤ ቅድስተ ቅዱሳን እምቅዳሐ ከርሣ ተቀድሐ አስባራተ ወይን፤ ወበውስቴታ ተሠርዐ ቊርባን።

ሰላም ለፍልሰተ ሥጋኪ ምስለ ነፍስኪ ኢመዋቲ፤ በተሰናዕዎ አሐቲ፤ ድንግል በክልኤ ማርያም ወለተ ማቲ፤ ሐመረ ተርሴስ ዘሰሎሞን አንቲ፤ እንተ አዕተዉ ጠቢባን ወርቀ ያፌር ባቲ።

ሰላም ለፍልሰተ ሥጋኪ መካነ ፍስሐ ወኑዛዜ፤ ኀበ ይረስዕዎ ለላህ ወኢይሄልይዎ ለትካዜ፤ ማርያም ህሉት ውስተ ልበ

አምላክ እምቅድመ ጊዜ፤ ትፍሥሕትሰ ተፈሣሕኩ በፍልሰትኪ ይእዜ፤ ገጸ ዚአኪ እፊኢ ማእዜ።

ሰላም ለፍልሰተ ሥጋኪ ውስተ ልበ ሰብእ ዘኢተሐለየ፤ እንዘ ትትአጸፊ ጸጋ ወትለብሲ ዕበየ፤ ማርያም ሥጋኪ ዘተመሰለየ ባሕርየ፤ ተኅፍረ ሞት አኮኑ ሶበ ነጻረ ወርእየ፤ እንዘ በደመና ብሩህ የዓርግ ሰማየ።

ሰላም ለፍልሰተ ሥጋኪ እግዚአብሔር ዘባረካ፤ ወአልዓለ ክብራ እምፍልሰተ ሄኖክ ወልደ ባረካ፤ ማርያም ፍሥሕት ወብርህት እምነ ዋካ፤ በእንቲአኪ ይገብሩ ውስተ ሰማያዊት ታዕካ፤ ነገደ መላእክት አዕላፍ ሱባኤ ፋሲካ።

ሰላም ለፍልሰተ ሥጋኪ ዘኢይቀብል ሞገሱ፤ ወዘኢየነጽፍ ባሕረ ተውዳሱ፤ ማርያም ታዕካ ለእግዚአብሔር ጽርሐ መቅደሱ፤ ተበሀሉ በሰማያት እለ ኪያኪ አፍለሱ፤ ማርያምስ እንተ በምድር ታንሶሱ።

ሰላም ለፍልሰተ ሥጋኪ ዘአፊድፊደ ሰባሔ፤ እምፍልሰተ ያዕቆብ አርከ ኤሎሄ፤ ማርያም ቀንሞስ ማርያም አፈወ ርኄ፤ እንዘ ብርሃነ ይለብሱ ወይትዓጸፉ ሡራኄ፤ በዓለ ፍልሰትኪ መላእክት ሰበኩ ኩለሄ።

ሰላም ለፍልሰተ ሥጋኪ ስቡሐ ዘተሰብሐ፤ እምነ ፀሐይ ወወርኅ ሥነ ስብሐቲሁ አብርሀ፤ እንበሌኪ ድንግል ወእንበለ ወልድኪ በኹረ ፍስሐ፤ አልቦ ለሞት ማዕሠሪሁ ዘፈትሐ፤ ወሙታነ በሲኦል አንቅሐ።

ሰላም ለፍልሰተ ሥጋኪ እምዓለመ ጽልመት ኃላፊ፤ ውስተ ዐውደ ኪሩብ ተሀሉ እንዘ የዐቅባ ሱራፊ፤ ማርያም ምዕዝት እምነ ጽጌያት ዘወርታ ታውፊ፤ ናሁ ተሰጠምኩ ውስተ ባሕረ ጽልመት ጸናፊ፤ በሐመረ ንጽሕኪ ወትረ ኪያየ ሐድፊ።

ሰላም ለፍልሰተ ሥጋኪ ለሊቀ ካህናት ዘአደሞ፤ መሥዋዕተ ነግህ የዐርግ ቅድስተ ቅዱሳን ቀዊሞ፤ ለመልአከ ሞት ፀዋግ መልአከ በቀል ወተቀይሞ፤ ሚ መጠነ አድወዮ ወሚ መጠነ አሕመሞ፤ ሞገስ ፍልሰትኪ ማርያም ዘእምላክ ኅተሞ።

ሰላም ለፍልሰተ ሥጋኪ ዘአጥናን ኃይሉ፤ ወአኤናዎን መዝራዕተ ሣህሉ፤ ማርያም ዝክርኪ ለትውልደ ትውልድ ዘይሄሉ፤ አምጸኢተ ምሕረት ማርያም ለኃጥአነ ምድር ኹሉ፤ ወቡርክት ማርያም ለክርስቶስ አባሉ።

ሰላም ለፍልሰተ ሥጋኪ በሰዋስወ ብርሃን ምጡቅ፤ ከመ ትኩኒዮሙ እመ ለኅሩያን ደቂቅ፤ ተሣየጥኒ ማርያም በንዋየ ሣህልኪ ወርቅ፤ ከመ ይሣየጡ አመ ዕለተ መፍቅድ ወጸሕቅ፤ ዘመደ አእዋፍ ሐምስ በክልኤ ጸሪቅ።

ሰላም ለፍልሰተ ሥጋኪ እግዚአብሔር ዘተዋሐዳ፤ ወተካፈለ ክበዳ፤ በፍልሰትኪ ድንግል ለኢየሩሳሌም ምድረ ይሁዳ፤ ስኒነ ተዝካር ወአፈወ ዕፍረት ፀዓዳ፤ ነገሥተ ተርሴስ ወደሰያት ያበውፁ ጋዳ።

ሰላም ለፍልሰተ ሥጋኪ እግዚአብሔር ዘዓልዓሎ፤ እምፍልሰተ ኤልያስ ነቢየ ሴሎ፤ ውስተ ብሔረ ጽድቅ ሰድኒ ማርያም በክነፈ

ዓውሎ፤ ለምንት አነ በፍግዓ ወበጥዲና እዴሎ፤ እንዘ ይዴግነኒ ሞት ዘይእንዝ ኩሎ።

ሰላም ለፍልሰተ ሥጋኪ ውስተ ብሔር ሥዑር፤ እንተ ኬንያሃ ወገባሪሃ እግዚአብሔር፤ ማርያም ፍትሕኒ እምግብርናተ ሞት መሪር፤ ሶበሰ ትፈቅዲ ንግሥተ ሰማያት ወምድር፤ ኢይሰአነኪ አግዕዞቱ ለኃጥእ ገብር።

ሰላም ለትንሣኤ ሥጋኪ ዘትንሣኤ ክርስቶስ መንታ፤ ርእሶ ሕያወ እንተ ኅብአ በውሳጢታ፤ በጽላሎትኪ ክድንኒ ማርያም ርግብ ኤፍራታ፤ ወሠውርኒ በአክናፍኪ አመ ይከውን ሐተታ፤ ወአመ ታገብእ ምድር ዘነሥአት ማኅፀንታ።

ሰላም ለዕርገተ ሥጋኪ ዘተወጥነ ቦቱ፤ ዕርገተ ቅዱሳን ሰብእ ዘበኅቤኪ ተአኩቱ፤ ለሊቀ ካህናት አሮን ማርያም ሠርጐ ትርሢቱ፤ ሥዑለ ይኩን በልብስኪ እስከነ ላዕሉ ወታሕቱ፤ ፍሬ ከናፍር ወአፍ ውዳሴኪ ዝንቱ።

ሰላም ለጊዮርጊስ ተውላጠ ፃማሁ ወሕማሙ፤ እንተ ተለዓለ ሞገሰ ስሙ፤ በፍልሰትኪ ድንግል ዘተቶስሐ ፍልሰተ ዐፅሙ፤ እንዘ ይብል ሶበ ጸለየ አሜሃ ቀዲሙ፤ ምስለ ፍልሰትኪ ደምርኒ እሙ።

ስብሐት ለኪ ማርያም ለአብ መርዓቱ፤ ስብሐት ለኪ ማርያም ለወልድ ወላዲቱ፤ ስብሐት ለኪ ማርያም ለመንፈስ ቅዱስ ጽርሐ ቤቱ፤ ወርቅስ ወብሩር ኃላፊ ውእቱ፤ እምኩሉ ብዕለ ዓለም ኪያኪ እፈቱ።

መልክአ ቀረባን

ሰላም ለኪ እንዘ ንሰግድ ንብለኪ፤ ማርያም እምነ ናስተበቀሳላ፤ እምዓርዌ ነጻዊ ተማሕፀነ ብኪ፤ በእንተ ሐና እምኪ ወኢያቄም አቡኪ፤ ማኅበረነ ዮም ድንግል ባርኪ።

ሰላም ሰላም ለመልክአ ሐና ወኢያቄም፤ ዘወለድዋ በርስዐኖሙ ለቡርክት ማርያም፤ እትመሐፀን አንሰ በመልክአሙ ፍጹም፤ ወእትዓተብ መልክእየ በእደ ማርያም፤ ዘመነ ፍሥሐ ለይኹን በእራኃ ግሩም፤ ለዓለመ ዓለም ወዓዲ በሰላም።

አማሕፀነ ድንግል ሥጋኪ ንጹሐ በዘለብሶ፤ በይነ ኪዳንኪ ዘኢይትሔሶ፤ መፍቀሬ አምላክ ገብርኪ ዘአወፈየኪ ንግሦ፤ ታግርሬ ፀሮ ወታጽንዒ አትሮንሶ፤ ወሀበኪ ምዕቅብና ሥጋሁ ወነፍሶ።

ናዛዚትነ እምነዘን ወኃይለ ውርዘትነ እምርስዐን፤ በማሕፀንኪ ተፀውረ ብሉየ መዋዕለ ሕፃን፤ አ ማርያም ተስፋ ለቅቡፃን፤ በጊዜ ጸሎት ወዕጣን ወበጊዜ ቅዱስ ቀረባን፤ ለናዝዘትነ ንዒ ኅበዝ መካን።

ወላዲተ አምላክ ማርያም እንበለ ሰብሳብ ወሩካቤ፤ በይነ ዘአቅረብኩ ለኪ ንስቲተ ቃለ ይባቤ፤ ፈትቲ እሙ በረከተ አፉኪ መዓዛ ከርቤ፤ ለነዳይ ብእሲ ወለዘረከቦ ምንዳቤ፤ ኅብስተከ ፈትት ኢሳይያስ ይቤ።

በላዒ ውእቱ ዘይበልዕ ዓማፅያነ፤ ወእሳት ነዳዲ ዘያውዒ ኃጥአነ፤ ኅብስተ ቀረባን ዝንቱ እስመ ሥጋ አማኑኤል ኮነ፤

ለጻድቃን ባሕቱ ይከውኖሙ መድኅን፤ ከመ ኢይርአዩ ኩነኔ ወደይነ።

ይወርድ መንፈስ ቅዱስ በላዕለ ኅብስቱ ወወይኑ፤ ሶበ ይብል ካህን ጸጋ መንፈስ ቅዱስ ፈኑ፤ ማዕከለ ዛቲ ቅድስት ቤተ ክርስቲያኑ፤ ይዌልጦሙ በቅጽበት አባላተ ክርስቶስ ይኩኑ፤ በኃይለ ጥበቡ መንክር ወዕፁብ ኪኑ።

ሰላም ለክሙ ጻድቃን ወሰማዕት፤ እለ አዕረፍክሙ በሃይማኖት፤ መዋዕያነ ዓለም አንትሙ በብዙኅ ትዕግሥት፤ ሰአሉ ቅድመ ፈጣሪ በኩሉ ሰዓት፤ እንበለ ንስሐ ኪያነ ኢይንሣእ ሞት።

ሰላም ለክሙ ጻድቃን በዛቲ ዕለት ኩልክሙ፤ እድ ወአንስት በበአስማቲክሙ፤ ቅዱሳነ ሰማይ ወምድር ማኅበረ ሥላሴ አንትሙ፤ ዝክሩነ በጸሎትክሙ በእንተ ማርያም እሙ፤ ተማሕፀነ ለክርስቶስ በሥጋሁ ወደሙ።

እግዚአ ኩነኔክ ሀቦ ለንጉሥ፤ ጽድቀከኒ ለወልደ ንጉሥ፤ አግርር ፀሮ ታሕተ እገሪሁ፤ ዕቀብ ሕዝቦ ወሠራዊቶ ለንጉሥነ መፍቀሬ አምላክ።

እግዚአ መሐረነ ክርስቶስ (ሦስት ጊዜ)

በእንተ ማርያም መሐረነ ክርስቶስ (ሦስት ጊዜ)

ሰአሊ ለነ ማርያም ወልድኪ ሣህሎ ይክፍለነ።

ድኅረ ቀርባን

እንዘ ብዙኃን ንሕነ እምፆታ ዘመን ዘዚአሁ፤ ነአምን ሞቶ ወንሴፎ ትንሣኤሁ፤ ለእግዚእ ክርስቶስ ዘኢይትአተት ጸጋሁ፤ መለያልየ አሐደ ይረስየነ ምስሌሁ፤ በአጽናፈ ዓለም ይጠባሕ አሐዱ ሥጋሁ።

ኦ ክርስቶስ በግዑ መሥዋዕት አሐዱ፤ ካህነ ወንጌል ሥጋከ ለለጊዜ ይጠባሕ በፈቃዱ፤ ለተዝካረ ሞትከ ባሕር ዘልበ ምእመናን ምእላዱ፤ ነፋሰ ጥዲና መንፈሳዊ ሶበ ይነፍሕ በዐውዱ፤ ከመ ነበልባል ይትነሣእ ሞገዱ።

ጊዜ ይሠዋዕ ኅብስተ ሥጋከ እመልክአ ሥጋ ፍሉጥ፤ ወደምከ ወይን እምደመ ጠባይዕ ውሉጥ፤ መሥዋዕተ መድኃኒት ክርስቶስ ለሥርየተ ኃጢአት ሥሉጥ፤ ንሕነሰ በዐይነ ሃይማኖት ምሡጥ፤ ፍጹመ ሥጋዌከ ንፊኢ እምውስጥ።

አብርሃም ተመነየ ተፈሥሐ ወተነበየ፤ ምሥጢረ ሞትከ ክርስቶስ አመ በበግዕ ርእየ፤ ብፁዓን ንሕነ እምኔሁ ዘአፈድፈድነ ዕበየ፤ እስመ ንሠውዐከ ለለዕለቱ ወንጡብሐከ ዝየ፤ ወበደምከ ነሐጽብ ጌጋየ።

በመንፈቀ ሳብዕ ወርኅ በዓለ መጸለት ይገብሩ፤ ተድላ ንብረቶሙ በገዳም እንዘ እስራኤል ይዜከሩ፤ ንሕነሰ ክርስቶስ ንዜከር ለለአሚሩ፤ ፍጹመ ኂሩተከ ዘኅቱም ምሥጢሩ፤ ወግብረ ሞትከ ዘዕፁብ ነገሩ።

ናሁ ማዕከሌን ወማዕከሌከ ሥዩም፤ ትእምርተ መሐላ ሥጋከ ወቀስተ ኪዳንከ ደም፤ ኢየሱስ ክርስቶስ መሥዋዕተ ሰላም፤ በከመ ተገብረ ቀስተ ደመና አመ ተአይኅ ዓለም፤ ዝናመ ጌጋይነ ይዕጹ ጥብሕከ ልጓም።

ደቂቀ እስራኤል ቅድመ በንስከተ ዓርቄ እለ ደወዩ፤ በርእየተ ዓርቄ ዘብርት እምነ ሕማሞሙ ጥዕዩ፤ ንሕነሰ ለክርስቶስ ሱቴፋን ደሙ ወማዩ፤ ኢነሐምም በዓለም ከመ ኢሐመ ባሕርዩ፤ ወለእመ ነሥአነ ሞት ዳግመ ነሐዩ።

ግነዩ ለእግዚአብሔር ወጸውዑ ስሞ፤ እንዘ ኢትፈልጡ እሞ፤ ምእመናን ወትረ በኢያርምሞ፤ ተዘኪረከሙ በመልዕልተ መስቀል ቀዊሞ፤ በእንቲአነ ዘከዐወ ደሞ።

ግነዩ ለእግዚአብሔር እስመ ለዓለም ምሕረቱ፤ ዐቢይ ኃይሉ ወብዙኅ አኩጮቱ፤ እምልብከሙ በቀለ እንዘ ታአትቱ፤ ከመ ይሥረይ አበሳከሙ ሰአልዎ ሎቱ፤ እስመ መሐሪ አምላክ ወጸድቅ ባሕቲቱ።

ግነዩ ለእግዚአብሔር ውነበ ማርያም ሰአሉ፤ እንተ ይእቲ ንጽሕት ሥጋ አባሉ፤ ሕሊናከሙ ሰማዩ እንዘ ታሌዕሉ፤ ከመ ትትባልሑ እምግባረ እከይ ኩሉ፤ መሐረነ አምላክነ ወአቡነ በሉ።

ሃሌ ሉያ ሃሌ ሉያ አቡነ ዘበሰማያት ይትቀደስ ስምክ ሥረይ ኩሎ አበሳነ ኢታብአነ ውስተ መንሱት እግዚአ ኢድኅነ እምዕለት እኪት ወባልሐነ እምኩሉ መንሱት።

ጸሎት ዘ ምሕላ

የመግቢያ ጸሎት

ይ.ክ ለእኛ በጎ ነገርን ያደረገ ይቅር ባይ እግዚአብሔርን እናመሰግናለን ይቅር ባይ የጌታችን የአምላካችን የመድኃኒታችን የኢየሱስ ክርስቶስ አባት ሰውሮናልና ረድቶናልና ጠብቆ አቅርቦናልና ወደ እርሱም ተቀብሎናልና አጽንቶ ጠብቆናልና እስከዚች ሰዓት አድርሰናልና፤ አሁንም ክብርት በምትሆን በዚች ዕለት በሕይወታችን ዘመን ሁሉ በፍጹም ሰላም ሁሉን የሚይዝ አምላካችን እግዚአብሔር ይጠብቀን ዘንድ እንለምነው። እንዲህ ብላችሁ ጸልዩ አባታችን ሆይ...

ይ.ክ ሁሉን የያዘህ የጌታችን የአምላካችን የመድኃኒታችን የኢየሱስ ክርስቶስ አባት በሥራው ሁሉ ላይ ስለ ሥራው ሁሉ በሥራው ሁሉ ውስጥ እናመሰግንሃለን፤ ሰውረኸናልና ረድተኸናልና ጠብቀኸናልና ወዳንተ አቅርቦህ ጠብቀኸናልና አጽንተህ ጠብቀኸናልና እስከዚችም ሰዓት አድርሰኸናልና።

ይ.ዲ እግዚአብሔር ይምረን ዘንድ በእኛም ላይ ይቅር ይል ዘንድ ሹ ለምኑ ስለእኛ ከቅዱሳን ጸሎትን ልመናን ይቀበል ዘንድ ሁል ጊዜ ባማረ አምልኮ ቡሩክ ከሚሆን ምሥጢር በአንድነት እንድንቀበል የበቃን ያደርገን ዘንድ ሹ ለምኑ።

ይ.ክ ስለዚህ እንለምንሃለን ከቸርነትህም እንሻለን ሰውን የምትወድ አቤቱ ክብርት የምትሆን ይህችን ዕለት እድንፈጽም ስጠን የሕይወታችንን ዘመን ሁሉ በፍጹም ሰላም አንተን ከመፍራት ጋር ቅንክቱን መከራውን የሰይጣንን ሥራ የከፉ

ሰዎችን ምክር የጠላትን መነሣሣት የተሰወረውንና የተገለጠውን አቤቱ ከእኔ አርቅልኝ ከሕዝብህም አርቅላቸው የአንተ በሚሆን በዚህ በመሠዊያው ካሉትም አርቅላቸው በጎውን ነገር ያማረውን የሚሻለውን እዘዝልን እባቡን ጊንጡን የጠላትንም ኃይል ሁሉ እንረግጥ ዘንድ ሥልጣንን የሰጠኸን አንተ ነህና፤ ወደ መከራ አታግባን ከክፉ ነገር ሁሉ አድነን አንድ ልጅህ ጌታችን መድኃኒታችን ኢየሱስ ክርስቶስ ለሰው ፍቅር ብሎ ባደረገው ቸርነትና ይቅርታ በእርሱ ያለ ምስጋና ክብር ጽንዕ ከእርሱ ጋር ለአንተ ይገባል ከአንተ ጋር ትክክል ከሚሆን ከማሕየዊ መንፈስ ቅዱስ ጋር ዛሬም ዘወትርም ለዘላለሙ አሜን።

ደ.ሕ እግዚአብሔር ቡሩክ አምላክ ነው በዘመን ሁሉ እግዚአብሔር የተመሰገነ ይሁን።

አምላክችን መድኃኒታችን ነው ይረዳናል፤ አምላካችን የማዳን አምላክ ነው።

የእግዚአብሔር ስሙ ከፀሐይ መውጫ እስከ መግቢያው የተመሰገነ ይሁን።

አቤቱ እንደ ዐይን ብሌን ጠብቀኝ በክንፎችህ ጥላ ጋርደኝ።

አቤቱ ረዳት ሁነኝ አትጣለኝ አምላኬ መድኃኒቴ ቸል አትበለኝ።

አባቴና እናቴ ትተዉኝ ነበር እግዚአብሔር ግን በሕይወት ተቀበለኝ።

አቤቱ ለእኔ ለባሪያህ የቀናውን መንገድ ምራኝ።

የቀደመ በደላችንን አታስብብን አቤቱ ይቅርታህ ፈጥኖ
ይደረግልን።

እጅግ ተቸግረናልና መድኃኒታችን አምላካችን እርዳን።
አቤቱ ስለስምህ ክብር ብለህ አድነን ስለስምህ
ብለህ ኃጢአታችንን ይቅር በለን።

አቤቱ ጌታዬ ተስፋዬ አንተ ነህና ከልጅነቴ ጀምሮ ተስፋ
አደረግሁህ።

ማታም ጠዋትም ቀንም ቸርነትህን እነግራለሁ ነፍሴን በሰላም
አድናት።

አቤቱ ወደእኔ ተመልከት ይቅርም በለኝ ብቸኛና ድኃ ነኝና።

የልቤ ኀዘኑ ብዙ ነው ከቸግሬ አድነኝ።

ሕመሜንና ድካሜን እይ ኃጢአቴን ሁሉ ተውልኝ።

በታናሽነቴና በስንፍናዬ የሠራሁትን ኃጢአቴን አታስብብኝ።

ኃጢአቴ ብዙ ነውና ኃጢአቴን ሁሉ ይቅር በለኝ።

ልቡናዬ ይቅር በለኝ ጸሎቴን ስማኝ ይልሃል።

ስለስምህ ብለህ ፈጽመህ ለመከራ አትስጠን ቃል ኪዳንህን
አትመልስ ይቅርታህን ከእኛ አታርቅ።

ስለወዳጅህ ስለ አብርሃም ስለባለሟልህ ስለይስሐቅ ብለህ
ለመከራ አሳልፈህ አትሰጠን።

ስለ ቅዱስህ ስለ እስራኤል ብለህ አቤቱ ኪዳንህን አሰብ።

ይቅር ያለንና ለወገኖቹ ድኅነትን ያደረገ እግዚአብሔር
ይመስገን።

ሁልጊዜ አንተን ተስፋ አደርጋለሁ አቤቱ ይቅርታህን አሰብ።

አቤቱ ሰውንም እንስሳንም ታድናለህና በእኛ ላይ ምሕረትህን
አብዛ።

በእኛ ላይ ምሕረትህን አብዛ መዓትህን ከእኛ አርቅ።

መዓትህን ከእኛ አርቅ ለዘለዓለሙ አትቆጣን።

መዓትህን በትውልደ ትውልድ ላይ አታስረዝም።

ሃሌ ሉያ ዘበእንቲአሃ ለቤተ ክርስቲያን ተጻፋዕከ በውስተ ዐውድ
ከመ ትቀድሳ በደምከ ክቡር ዘበእንቲአሃ ዝግሐታተ መዋቅሕት
ፆረ ወተዐገሠ ምራቀ ርኩሰ እንዘ አልቦ ዘአበሰ አምላክ ዲበ ዕፀ
መስቀል ተሰቅለ

በተባርዮ - በመፈራረቅ / በዜማ

መሐረነ አብ

ሃሌ ሉያ

ተሣሃለነ ወልድ

ሃሌ ሉያ
መንፈስ ቅዱስ መሐሪ ተዘከረን በሣህልከ
ለከ ንፌት ስብሐተ ወለከ ነዓርግ አኩቴተ
መሐረን መሐሪ ኃጢአተን አስተሥሪ
ወአድኅነነ
ወተማኅፀን ነፍሱን ወሥጋነ
ክርስቶስ ወልደ እግዚአብሔር
አምላክነ
ወመድኃኒነ
ኢየሱስ ክርስቶስ ተሣሃለነ
በብዝሃ ምሕረትከ
ደምስስ አበሳነ
ወፈት ሣህለከ ላዕሌነ
እስመ እምነቤከ
ውእቱ ሣህል
ሃሌ ሉያ መሐረን አብ መሐሪ
ወተሣሃለነ
ሀብ ሣህለከ መሐሪ
ኢታጥፍኣነ ተዘከረከ ዘትካት

በምሕረትከ

እስመ መሐሪ አንተ

ውበዙኅ ሣህልከ ለኩሎሙ እለ ይጾውዑከ

ይጾውዑከ በጽድቅ

ሰማዒ ወትረ

ከሃሊ ዘውስተ አድኅኖ

ከሃሊ

ዘውስተ አድኅኖ

ለአምላክነ እስመ ጽድቅ ቃሉ

ንስአሎ ለአብ

ይፈኑ ለነ ሣህሎ

እስመ አብ የአክል ለዘሰአሎ

ሃሌ ሉያ

ስብሐት ሎቱ ይደሉ

ሃሌ ሉያ አከጋፍት ሎቱ ይደሉ

ሃሌ ሉያ

ለክርስቶስ ለእግዚአ ኩሉ

ሃሌ ሉያ ሃሌ ሃሌ ሉያ

ወይእዜኒ

መኑ ተስፋየ

አኮኑ

እግዚአብሔር

ውስተ እዴከ እግዚአ አመሐጽን ነፍስየ

ኀበ አምላክ ምሕረት

አመሐጽን ነፍስየ

ኀበ ንጉሠ ሰብሐት

አመሐጽን ነፍስየ

በእግዚእየ ወአምላኪየ

አመሐጽን ነፍስየ

እምኩሉ ምግባረ እኩይ ኢድኅና ለነፍስየ

ሀቡ

ንስአሎ

ንስአሎ

ናስተምሕሮ

ለአምላክነ ጻድቅ እስመ ጽድቅ ቃሉ

ዘይክል ኩሎ ወአልቦ ዘይሰዓኖ

አምላክ ነዳያን ወተስፋ ቅቡጻን

ንሕነ ኀቤከ ተማኅፀነ

አቤቱ ዘወትር ሰላምን ስጠን በደህንነት አውለን ሁል ጊዜ ከበጎነትህ ስጠን የማታንቀላፋ ቸር ትጉህ እረኛችን ለይቅርታ የተዘጋጁ የምሕረት መላእክትን ላክልን ከዐመፀኛና ከውሸተኛ ሰው አድነን እንደ ሰው የበደልነውን አቃልልን አንተ ቸር ሰው ወዳጅ ነህና ከእኛ ጋር ሁን።

ሌሊቱን ሁሉ በሰላም ያሳደርኸን ሰውን የምትወድ አቤቱ በነግህ እናከብርሃለን እናመሰግንሃለን እንገልጻለን በደህና አውለን እናገለግልህ እናመሰግንህ እንገዛልህ ዘንድ ስጠን አሁንም ለእኛ ለወገኖችህ ሰላምን ምሕረትን ላክልን።

ኢትዮጵያ ሆይ ሀገራችን ረስፔሽ እንደሆነ ቀኜ ትርሳኝ ያላሰብኩሽ እንደሆነ አንደበቴ ከጉሮሮዬ ይጣጋ ኢትዮጵያ ሆይ ለቀድሞ ከብርሽ ያልተሳልኩ እንደሆነ አቤቱ ፈጣሪያችን የጠላት ልጆች ኢትዮጵያን ያጠፉበት ቀን አስብ እስከመጨረሻው ትጥፋ ያሉትን ጠላቶቻችን የሚያጠፋቸው አምላካችን ምስጉን ነው ጠላቶችሽን በጽኑ መከራ የሚያጠፋቸው አምላካችን ምስጉን ነው ኢትዮጵያ ሆይ ሀገራችን ረስፔሽ እንደሆነ ቀኜ ትርሳኝ ያላሰብኩሽ እንደሆነ አንደበቴ ከጉሮሮዬ ይጣጋ ።

ለአብ ለወልድ ለመንፈስ ቅዱስ ዘለዓለም ምስጋና ይሁን፤ አነሣሥቶ ላስጀመረን አስጀምሮ ላስፈጸመን።

ሃሌ ሉያ ሃሌ ሉያ ሰላም አብ ሰላም ወልድ ወሰላም መንፈስ ቅዱስ ይኅድር ማዕከሌክሙ - የአብ ሰላም የወልድ ሰላም የመንፈስ ቅዱስ ሰላም በእናንተ መካከል ይሁን።

ይ.ካ እግዚአብሔር ሁላችንንም ይባርክን ይቅርም ይበለን በሕይወት እንኖር ዘንድ ፊቱን በእኛ ላይ ያብራልን በስንፍናችን በድካማችን ከሕጉ ከትእዛዙ ያቻከፍልን ያዘገየን የጨመርን

የገደፍን እኛን፤ በደልን የሚሰውር፤ ንስሐን የሚወድ፤ የኃጥአን ተስፋ፤ የቡሩክ አብ ልጁ ይማረኝ ይማራችሁ ይጠብቀኝ ይጠብቃችሁ ወደዚህ መጥታችሁ በዚች ቅድስት ቤተ ክርስቲያን ቆማችሁ የጸለያችሁ ካህናት ዲያቆናት ንፍቀ ዲያቆናት አናጉንስጢስ መዘምራን ወንዶች ሴቶች አእሩግ ሕፃናት ቡሩካን ሁኑ ብርሃንን ተቀበሉ የመንፈስ ቅዱስ ጸጋ ከእኔም ከእናንተም ጋር ይሁን ዛሬም ዘወትርም ለዘላለሙ አሜን።

ማሳሰቢያ፡-

ይህ ዝግጅት የተዘጋጀው ታኅሣሥ ፲፫ ፳፻፲፯ መዐርገ ዲቁና ለተቀበሉ ዲ ቅዱስ፤ ዲ ግእዝ፤ ዲ ናታኒም፤ ዲ እስጢፋኖስ፤ ዲ ቶማስ፤ ዲ ግሩም ማስታወሻ ይሆን ዘንድ ነው።